



6

17-b

16

206b.



M

Bibliotheca
ri Coll. Rom.
Societ. Jesu

19

6-14.6.16



Coll. Rom. Soc. Jes. ca. 1610. ap. G. B. Mur.

Q. HORATII

FLACCI EPODON

L I B E R,

Ex antiquissimis septem codicibus manuscriptis,
cum commentarijs antiquis emendatus &
editus opera IACOBI CRVQVII Messi-
nij, apud Brugenseis politioris litteraturæ
professoris publici.


Eiusdem in eundem adnotationes.



ANTVERPIAE,
Ex officina Christophori Plantini,

M. D. LXVII.

CVM PRIVILEGIO.



SVMMA PRIVILEGII.

CAVTVM est Regio Privilegio, ne quis Q. Horatii Flacci Epodon Librū, à Jacob. Cruquio Messinio Brugenſi emendatū, citra Chriſtophori Plantini voluntate imprimat, aut alicubi impreſſum importet, venalemue habeat a die impreſſionis absoluta intra ſexennium. Qui ſecus faxit, conſiſcationis librorum, & quinquaginta florenorum poena, fiſco Regio exſoluenda, multabitur: vt latius in Regio diplomate expreſſum eſt, Dato Bruxella xiiii. April. An. Domini M. D. LXIII.

Sign.

Mefdach.

AD C. V. IACOBVM A CLAER-

HOVT D. DE MALDEGHEM, PIT-
tem, VVtkerke, Coolskam, Lembeke, &c.
Baronem de Guyse, Coucy, &c. Commis-
sarium Flandriæ, & Præfectum arcis Slu-
sanæ, IAC. CRVQVII PRÆF.



*ET SI non sum nescius Sententiæ illius
Isocraticæ ἀκαίρον πάντα χεῖ λυπηρόν
heros amplissime, tamē hoc animo meo
imperare non potui, quin tibi importu-
nior essem, teque dicto scriptōne inter-
pellarem, dum eam temporis nanciscerer oportunitatem
qua liberiùs ad te accedere, teque humaniùs compella-
re liceret: nam hoc semper veritus sum ne conueniendi
tui pro rerum tuarum magnitudine occasio mihi ali-
quando præsens commodaque satis non offerretur: Ita-
que malui minus ciuilitè agendo temeritatì me obie-
ctare, quàm perpetuo silentio non multo meliori apud te
esse gratia. Quod eò etiam audaciùs à me factum est,
quòd me non fugiat te iam satis affueuisse saluatoribus,
vt non semper urbanis, ita frequenter intempestiuis &
multum sepe fortassis ineptis: quos tamen pro summa
tua modestia ita patienter accipis, vt eos qui tibi sunt
apertissimi: hoc enim mihi hætenus de te sic persuasum
est vt quod persuasissimum, non posse tuo candori quic-
quam ingratum videri, quantumuis incompositum, &*



à tuis moribus alienum, modò illud ex simplici & minime fucato pectore proficisci animaduertas. Quo de numero me esse ut credas, nullis hic verborum ambagibus aut magnifica sententiarum persuasione opus esse arbitror, ut qui à primis propè annis tuis meum vitæ genus atque institutum familiariter inspicere & cognoscere potueris : nimirum ab eo ipso tempore quo auus tuus maternus, nobilitate & ingenio prudentiaque magnus, Iacobus ab Halewijn, Baro de Maldeghem, &c. mea politioris litteraturæ studia non commendare modò, verum etiam promouere atq; euehere cœpit. Cuius rei gratia tantum vestræ familiæ, vestroque patrocínio me obæratum fateor ingenuè, quantum pro rebus nostris soluendo par esse nequeam : nisi hoc magni cuiusdam muneris loco habere digneris (nolim enim hac in re mihi φιλαυτὸς esse) ut humane cōditionis quando memorem te efficio, me tuæ salutis stabiliendæ sedulum observatorem agere patiaris : Quæ profectò ut non omnino sepe incolumis existit, ita fieri non potest quin immensis tuis molestiis grauiter plerunque afficiatur concutiaturque : Tanta namque alacritate & morum suauitate omneis amplecteris, ac gratum cuique facere conaris, ut nonnunquam tui ipsius curam præ aliorum beneuolentia minime facere videaris : quod Gulielmus Pantinus medicus tuus magni vir & exacti iudicij frequenter apud me conquestus est. omitto Iodoci à Maldeghem D. de Leyshot arcta tibi necessitudine iuncti : omitto omnium bonorum

bonorū de tua malè plerunq; affecta valetudine dubiū
 metum. Atqui non hæc eò dicta velim, quòd vel im-
 probandum iudicem hunc tuæ vitæ modum, aut ab in-
 stituto ad immortalitatem curriculo deterritum te re-
 uocem: verūm vt in eo quod iamdudum magna cum
 admiratione omnium agis, tuæque incomparabili laude
 ita te geras, ne dum alijs nimis sollicitè des operam te
 ante tempus eas perditum non sine magno tuorum de-
 siderio; namque opinor esse neminem ex ijs qui tibi tuo-
 que nomini bene ominantur, qui multis votis non con-
 cupiscat te Nestorios annos id agere posse: nam cū
 vera atque adeo sola virtus sit fortiter agendo cum pri-
 uatim tum publicè de omnibus bene mereri: hoc tu pro-
 fectò viri fortis munus, easque honesti partes & foris
 grauitè, & domi benignè hospitaliterque ita admini-
 stras, vt non patriæ tantum & tuis ciuibus amabilis, sed
 & exteris nationibus principibusque viris sis gratosus
 & admirabilis: adeò vt actum agere, iuxta prouerbiū,
 non immeritò videri possim, si, quod omnibus est in con-
 fesso, qua auctoritate sis apud Philippum regē nostrum
 Catholicum, pluribus hic commemorem, qui in ædibus
 tuis diuersari non semel, regioque apparatu à te accipi
 cum vniuerso suo comitatu non est dedignatus. Quid hic
 etiam referam qua gratia familiaritateque fortissimus
 heros Lamoraldu, Comes ab Egmont, hospes tuus tibi
 coniunctus est ac propemodum necessarius. Quid deni-
 que innumeros alios nobili stemmate claros viros recen-

scam tibi deditissimos; quum tu factus esse videaris ad optimum quemque hospitio amicitiaque tibi deuincendum? Verum quando ita natura comparatum est, ut nemo quod laudabiliter & cum virtute instituit feliciter absoluat, praeserim ubi magna & corporis & animi contentione opus est, nisi id ipsum maturo iudicio remissum nunc gratâ quiete condatur, nunc actionis vicissitudine recreetur: illud certè ipsum quàm nunc iam prudenter mediteris, quamque egregiè tibi tuisque rebus consulas, temerè hic transeundum nõ putauit: nimirum quo pacto molestis illis obsequiis principumque laboribus pro temporis ratione remissis, ad auitam & nunquam satis laudatam maiorum tuorum viuendi rationem te iucundè totum contuleris: Qui Flandriae rebus in pace constitutis, quum à Praefecti aut Comitibus latere longius abesse liceret, sese tradiderunt honestis principibusque dignis occupationibus, & venatione, aucupioque corpus exercitando nihil antiquius habebant. Cuius rei, ne quis id fabulosum, & ad beneuolentiam confectum intra sese musset, insignia Domus Clacrhoutorum (quorum tu primatum nunc tenes, à primis Gandensium Procomitibus, quos Burggrauios nominamus) orta manifestissimo sunt argumento: Quae in cono galeae eremicolam antiquo cultu & veneranda pietate insignem gerunt, antiquissimum nobilitatis monumentum. Nam si Gandauis Clarineam olim dictam fuisse in suis Chronicis memoriae mandatû posteris tradidit Iacobus

Meie-

DEDICATORIA.

Meierius noster rerū Flandricarū studiosiss. indagator, procul dubio etiā est veritati consonum Claerhout esse Clarineam siluā, quæ inter Gandauū olim & Torholtum media interiacebat, à qua vestrae familiae viros validissimos (quos Forestarios, hoc est à silua saltuq; Saltuarios vocitabant) suū nomen derivasse nō obscure conyicere licet: idq; magno suo merito illis contigisse, ut qui nondum publicè à Flādris suscepta fide Christi, religiosos Anachoretas defensando, siluam illā latronibus infestam purgauerint. Quæ cum ita sint, D. generosissime, perge studijs huiusmodi, dū per castra datur & arma, ad extremā vitæ metam decurrere, nec non maioriū tuorum exēplo in Eremito tua Reesyingana id tecū cogitare, id agere quod moderatè vitam faciat beatiorē, ut ille canit: equidē haud scio an vlla beatior esse possit, quā sit ea qua mirabiliter gaudes, agricolationis vita, quæ ferendi & plantandi præcepta cōtinet, qua Reesyingam prius ab auo tuo Maldegemio præclaris ædificijs exornatā, tu nunc ita excolis & arboribus conserēdis exornas, ut posteritatis memoria (cui potissimū hic viuimus et laboramus) omnibus spectatoribus viuā quandā immortalitatis imaginē quasi ob oculos ponas. Quid enim horti tui loquūtur aliud, quos hic opere topiario amcennē cōcinnatos exhibes. Istic fructiferis arboribus in quincuncē digeris: illic actus in longū latumq; ducis duplici ordine vltro plantis citroq; cōsitis, quibus et hominibus olim & gregibus coactis gratā umbrā facias. Huc

adde, quæ hæc omnia cōditiora faciunt, auitium, equitiū,
 & in sectandis feris primum & indefessum studium.
 Quam ob causam ut his tuo nobili genere dignis exer-
 citamentis alacrius incumbas, ingenioque & naturæ in-
 fernias amabilius, pro vestra erga nos humanitate id
 mihi negotium credebam dari, ut hanc tam commēda-
 bilem rusticationem simili argumento collaudarem, Ho-
 ratiumque in suo Tusculano libenter rusticantem tibi
 proponerem, quem olim te adolescentem felicissime do-
 cuit M. Arnoldus Motorius præceptor tuus vir totius
 humanitatis Græcæ & Latine peritissimus: ut quo ille
 Lyricorum facile primus consilio, strepitu tamen urba-
 no prius valere iusso, gaudebat Bacchum in remotis car-
 minarupibus videre docentem nymphasque discenteis:
 ita non alia tu ratione in rure tuo Malde gemio, dum la-
 boriosius quid in saltibus experiri nō datur, inter Nym-
 phas & musas medius succinas ruris laudati elegan-
 tissimam epodōn.

Beatus ille qui procul negotijs,
 Ut prisca gens mortalium,
 Paterna rura bobus exercet suis,
 Solutus omni scœnore, &c.

In quam ἐπεὶ δὲν & reliquas illius auctoris cū anti-
 quorum interpretum expositiones à nobis, quo ad eius
 fieri potuit, restitutas, tum nostras commentationes ea
 mente animique promptitudine T. C. inscribendas de-
 dicandasque existimavi, ut modis istis Horatianis nu-
 merisque

DEDICATORIA.

merisque suauiter nonnunquam ἐπεὶ ὅσον curas edacis
 pectoris sopire possis. Hanc itaque, clarissime heros, ani
 mi nostri, ut bene beateque viuas, sollicitam significa
 tionem, laboresque nostros in ἐπεὶ ὅσον ea gratia & hu
 manitate te obtestor à Cruquio tuo ut accipias, eoque
 loco apud te esse ne dedigneris, quo nos aliquando apud
 te esse voluisti: ut praeclarissimi tui nominis accessione
 tanquam propugnaculo quodam presentissimo tutiores
 sint ab omni luore obrectationeque maligna. Valeat
 & longum viuat T. C. incolumis. Brugis Flandro
 rum. 10, kal. Mart. An. C10. 10. LXV.

IAC. CRVQVIVS.

Quod breuibus subsit numerisque modisque Proædo,

Hoc carmen verum nomen Epodus habet.

Hocque illi donat citharæque lyraque canora

Accentu obstrepero clarior vna fides.

Q. HORATII FLACCI
EPODON LIBER.

*Ad Macenatem, quem deducit ad Aëtiacum
bellum proficiscentem cum Augusto con-
tra Antonium.*

ἐπεὶ δὲς Iambica 1.

*Ibis liburnis inter alta navium
Amice propugnacula,
Paratus omne Caesaris periculum
Subire Macenas tuo.
Quid nos? quibus te vita sit superstita
Lucunda: si contra, grauis?
Vtrum ne iussi persequemur otium
Non dulce, ni tecum simul?
An hunc laborem mente laturi, decet
Qua ferre non molles viros?
Feremus. & te vel per Alpium iuga,
Inhospitalem & Caucasum,
Vel occidentis usque ad ultimum sinum
Forti sequemur pectore.
Roges? tuum labore quid iuueni meo
Imbellis ac firmus parum.
Comes minore sum futurus in metu:
Qui maior absenteis habet.
Ut assidens implumibus pullis auis
Serpentium adlapsus timet:
Magis relictis: non ut adsit, auxili
Latura plus presentibus.
Libenter hoc et omne militabitur
Bellum in tua spes gratia:*

Non

*Non ut inuencis illigata pluribus
 Aratra nitantur meis:
 Pecusque Calabris ante sidus feruidum
 Lucana mutet pascua,
 Nec ut superni villa candens Tusculi
 Circea tangat mœnia.
 Satis superque me benignitas tua
 Ditauit. haud parauero,
 Quod aut auarus ut Chremes terra premam:
 Discinctus aut perdam ut nepos.*

COMMENTATOR.

LIBER hic inscribitur Epodon, quoniam ita versus ordinati sunt ut singulis quibusque suæ clausulæ recinant. Clausulas autem dicimus præcisos & breuijores versus: quales sunt Dimetri ad trimetros: nam Dimeter binarius est, trimeter autem ternarius, quorum ille quidem *πρῶτος* dicitur, quod præcinatur: hic verò *ἑπὶ ὀδός*, quod succinatur. Liber itaque *ἑπὶ ὀδῶν* dicitur, quasi versiculorum: quia per totum hunc librū maioribus versibus seu longioribus postponuntur minores, seu breuijores. Metrum hoc est Iambicum: primus versus est trimeter: secundus autem dimeter qui *ἑπὶ ὀδός* dicitur, quia vna mensura minor est. Et quia decem primæ epôdi constant Iambicis versibus trimetro & dimetro, sciendum est quod Iambicus trimeter habet sex Iambos: dimeter autem quatuor. Versus autem Iambicus triplex est, Tragicus, Comicus, & Satyricus. Iambicus autem trimeter Tragicus recipit pedes dextros iambum, spondæum, tribrachum scilicet primum, tertium, quintum, sinistros autē solum iambos scilicet secundum, quartum & sextum: ut, Diui potentes

tentes ferte vexatis opem. Comicus autem frequentes
 habet tribrachos, præter sextum qui semper est iam-
 bus: vt, Agite quid dubitatis hilareis dare choros? Sa-
 tyricus est medius seu mixtus: vt, Musæ Iouem laudate
 & hilareis date choros. *Ibis liburnis inter alta*] ad Mæ-
 cenatem, qui omnem militiam Cæsaris naumachia, id
 est, nauali prælio ordinaturus proficiscebatur ad bel-
 lum Actiaticum, cum quo sese ait vnâ velle proficisci.
Ibis Liburnis. nauibus validis & constratis. *liburna*, na-
 uis est minor à Liburnia regione seu Libya; his enim
 nauibus Libyci mercatores vehûtur, quibus etiâ vtun-
 tur qui ordinant nauale prælium, discurrentes inter
 naues maiores & militiam ordinantes. *Inter alta pro-*
pugnacula. inter altas naueis. propugnacula in nauibus
 dicuntur loca altiora quasi muri vnde milites suos ho-
 stes propugnât, aut manu aut telis. *Quid nos.* agimus,
 facimus per eclipsim, aut in futuro, agemus, faciemus.
 dicit se penitus ignorare quid agat, an, domi manere
 iussus à Cæsare, carminibus studeat, an ad prælium
 cum eo pergat. *Te superstiti,* te incolumi, te viuo. *Si*
contra grauis. grauis est mihi vita te mortuo, si te mori
 contigerit. *Iussi.* à te vel potius à Cæsare: dicitur enim
 Cæsar Augustus Horatio dedisse militiæ vacationem,
 cùm idalijs denegasset. Nam totam urbem ad dele-
 ctum vocauit, valde enim timuit Antonium. *Perseque-*
mur. instabimus ne carminibus, quæ ab ociosis scribun-
 tur? *Non dulce.* Iniucundum mihi sine te. *Otium.* hoc
 est carmen quod poetis delectationi solet esse, mihi est
 ingratum nisi tecum. *An hunc laborem.* an ea mente
 laturi sumus hunc laborem militare, qua mente il-
 lum ferre decet, non molleis, hoc est, forteis viros?
Alpium inga. id est per Alpium summitates. Montes
 autem

autem trifariam diuiduntur, in radices, quæ & pedes dicuntur, & latera, & iuga. *Inhospitalem.* quia hospitij non patet, vbi nemo habitat propter montis asperitatem & ferarum multitudinem: vt, Et inhospita fyrtis. *Caucasum.* Caucasus mons est Scythiæ asperissimus vbi piper nascitur. vt, duris genuit te cautibus horrens Caucasus. *Ad ultimum sinum.* ad Hispaniæ oram ultimam. *Roges* fortassis interrogabis me. quid iuuare posset tuum laborem meus labor, si tecum essem in prælio, quum ego sim non multum fortis? Respondet. Quia tecum in bello præsens si fuero, minus tibi metuum quam absens. Quia illa est humanæ mentis ratio, vt quos diligimus, plus timeamus absentibus, propter diuersa pericula, quæ generant sollicitudinem: vnde Lucanus; vt timorem sollicitæ mentis ostenderet, inquit, Euentus belli sciat vltima coniunx. *Minore sum futurus in metu.* hoc est, non hæc dico, quod tuum quidē laborem iuuem meo comitatu, sed quod minuiam meam sollicitudinem. *Vt assidens implumibus.* Argumentum à comparatione sumpta ab auibus, quæ cum præsentibus adsunt, pullis suis minus timent si serpentes aduenerint, quanuis illos defendere non magis possunt, quam dum sunt absentes ab eis. Sic magis tuæ saluti timeo, si non fuero tecum præsens in periculo prælij. Aptæ hæc est comparatio ab auibus, ad notandam ignauiam, & incuriam inertium hominum: Aues enim nidos non relinquunt amore naturali, etiā si contra serpentes suos pullos tutari non possint. *Assidens,* fouens, nutriens. *Adlapsus,* impetus, incurssiones. *Timet magis relictis.* ordo est, auis assidens pullis implumibus, timet quidem serpentium adlapsus, sed magis timet relictis illis, id est absens, vt, relictis, sit casus datiuus.

datiui. quēadmodū illud Terentij, Syre tibi timui malē. *Non ut adsit.* id autem sic ordinatur, Non latura, id est, allatura plus auxiliij præsentibus pullis quàm absentibus, ut adsit, id est, si adsit. *Libenter hoc & omne militabitur.* libenter & hoc bellum, & omne aliud militabo tecum, tuā ut ineam gratiam, non ut habeam multa iugera, aut pascua, ut pecus meum de Calabria transeat ad Lucaniam æstate incipiente, neque ut villa mea Tusculana, possessionibus iunctis, extendatur vsque ad Circæum montem. *Militabitur à me,* nouè dictū. *Omne.* per eclipsim aliud. *in tue spem gratiæ.* ut tuam gratiam consequar. *Non ut iuuentis illigata, &c.* Hypallage, hoc est, non ut illigati tauri sub aratris nitantur, non propterea, ut plures iuuenti nitantur, id est, incumbant proscindendæ tertæ, seu ut habeam plura aratra. *Pecus sue.* meum. *Ante sidus feruidum.* ante ortum Caniculæ, quæ oritur octauo calend. Iulias, quæ pecori multam contagionem, & hominibus multos morbos adferre solet, per nimium calorem. *Lucana mutet pascua.* Solent pastores ex Calabria trāsire in Lucaniam, propter eius regionis temperiem, ante ortum Caniculæ sub mensem Iulium, quando Calabria nimio æstu pecori est infesta: contrā rursum ex Lucania abeunt in Calabriā, propter nimium frigus Lucaniæ. *Nec ut superni villa.* hoc est, non militabo tecum ut dilatentur termini agrorum meorum, vsque ad Circæū oppidum Tusculi superni, hoc est, in monte siti, ad cuius latera superiora, Cicero suam villam habebat Tusculanam. Tusculum autem oppidum conditum fuit à Telegono filio Vlyssis, & Circes quæ erat filia Solis. *Candens ornata. Circeæa tangat mania.* Circæum oppidum à Circe ædificatum. *Satis superque.* abunde. *Benignitas.*

nignitas. liberalitas. Nam donatum sibi in Sabinis fundum à Mæcenate Horatius sæpe testatus est. *Haud parauero*. nolo tantum habere diuitiarum, quantum diues auarus, vt illas in terra abscondam, aut vt luxuria perdam, quasi dissolutus nepos. *Parauero*. conquiram. Sic Virg. donec me flumine viuo Abluero. *Chremes*. senex est, quem Terentius in comædijs introducit auarissimum. *Premam terra*. abscondam. *Disinctus*, dissolutus luxu. *Perdam*, dilapidem, prodigè expendam. *Nepos*. Luxuriosus & prodigus. fortassis inde hoc nomen hanc significationem habet secundariam, quòd nepotes ab auis domi suæ delicatè enutriti, soleant postea lasciuire, & bona patris prodigè dilapidare: vel à Nepa serpente, qui omnes deuorat natos præter vnum, qui latenter in fetis dorsi matris euadit.

IAC. CRVQVIVS.

De inscriptione libri ἐπιδῶν.

INTER doctos iam olim sententijs mirabiliter est variatum de hac inscriptione, Liber ἐπιδῶν, vnde ea sumpta esse, & quam hic significationem habere possit. Nec fuit adhuc quisquam qui suas coniecturas omnibus probare potuit. fuere nonnulli qui illam ad Pindaricam ἐπιδῶν conferendam putarint. At illi statim in ipso, vt aiunt, limine offenderunt, nimirum quòd illa longe alia esse doceatur à Pindari interpretibus, quàm hanc vident esse Horatianam: Illa enim strophè habet & antistrophèn, quæ hic nullæ sunt, nisi fortasse fictitiæ, quas in chori ipsius nunc agitatione considerare necesse esset, nunc in statu eiusdem. Quare hoc ingeniosius commentum videri potest quàm verum, & Horatianum. Rursum alij huc propius accedere visi sunt,

sunt, qui ἐπωδαὺς legere maluerunt quàm ἐπωδούς.
 Quòd vt liber hic ἐπωδαῖν semper inuenitur stato quo-
 dam ordine subsequi libros odarum, ita illum quasi
 post odas, siue odas posteriores inscriptum iudicaue-
 runt. Atqui illi nimis certè ab animo otiosi, non ani-
 maduertere ἡ δὲ ὀδὴ, quod nomen certè totius huius ma-
 li origo fuit, prius submouendum, atq; eius loco scri-
 bendum, ἡ δὲ ἐπωδὴ, quàm suam coniecturam lectori-
 bus persuaderent. Ego me hercule ἡ δὲ ἐπωδὴ, & re &
 nomine potius aptari posse dixero libro odarum quar-
 to: Quòd odæ illic pòst ab Horatio scriptæ sint, quàm
 ille decreuerat nullas alias decantare; vel ipso teste in
 illa ode: Exegi monumentū ære perennius, &c. Qua
 gratia quartus liber odarum posteriores odæ meritò
 nominari possint. Ceterùm vt & illos omittamus qui
 in antiquo codice hunc librum ita viderunt inscriptū,
 Quintus liber odarum, (quem arbitror non fuisse scrip-
 tum manu) & quæ nos aliquando obseruauimus in
 mediū cōferamus, si fortassè fidē facere possumus, has
 esse illas ἐπωδούς, quas Diomedes describit. Primum
 hoc lectori candido testatum volumus, nos hac in re
 nobis nihil indulgere, sed esse paratos doctorum viro-
 rum subire obeliscos, asteriscos, cancellationes, & si
 quid sit grauius istis: nam quicquid hic conati sumus,
 hoc ipsum in rem litterariam libenter fecimus. Itaque
 vt ad rem veniamus, cum doctioribus omnino cense-
 mus Diomedis grammatici, & aliorum antiquorum
 sententiam amplectendam, atque συνεισδυγικῶς, à parti-
 bus versuum, siue simplicium, siue cōpositorum, quæ
 legitimis, & integris versibus ἐπὶ ἀνάλαι, id est accinū-
 tur, dictas esse ἐπωδούς, vt à parte denominatio sit to-
 tius. hoc autem cur ita iudicemus, quibúsue argumen-

tis aſtruere conemur , paucis opus eſt ; quare primùm hoc leſtorem monitum volumus, odarum nomẽ, tanquam prorfus adulterinum , procul hinc relegandum eſſe : nam etſi verſus libri huius reuerà ſint oda: tamen inſcriptionem libri illam diſtioneĩ non admittere, pro comperto eſſe debet, niſi ſuſque deq; habentes omnia, velimus ea communia facere omnibus quę ſunt vnicuique propria: nam quatuor odarum libros quis inficiabitur propriam & ſuam habere inſcriptionem? An non & liber ὁδῶν ſibi peculiaris eſt? Quod cùm ita ſit: quis non videt, ὁδῶν in alienam poſſeſſionem olim iruiſſe , eamque ſibi cum epodis non tam communẽ quàm feciſſe propriam, dum ſua ſede fixa, ſingulis carminibus huius libri , perpetuò præſidere contendit? Sed quid? an exiſtimabimus à mente fuiſſe alienatum Horatium , quando odas ab epodis ſeiungeret? aut illum tam malè ſanum iudicabimus qui non intelligeret libri huius inſcriptionem inanem penitus, & nullius fore ſignificationis, ſi etiam hæc ſua carmina odas nominari volet? ego certè hoc argumento ſtatim ſubſcripſerim illis, qui hũc inſcriptum vidiffẽ ſe aiunt; Librum quintum odarum , ne Horatium aliquando alium à ſe fuiſſe fatendum ſit. Quod certè nullis rationibus mihi vnquam quiſquam perſuaſerit reipſa librum hunc ita eſſe inſcribendum : nam huic opinioni obluſtantur codices quatuor Bland. antiquiſſimi, vnà cum duobus codicibus Buſſidianis & Carrionis cod. in quibus odas quatuor librorum inuenimus digeſtas per ſuas claſſes, quantum ad argumenti rationem pertinet : nam alię dicuntur Eroticę, alię Encomiaſticę, alię Paræneticę, &c. vt luce clariuſ ſit, illas ita ordinatſe viros doctiſſimos, primos illos commentatores, cer-
toque

toque iudicio odas ab odis segregasse. Atqui tamen non legimus in his classibus aliqua huius libri carmina, aut contineri, aut illis annumerari: quod profecto ab illis viris factum fuisset, si, cum illi rei operam darent, aut odarum nomen in hoc libro agnouissent, aut de epodis non rectius, quam nos, sensissent; ut omit- tam aliqua huius libri carmina, in iam dictis codicibus inueniri neutro, vel *ᾠδῶν* vel *ἐπιδῶν* insignita nomine, sed proprijs suis epigraphis separata, quod in libri ipsius expositione demonstrabimus. Porro si quis dicat has rationes, magnam quidem veri in sese habere similitudinem, sed neminem eò cogere, ut à sua sententia discedat: huic nos opposuerimus argumen- tum aliud, tam validum, ut non sententijs omnium modò, sed & studijs hoc confidamus iri cōprobatum: tanta est illius & tam veneranda antiquitas. has enim inscriptiones antiquissimas in codicibus Blandinijs & Bussidiano vno inuenimus, quas ex fragmentis, hinc litterarum, illinc dictionum inter se tandem magna cura connexarum erutas, hic adscripsimus. Nimirum, *Ad Pectium*. (sic habent quatuor codices Bland. & Bussl. non *Pectium*, ut passim legitur,) *de Inachi: quam diligebat, Epodos elegiambica siue elegoiambica*. Rursum, *In Gratiidiam mulierem fœdam ac libidinofam, Epodos Heroica*. Postremo, *Ad amicos Comicos, Epodos Iambelega*. Quæ sanè verba ita antiqua sunt, ut arbitrer deinceps futurum neminem, à quo in dubium vocari possit, Epodos ne Horatiana ad formam Epodi Pinclariæ exigenda sit, potius quam ad descriptionem Diomedis grammatici doctissimi. Itaque nihil vetabit, quin hinc reiectis odarum numeris, in ius suum *ἐπιδῶν* restituamus, inque suam

imparibus agemus. *liburnis*. hic præter meritum suum Acron à Gyrardo obelo confoditur, quòd liburnas nauiculas dicat vimine contextas, quod illum ne somniasse quidè arbitror, sed esse fœtum puto inepti cuiusdam supposititium. De liburnis, ait cōmentator eas dictas esse à Liburnia regione, aut à Libya quòd huiusmodi nauibus vtantur mercatores Libyci. Priorè opinionem approbamus auctoritatibus Appiani Alexandrini in Illyrico, Suidæ, & Vegetii, lib. 4. de re militari. Posterior videri posset minùs apta, nisi in eadem sententia esset Isidorus lib. 19. cap. 1. de nauibus, & Ethicus Hister idem sentire videretur, vt refert Gyrardus de re nautica, vbi pro Libya dicit potius legèdum esse, Libyrnia, per y græcum: ego certe & in Commētatore & duobus iam dictis auctoribus, si in dictione Libya errorè esse censuerimus, malim eius loco substituere Illyria: Illyrici namque iisdem nauibus vsi dicuntur in inuadendis insulis maris Ionii apud Appianum in Illyrico, vt omittam etiam Liburniam esse Illyriæ illius maioris partè. Verùm vt ad rem redeamus, Liburnicę naues principio leuiores & speculatoriæ fuere, teste Plutarcho in Catone. *libυρνικὰ ὃ καὶ κατασκοπικὰ καὶ ἀγροκαταπεμπηθῆναι*. id est, liburnicæ autem & speculatoriæ & apertæ complures. Verùm omnino incertum est, an Mæcnas sit vsus huiusmodi, quem solus commentator scribit naumachiæ à Cæsare fuisse præfectum. Ceteri namque penes Agrippam eius belli molem fuisse tradunt, etiam si Mæcenatem magnæ auctoritatis apud Cæsarem fuisse Dion Historicus scriptum reliquerit. Certè ex Plutarcho in Antonio, Cæsarem in hoc bello legimus liburnicas quidem habuisse, sed cum catastromatis, quas hic Commentator validas fuisse dicit &

constratas. Suidas de Liburnis sic ait, λιβυρνικὰ, νῆες ἥσαν
 ἢ κατὰ τὴν τριηραρχικὸν ἐχηματισμέναι τύπον, ἀλλὰ ληστρικώ-
 τεραι, χαλκεμβολοίτε, καὶ ἰσχυραὶ, καὶ κατάφρακτοι. καὶ τάχος αὐ-
 τῶν ἄπιστον. hoc est, Liburnicæ naues erant non ad for-
 mam triremium ædificatæ, sed magis ad prædā rostra-
 tæ, & fortes, & constratæ, & celeritate incredibili. An
 Liburnum dicatur genere neutro, vt vult Lil. Grego-
 rius Gyræ. auctoritate Lucani fretus, lib. 3. Ordine
 contento gemino creuere Liburno; non ausim conten-
 dere: sed arbitror hoc carmen ita legendum, Ordine
 contentæ gemino creuere Liburnæ. *Propugnacula*. na-
 ues, arbitror, intelligit Antonianas, quæ turreis habebant;
 eas enim turritas appellat Virg. 8. *Ænei*. Tāta mo-
 le viri turritis nauibus instant. Præterea Dion histori-
 cus, de hac pugna Actiaca: Naues, inquit, Antonius
 ædificauerat multo hostilibus maiores, turreisq; in eis
 altas extruxerat, multitudinemq; in eis hominū collo-
 cauerat, qui quasi de muro pugnarent. huic subscribēs
 Plutarchus, Antoniani, inquit, è ligneis turribus, cata-
 pultas in hostem iaciebant; Cæsaris autē naueis Brun-
 dusij, ac Tarenti paratæ erant, non ad fastigij, roborisq;
 ostentationem, sed ad celeritatem, facilitatemq; fabri-
 catæ. Ceterum de nauibus turritis Plin. lib. 32. cap. 11.
An hunc laborem mente laturi. non libet hic nugari, cū
 ijs qui Acronem & Porphyrum nobis splendidè mētinn-
 tur. quorum alter negationem, non, suam vim expli-
 care vult in verbum, decet, quum nihil sit ineptius: al-
 ter mentem à corpore, sine mente separans, pro ma-
 gna animi sollicitudine, quem laborem hic mentis no-
 minat, non minùs futiliter accipiendam indicat, quan-
 do mens hic sit constantia & fortitudo: qua gratia
 Glareanus hic non immeritò reprehendit Mancinel-
 lum,

lum, qui cum illo nugatore Porphy. idem de mēte & corpore dicendum contendit, cui non magis aptè subscribit Figulus. *Alpium inga*. quæ græcè dicuntur, *τέρμα ὑπώρεια καὶ ἀκρόρεια*. *Caucasus*. Caucasus ea Tauri montis pars est quæ Indiam spectat, vbi altitudine seipsum superare videtur, distans ab India supra 30. millia stadiorum, Strabone teste lib. vndecimo. Plinius lib. 6. cap. 17. hunc propter niueis Graucasum nominatum scribit. Isidorus lib. 14. Caucasus orientali, inquit, lingua significat candidum: vnde & Scythæ illum qui eadem monti iunguntur, Croacasin vocauerunt. Casin enim apud eos candor siue nix dicitur. *Inhospitalem*. illius enim vertex hieme sunt inaccessibiles, æstate, propter glaciem ac niueis, bubulis caligis in tympani modum latis calceati ascendunt. *vlimum sinum*. Sinus qui maior maris est recessus, hic est Gaditanus per columnas Herculis. De sinibus autem maris amplissimis vide Strabo. lib. 2. *Non ut adsit*. Ita habent tres codices Blād. & *ut* interpretatur *si*. Quartus habet, *Non uti sit auxili. uti*. id est, quo. *Milstabitur*. hoc vnum est ex ijs verbis quæ doctissimo Theodoro vocantur *ὁλοενεργητικὰ*: qualia ea sunt quorum actio in illud propriè solum transit, quod omnino loqui non potest: ut, actum agitur, vita viuuntur. sic alibi Cicero, Quo in genere etiam in republica multa peccantur. sic apud Ouidium, Quot piscibus vnda natatur. *Lucana mutet pascua*. non mutauit vulgarem lectionem, etiam si omnes codices Blandin. habeant *Pascuis*. quod hæc lectio mihi plenior appareat: mutare autem Lucana pascua Calabris, sensu & structura cum illo conuenit Sallustij in Catilina: Nemo nisi victor pace bellum mutauit. id est, loco belli pacem

accepit. *Candens*. fortassis quod ex marmore candido extructa domus, atque in editiori loco posita, procul resplenduit. *Discinctus*. intemperans, omni luxu diffuens, metaphoricos à veste demissa, ac laxa, quali inambulare solent homines frugiperdæ: καταβεβλακχυμένος, iners, stupidus, inutilis, ignauus; τοῦτων γὰρ ἐστὶ ὕψος βίος, τοῦτ' ἐστὶ εὐκαταφρεῆς εἰς ἡδονὰς. cui aduersatur, succinctus, accinctus, præcinctus, διαζωσμένος: nō parua nanque cura erat antiquis, quopactō cingerentur iuuenes, ut scribit Strabo lib. 4. de Zonæ apud Gallos mensura qua iuuenes cingi opus erat: ait enim, ἰδιον ὃ καὶ τῷτο, ἀσκεῖν γὰρ αὐτοὺς μὴ παχεῖς εἶναι, μηδ' ἐπεργάσθους, ἵδον ὃ ὑπερβαλλόμενον ὅττι νέων τὸ τῆς ζώνης μέτρον, ζημιῶται. id est, Illud quoque ipsis est proprium, ut sese exerceant, ne pingues fiant, & ventricosi: Si quis autem iuuenum zonæ præscriptam mensuram excedat, multetur. *Discinctus* fuit ille Naca Persii. *Nepos*. quod, teste Paulo, natus post sit patri quàm filius. eius autem propria significatio nota est: At translatitia, *Nepotes*, inquit Paulus, luxuriosæ vitæ homines appellati sunt, quòd non magis iis rei suæ familiaris cura est, quàm iis quibus pater auusque viuunt.

*Laudatio vitæ Rusticæ exornata summa rerum
tranquillitate. Epodos 7 amb. 2.*

BEATVS ille qui procul negotijs,
Ut prisca gens mortalium,
Paterna rura bobus exercet suis,
Solutus omni sænore:
Neque excitatur classico miles truci,
Neque horret iratum mare.
Forūque vitat, & superba cinium

Poten-

Potentiorum limina.
 Ergo aut adulta vitium propagine
 Altas maritat populos.
 Aut in reducta valle mugientium
 Prospektat erranteis greges:
 Inutileisque falce ramos amputans,
 Feliciores inserit.
 Aut pressa puris mella condit amphoris,
 Aut tondet infirmas oueis:
 Vel cum decorum nitibus pomis caput
 Autumnus arvis extulit,
 Ut gaudet insitina decerpens pyra,
 Certantem & vuam purpura:
 Qua muneretur te Priape & te pater
 Siluane tutor finium.
 Libet iacere modò sub antiqua ilice:
 Modò in tenaci gramine,
 Labuntur altis interim ripis aquae:
 Queruntur in siluis aues,
 Fontesque lymphis obstrepunt manantibus,
 Somnos quod inuitat leueis.
 At, cum tonantis annus hibernus Iouis
 Imbreis niueisque comparat:
 Aut trudit acreis hinc & hinc multa cane
 Apros in obstanteis plagas:
 Aut amite leui rara tendit retia
 Turdis edacibus dolos:
 Pavidumque leporem & aduenam laqueo gruem
 Fucunda captat premia:
 Quis non malarum, quas amor curas habet,
 Hac inter obliuiscitur?
 Quod si pudica mulier in partem iuuet

Domum, atque dulceis liberos:
 Sabina qualis, aut perusta solibus
 Pernicis uxor Appuli:
 Sacrum vetustis extruat lignis focum
 Lassi sub aduentum viri,
 Claudensq; textis cratibus latum pecus,
 Distenta siccet vbera:
 Et horna dulci uina promens dolio,
 Dapes inemptas apparet:
 Non me Lucrina inuerint conchilia,
 Magisue Rhombus, aut Scari:
 Si quos Eois intonata fluctibus
 Hiems ad hoc vertat mare:
 Non Afra auis descendat in ventrem meum,
 Non attagen Ionicus
 Fecundior, quam lecta de pinguisissimis
 Oliua ramis arborum:
 Aut herba Lapathi prata amantis, & graui
 Malua salubres corpori:
 Vel agna festis cæsa terminalibus:
 Vel hædus ereptus lupo.
 Has inter epulas, ut inuat pastas oueis
 Videre properanteis domum?
 Videre fessos vomerem inuersum boves
 Collo trahenteis languido:
 Positosque vernas, ditis examen domus,
 Circum renidenteis lareis?
 Hac ubi locutus fœnerator Alphius,
 Iamiam futurus rusticus,
 Omnem redegit idibus pecuniam,
 Querit calendis ponere.

COMMENTATOR.

METRVM hoc simile est præcedenti. Inducit Horatius Alphiũ negotiatorem laudantẽ vitam rusticorũ, & eã omnibus delicijs præferentẽ, quãsi pertæsum suæ negotiationis, aut fœnoris, & ad agriculturam se transferre cupientem: sub cuius persona, primum, quãsi per transitum, cõmemorat negotiorum molestias, & urbanæ vitæ incommoda; deinde cõmendat delectationes rusticorum, & ea refert quæ ab illis singulis anni temporibus aptius aguntur. *Beatus ille*. rusticus: vt, O fortunatos nimĩũ, bona si sua norint, Agricolas. *Qui procul negotijs*. semotus, separatus à molestijs urbanæ vitæ, & strepitu negotiorum. *Vt prisca gens*. notat aurea sæcula quibus maiores in agris viuebant, eosq; sine metu liberè colebant. *Exercet*, colit, proscindit: vt, exercetq; frequens tellurem. *Suis*, proprijs, vtilibus, non aliunde locatis aut conductis. *Solutus omni fœnore*. liber ab omni debito & lucro, vt qui nec fœneretur, nec ipse fœnus accipiat. *Neg, excitatur*. tria notat hominũ genera, militantium, negotiantium, & forensium quĩ causis intersunt forensibus & litiganteis placant. *excitatur* ad pugnã. mirè ostendit incõmoda vitæ, quibus rustici carent, quibus nec somnos abrumpit cura salubreis. *Classico truci*. sono tubæ terribili ac sæuo. *Classicum* propriè vocatur tubarũ sonitus, à classibus, id est equitibus, qui tubas semper ferebant. etiam classes vocantur naues ἀπὸ τῶν καλῶν, id est à lignis. *Horret*, timeret. *Iratum*. concitatum in tempestatem, sæuum. *Foriãque vitat*. liteis quæ in foro aguntur. forum propriè hic dicitur publicus conuentus, vbi lites aguntur & dijudicantur. forum etiam dicitur, vbi mercatus exercetur. *Et superba ciuium potentiorum limina*.

quia

quia non curat familiaritatem diuitum, vt vrbani, neq;
domos illorum frequentat, & si obuios habuerit, non
salutat, fugit salutationum officia. vt, Si non ingentem
foribus domus alta superbis Mane salutantum totis
vomat ædibus vndā. *Ergo aut adulta vitium propagine.*
hic incipit describere quid singulis anni partibus agat
rusticus, & dilucidè exequitur illorum oblectamenta.
Adulta, matura, quæ sua habet incrementa. *Propagine*,
propago, palmes est vitis quæ iam duci & propagari
potest. *Altas maritat populos.* arbores dicuntur marita-
ri, quando illis vites adiunguntur, maritat, coniungit.
hic enim ita, maritat, dixit, vt alibi viduas arbores, id
est, vitibus carenteis. *Populos.* species hic est posita pro
specie, arbor pro arbore, populus pro vlmō: non enim
populos, sed vlmōs vitibus maritare rustici consueue-
re. *Reducta*, secreta, separata, depressa, aut certè sinuo-
sa. *Mugientium* bouū. *Erranteis*, liberè pascenteis: vt,
Ille meas errare boues, vt cernis, & ipsū Ludere quæ
vellem calamo permisit agresti. *Greges* pro armentis
hic positum est. *Inutileisque*, sterileis, infructuosos.
feliciores, fertileis, vt: Exijt ad cælum ramis felicibus ar-
bos, quia fertiliorum arborum vera est insitio. *Aut*
pressa, expressa fauis & eliquata. *Puris*, defecatis &
mundis. *Mella condit amphoris*, mellis melleū facit.
Mellameffio, dicitur mellis collectio, quia ætate mella
conduntur. *Aut tondet infirmas oueis*. nam oueis
ætate lanitondium patiuntur. *Infirmas*, proprium epi-
theton ouium, quæ neq; sui curam gerere, neque sa-
luti suæ prouidere sciunt: præcipuè cū onustæ sunt
velleribus suis & grauatæ: nisi maluerimus naturaliter
dicere infirmas, id est, delicatas, quia natura oues sunt
infirmæ, & morbis obuoxiæ. *Vel cum decorum mitibus*

pomis

pomis caput. enumerat voluptates, aut potius commoditates, quas autumnno consequitur agricola. hæc autem est prosopopœia Autumnni, qui ita describitur ab Horatio sicut pingitur, scilicet pomis Deus coronatus. *Decorum*, ornatum pomis. *Autumnus arvis extulit.* prosopopœia. *ut gaudet*, cū admiratione dicit gaudere rusticum, dum colligit fructus arborum quas ipse plantauit, & inseuit. *Ut gaudet*, quàm lætatur proprios labores intuens: ut, *Inserere Daphni pyros, carpent tua poma nepotes.* *Institua decerpens*, quæ ipse inseuit manu legens: benè dicit insitiua, quia ex semine nata degenerat, & fiunt agrestia. *Certantem & vnam purpurea*, contendētem colore cum purpura: nam vix maturæ purpureum habent colorem: quæ & præciæ dicuntur. *Muneretur*, munero, & muneror, vtrumque rectè dicitur in actiua significatione, id est, dono. *Te Priape*, custos hortorum. *Pater Siluane*, custos agrorum & siluarum. *finium*, terminorum agri. *Libet iacere modo sub antiqua ilice*, antiqua, magna, & patula: ut, Forte sub antiqua confederat ilice Daphnis. *Modò*, aliquando. *In tenaci*, quod herendo stringat. *Labuntur*, defluunt. *Interim*, interea dum iacet rusticus. *Queruntur*, garrunt, querula voce sonant. Veteres omnium animalium voces, præterquā hominum, querulas vocabant: hinc querulæ cicadæ, Maro: querela ranarum, & de bobus, atque omne querelis impleri nemus. *Obstrepunt*, strepitu & murmure somnos suadent: ut, Sæpe leui somnum suadēbit inire susurro. *Obstrepunt*, id est, strepunt, nam obstrepere propriè dicitur qui strepitu suo alterum impedit, seu cōtra alterum strepit. *Quod*, id est, quæ res. *leueis*, securos, incundos, & suauēis. *At cum torrantis.* Enumerat studia & commoda, quibus
per

per hiemem se exercent rustici, qui quando in agris colendis versari non possunt, sese tradunt venationi & aucupio. *Annus hibernus*, hibernum anni tēpus, synechdochicos pars pro toto: vt, Nunc fi ondent siluæ, nunc formosissimus annus, pro vere. *Tonantis Iouis*, id est æëris, ex æëre fit tonitruum. sic, Iupiter humidus austris. *Imbreis niueisque comparat*, id est, vicissim parat seu colligit post tempus æstatis. *Aut trudit*, impellit, cogit. *Hinc & hinc*, ex omni parte. *Multa cane*, multitudine canum, multis canibus, numerus pro numero. Poetæ ferè scēminino genere, canes proferunt. Virgil, visæque canes vlulare. *Apros*, venatio aprorum. *In obstanteis plagas*, in opposita retia. Plagæ dicuntur maiores: retia minora sunt: vt, retia rara, plagæ. *Aut amitte leui*, aucupium rusticorum. *Amite*, Ames propriè est furcula ex qua rete suspenditur ad capiendas aucis. *Leui*, leuigato: nam asperitas lignorum tollenda est quando vsui ea aptantur. *Turdibus edacibus*, in vorandis oliuis. *Dolos*, Epexegetis, tendit retia dolos edacibus turdis. *Pavidumque leporem*, epitheton naturale. *Aduenam*, transmarinam, Thraciam: vt, Strimonixque grues: hinc, quod sit aduena, dicitur auis exotica; nam singulis annis nobis noua aduenit, *laqueo*, pedica. *Iucunda captat pramia*, per epexegetism. hæc enim omnia, Apri, turdi, lepus, gryx, sunt rustico iucunda laborum pramia. *Quis non malorum quas amor curas*, Omneis malas curas facilè superat & sub se habet amoris cura: sed inter has delicias rusticas non solùm quis obliuiscitur malarum curarum, sed etiam amoris qui maximè sollicitat amātem. *Hæc inter*, inter hæc oblectamenta, has delicias rusticas. *Quod si pudica mulier*, Quodd si & hoc consequutus fuerit agricola

agricola, vt vxorem habeat bonam & castam, est omnium mortalium felicissimus; nam illa alteram laboris partem subibit, quæ est domestica, nutriendo liberos, focum excitando sub aduentum mariti, cibos apparando, quibus se ipse Alphius magis velle vesci potestæ asserit, quàm diuitum cibus accuratè præparatis. *Pudica*, casta, quæ omnibus bonis est præferenda. sic, castum seruare cubile Coniugis, vt possit paruos educere natos. *Sabina qualis*. exempla pudicitiae & amoris, à mulieribus rusticis, sumta. Sabinorum virgines, quas Romulus rapuit, viros suos adedò dilexerunt, vt pacem inter Sabinos Romanosque facerent. *Aut perusta Solibus*. nigra, propter nimium Solis æstum, & assiduam laborem diurnum. Soles enim pro diebus ponuntur. *Pernicis*, velocis, celeris, impigri, agilis: vt, Progenit pedibus celerem & pernicipibus alis. *Sacrum*. Vestæ consecratum. Iuxta focum dii Penates positi fuere, Laresque inscripti, idcirco quod ara deorum Larium focus sit habitus. *Vetustis*, desiccatis, non recentibus, repositis. *Extruat lignis focum*. hoc enim vitæ rusticæ & laboriosæ proprium est, amare focum, vt membra lassâ reficiantur calore ignis. vbi consideranda est vxoris diligentia erga maritum & studium. *Sub aduentum viri*. Sub, quando tempori iungitur, regit accusatiuum, quia significat paulò antè. *Textis cratibus*. caulis, septis, vt greges muniantur ab incurfione ferarum. vt, Cum fremit ad caulas. Deinde crates etiam texuntur à rusticis ad mutandas pecudibus mansiones. *Latum*, pingue, fœcundum. *Distenta*, plena. *Siccat*, mulgeat, exprimat. Lucanus, Distentas siccant pecudes. *Horna vina*, nouella: sic hornam frugent, hornum

horum pomum, huius anni, seu hoc anno collectum: hoc autem ad idioma rusticæ simplicitatis pertinet horum vinum bibere, quod rustico dulce appareat. *Dulci dolio*, id est, vina dulcia. *Dapes inemptas apparet*, id est, non emtas, sed suo labore acquisitas. ut Virg. dapi- bus mensas onerabat inemptis. *Non me lucrina*, non tantum me iuuant deliciae urbanæ conchilia, rhombi, scari, pisces delicatissimi, non aues nobilissimæ, quantum oliuæ pingues, hœdi, agna me iuuare possunt. *lucrino*. Lucrinus & Auernus duo lacus sunt ad mare Baianum: In Lucrino autem abundant cōchilia & alij pisces delicatissimi. *Magisue Rhombus*, pro, Rhombusue magis, per anastrophe. *Iuuerint*, delectauerint: ut, iuuat euasisse tot vrbes. *Rhombusue aut scari*. pisces sunt preciosi & sapore & raritate, qui aliquando tempestate maris orientalis delati in mare Italicum, circa Italiam capiuntur, sed rarò, quo nomine sunt cariores: In orientali autem mari abundat hoc genus piscium. *Intonata*, pro, intonita: rara locutio. *Hiems intonata*, tempestas concitata, ut, dum pelago defæuit hiems. *Mare*, Italicum. *Non Asra auis*, gallina Numidica, quæ magna est, & pinguißima, quam & Garamantiam vocant, & Africanam. *Attagen Ionicus*. hanc auem vocans perdicem Asiaticam, ab Ionia quæ pars est Asia: Attagenæ autē fœmella est, inter nobilissimas habita. *Quæ lecta de pinguißimis*, non tantum delectant quæ magno emuntur, quantum quæ in agris nascuntur. *Lapathi*, Lapathum herba in cibo sumpta stomachum confortat, ventrem purgat, vrinam prouocat, ruetum excitat, & nauseabundis comedendi auiditatem reddit: nascitur in locis sabulosis & planis. *Grani*, ægrotanti. *Vel agna festis caesa*. Ostendit hic frugalitatem rusticorum qui

qui non alijs diebus pecora mactant nisi festis, aut etiam nisi è lupi faucibus rapta fuerint; reliquis autem fere diebus fructus terræ illis cibum ministrant, quum urbani quotidie carnibus vescantur. *Terminalibus*, in festis Termini Dei: qui dies festi celebrantur pro finibus agrorum. *Hadus ereptus lupo*. Quia cariora sunt quæ ex periculo liberantur. *Ut iuuat*, quantum delectat. *Pasias*, saturas: hoc quoque est rustico voluptati, quod videat quantum præterea vtilitatis ex agris pecudes domû referant. *fessos*, diurno labore. *Collo trahentis languido*, lasso: vt, Aspice, aratra iugo, referunt suspensa iuueni. *Positòsque vernas ditis examen domus*. Comparat apibus collectam seruorum multitudinem; nam sicut examen apum procedit ab aluearijs, sic serui, vernæ, totaque familia operi intenta suum officium exequitur. *Residenteis*, nitidos, resplendentes. *Hæc ubi loquutus fœnerator Alphius*. urbanissimè sub persona Alphij fœneratoris vult Horatius omnes scire, quid iucunditatis habeat vita rustica, quam fingit Alphium meditari, & viuere velle relicto fœnore urbano, sed cõsuetudinem vitæ in omnibus tantum posse ostendit, vt ab ea, cui assueuerit, nemo posset discedere: quemadmodum Alphius, laudauit quidem vitam rusticam, & ad eam se parauit; sed contiuuò memor iduum, & kalendarum, redijt ad antiquam vitam. *loquutus*, est. *¶ iam iam*, mox. *Rusticus*, de fœneratore. *Omnem redegit*, collegit, cõgregauit, redegit in vnũ, & exegit à debitoribus pecuniam, iam cõparaturus prædia, sed rursus stimulatus vsuræ cupiditate, quærit kal. sequentibus eam dare fœnori. *Idibus pecuniam*, vsui datã & fœnori; nam olim Idibus exigebatur vsuræ: vt Cic. Prætermitto ruinas fortunarũ tuarũ, quas omnes impendere tibi pro-

ximis Idibus senties. *Ponere*, deponere, in fœnus dare.

CRVQVIVS.

BEATVS agricola non tantùm quòd rebus ijs omnibus abundet quæ ad vitæ cultum necessitatemque pertinent, quantùm quòd in summa animi tranquillitate vitam peragens, nullis angatur malis ijs quæ miserè sollicitant animos, vitamq; perturbant illorum qui vrbani molestijs aguntur, quos metus terrent, ægritudines exedunt, mille libidines incitant, & multæ futiles lætitiæ exultanteis, languidis liquefaciunt voluptatibus. *Procul negotijs*. Procul, siue aduerbium, siue præpositio, nunc ablatiuo iungitur: idq; frequentius, vt hic. deinde Tacitus: Nec procul cæde aberam. nunc accusatiuo. Plin. in natur. historia, Villa est Campaniæ haud procul Neapolim. Liuius, Locus procul muros satis æquus agendis vineis fuit. *Neque*. hic codices Bland. bis habent, neque; Lambinus semel: Libri impressi ferè omnes, nec, nec: sed parùm interest. *Mella condit amphoris*. habet hic Commentator duo vocabula, puta, mellameffio, & lanitondium, quæ arbitror non inueniri apud alios scriptores classicos: mellationē habemus apud Columellam & Plin. At nō inuenio, quid illi respondeat alteri, nec etiam lauatio, quod fingere licet, idem notare potest: nolui tamen omittere, quin, quod sine vllis lituris adnotatum vidi, his scriptis infererem, præsertim quòd viderem hinc deductionem, illinc cōpositionem non esse absurdam. *Autumnus aruis extulit*. cod quatuor habent, *Autumnus agris extulit*. quæ lectio minùs placet, propter hoc Festi, Aruum dicimus agrū necdum satum: sed & altera æquè est sonora. *Certantem & vuam purpura*. iidem codices habent,

hænt *purpura*. quæ lectio per eclipsin præpositionis plenior apparet. *libet iacere modò sub antiqua ilice*. hic secta est hæc Epodos in duobus codicibus Bland. & Buslidiano vno, his verbis: Introducit fœneratorem laudantem vitam quietam, sed tamen propositum non deferentem: quasi alia sit hæc Epodos à priori. atque hanc lectionem propugnare videtur Glareanus, contra Mancinellum, verùm ego Mancinello potius subscripserim; cur enim non erit perpetua laus vitæ rusticæ sub persona Alpheï, etiamsi priores quidem versus operam rusticam, posteriores autè vitæ eiusdem & amœnitatem delinient & commoditatem? profectò existimo hanc sectionem nō tam esse aptam quàm ab inepto aliquo doctore profectam. *Labuntur altis interim ripis aqua*. codex antiquissimus habet *riuis*. quod mihi magis arridet, tum propter proprietatem verbi, labuntur, tum propter præpositionem, ab, quæ erat adscripta, sic, ab altis riuis labuntur aquæ. *Iucunda capiat premia*? quanta hæc laus est rusticationis? quæ nullis rebus inferior est vrbana vita, cuius si delicias in cibis spectes, qua in re vrbani non minimam vitæ iucundæ partem ponere cōsueuerunt, nemo infitiabitur rusticos præter fructus terræ suauissimos cibos nullo cogente creatos, omnibus modis ea in re illis superiores esse. nam quæ ipsi in cibos delicatissimos admittere libenter solent, iisdem illis non carent rustici, & iucundius conuiuantur: quippe qui de suo præter studium & laborem in captandis feris, nihil impendant, quando splendidioribus ciuibus, magna plerumque suarum rerum iactura epulari sit necesse. De delectu autem & apparatu ciborum qui huic loco seruire potest, legenda est satyr. 4. libr. 2.

Umbra et iligna nutritus glande, &c. Terminalibus. Siculus Flaccus. termini in terra collocabantur, consecrabanturq; cæsa immaculata hostia à dominis, qui confines agros possidebant; & ut opinor, quotannis terminalibus agnas cædebant, iucundeq; epulabantur. *Om-nem redegit idibus pecuniam.* sic habent quatuor codices Blan. & Buslidiani duo cum Carrionis codice, non etiam relegit: atque illam arbitror esse genuinam lectionem, quia nihil est opus accipere cōmodatò quod domi habes: nam redigere pecuniam, propriè est in vnum reducere: in qua significatione relegere verbum est translaticium, nec fortasse nisi Horatio hoc loco cognitum, idque ex sententia Acronis illius fictitij; at redigere & Ciceroni vsitatum est & alijs antiquis scriptoribus. Cic. pro L. Flacco. Quid si ista omnis pecunia huic adolescentulo L. Flacco reddita est? si petita? si redacta? Idem in Verrem. Deinde bona vendit, pecuniam redigit. Plinius epist. 9. lib. 3. Sestertium quadragies redegi. *kalendis ponere.* Eclipsis huius orationis, in fœnore: ponete autem in fœnore dicimus pro fœnerari, ut 1. Sermon. satyr. 2. Diues agris, diues positus in fœnore nummis.

Ad Mecenatem Iambica epodos 3.

*Execratur allium quod apud Mecenatem ederat,
cuius astu torquebatur.*

Parentis olim si quis impia manu

Senile guttur fregerit:

Edit cicutis allium nocentius.

O dura messorum ilia,

Quid hoc veneni seuit in prœcordijs!

Num viperinus his cruor

Incoctus

*Incoctus herbis me fefellit: an malas
 Canidia tractavit dapes?
 Ut Argonautas, prater omneis candidum
 Medea mirata est ducem:
 Ignota tauris inligaturum iuga,
 Perunxit hoc Iasonem:
 Hoc delibutis vltia donis pellicem,
 Serpente fugit alite:
 Nec tantus unquam siderum insedit vapor
 Siticulosa Apulia:
 Nec munus humeris efficacis Herculis
 Inarsit aestuosius.
 At si quid unquam tale concupiueris
 Iocose Mecenase, precor
 Manum puella sauius opponat tuo,
 Extrema & in sponda cubet.*

COMMENTATOR.

METRUM Trimeterum & Dimetrum Iambicum.
 Execratur Horatius allium, quod multis rebus ostendit incommodum propter nimium calorem, quo afficit in cibo sumtum illos qui illud edunt. *Parentis olim si quis.* id est, si aliquis fuerit tam impius in patrem ut illum strangulet, edat pro supplicio allium, quod est cicuta multo execrabilius. *Edit cicutis.* Sic loquebantur antiqui, utinam edim, edis, edit, edimus, editis, edint. *Allium.* Alium dicendum est per vnicum l. quia a. corrigitur: sic etiam produxit Virgilius, per epenthesein, Allia serpillumque herbas contundit olenteis. *Cicutis.* Cicuta herba venenata, quae vertit in amentiam eos a quibus est comesta. *O dura messorum ilia.* Admiratur rusticos & messorum, qui & comedere allium, & illius foetidissimum odorem valeant sustinere. *O dura ilia,* fortia, pra-

tia præcordia, quòd tam olenti cibo, & æstuante non lædantur sed reficiantur: vt Virgilius; Thestylis & rapido fessis messoribus æstu, Allia serpillumque herbas contundit olentis. *Quid hoc veneni*, id est, quantum hoc venenum ardet in præcordijs meis. *Num viperi*, vtrum sanguis viperæ serpentis his herbis incoctus, id est, immistus, me fecellit? *Canidia tractauit dapes*. Canidiæ nomine Gratidiam Neapolitanam vnguentariam vult intelligi, quam vt veneficam Horatius semper insectatur, & quia non licet aliquem suo notare nomine, poetæ proprijs nominibus solent effingere similia. sic Virgilius in Bucolicis pro Citheride Lycoriden nominat. *Vt Argonautas*. Ordo huius est: Postquàm Medea mirata est Iasonem ducem, præter omneis Argonautas, candidum, hoc veneno, id est, allio perunxit illigaturum iuga insolita tauris indomitis, vt eum muniret aduersus vim taurorum flammæ vomentium, qui prius iugo ab illo subiiciendi erant, quàm aureum vellus auferret. notat hanc fabulam: Iason dum responso Apollinis Colchos peteret ad tollendum vellus aureum, hoc prius obtinere non potuit, quàm tauros ferocissimos ignem spiranteis è naribus, sub iugum mitteret: hunc autem cùm vidisset Medea Oetæ regis Colchorum filia veneficarum maxima, statim ad mare cœpit, vtpote iuuenem pulcherrimum, cuius consilio, & magicæ præsidio Iason, & tauros subiugauit, & peruigilem serpentem interfecit, & aureum vellus abstulit; deinde tauris proscissum agrum conseruit hydræ interceptæ dentibus, de quibus è terra seges armatorum surrexit, qui primo impetu in Iasonem facto quum nihil proficerent, postea mutuis vulneri-

vulneribus conciderunt : Iason autem Medeam secum abduxit & in vxorem habuit, sed dum ei superinduceret pellicem Glaucen filiam Creuntis regis, hæc illi dedit tunicam veneno infectam, quam cum Glauce induisset, eius incendio consumpta perijt. Postea Medea non ferens iram indignantis contra se, Iasonis, curru alatorum serpentum fugit, interfectis prius suis ex Iasone filiis Medo & Mermero. *Ut argonautas. ut*, id est, postquam. *Argonautas*. Argo dicta est navis qua Iason vectus est Colchos, vnde socij eius vocati sunt Argonautæ. *Candidum*. pulchrum: vt, candida Maia, candida Daphnis, candida Dido. vt, Candidus insuetum miratur limen Olympi. *Mirata est*. adamauit. *Ignota*, insueta, graua, & ponderosa. *Illigaturum iuga*, id est, iugis iniectis subacturum tauros igniuomos. *Perunxit hoc Iasonem*. vt per hoc etiam arte magica eum flecteret in amorem sui. *Hoc delibutis*. perfusis, hoc alij succo. *Donis*. vestibus. *Serpente alite*. pennatis draconibus curru iunctis. *Nec tantus unquam*. non tanto ardore siderum siccata est Apulia, quanto ardore teneor comesto allio. *Infedit*, incubuit, inuasit Apuliam. *Vaper*, calor, æstus. *Nec minus humeris efficacia Herculis*. Nessus Centaurus vulneratus ab Hercule in raptu Deianiræ & sui vlciscendi auidus, suo sanguine intinctam lanam, qua se cruentum terferat, Deianiræ dedit, docens ab Hercule se vehemēter posse diligi, si ex ea confectam tunicā daret Herculi induendam: quæ credula, cum præcepta Nessi seruaret, Herculi cōfectam obtulit tunicā. Hic, mox vt eā indutus est, tāto ardore corripitur, vt ipse sibi suos artus dilaniaret, & ad extremū, cum dolore victus esset, in Oeta monte constructa pyra, sese in ignem conijceret, qui purgatus

corpore, dicitur in numerum deorum receptus. hoc argumentum ideo ab Horatio hic positum est, ut doceret quouis ardore, allium comestum esse ardentius. *Efficacis*, laboriosi & fortis, cui ad effectum omnia patebant. hoc epitheton Herculis est perpetuum. *Inarsit*, inflammatum est. *Aestuosius*, ardentius. *Quod si quid unquam tale*. si unquā volueris allium comedere, precor ut puella manum suam opponat tuo osculo, nec sinat se osculari à te. *Tale allium iocose Mæneas*. solitus enim fuit Horatius, urbanè iocari cum Mæcenate. *Iocose*. vel, ut futuras sui ioci lacerationes vitet, vel ut illi suos iocos cōmendet. *Sanio opponat tuo*. amoris osculo. *Extrema & in sponda*. id est, in extrema parte lecti, nō vnā in lecto tecū, ut illius cupiditate expellatur tibi cupiditas edēdi allij. *Cubet*. ne acri fœtore offendatur.

CRVQVIVS.

SENILE guttur fregerit. ἐπίθετον πεινικόν. guttur frangere improprium est, pro eo quod propriè dicitur frangere ceruicem. Græcè significantius & magis propriè λαιμοτομῆν, iugulare, τραχιλῆεν. *Edit cicutis*. sic habent quatuor codices contra vulgarē lectionē. *Edit*. eius formæ adhuc habemus, sim, velim, faxim; quod notauit Nannius in suis Miscellaneis, à quo nō dissentit Lambinus ex Victorio & antiquis codic. *Quid hoc veneni*. sic Lambini expositio vehementer placet per subintellectionē prouocabuli, quod: nimirum, *Quid hoc veneni est quod sœuit in præcordijs?* Commentator autem, quid, reddit, quantum; sed eam significationem non faciliè arbitror apud alios scriptores inueniri posse. Bonfinis legit queis, ut sit prouocabulum messorum, sed parū aptè meo iudicio. An allium l. simplici scribi debeat, ut vult Commentator; omnino dubito:

bito: non negarim hoc tamen si ab, oleo, verbo deduci verum sit, vt vult Isidorus: vnde quidam aleum scribendum putarunt, quos reprehendit Sospater: malim certè non recedere ab vsu doctorum, qui vnanimiter omnes per ll. duplex scribunt, præter vnicum Pomponium Etusium, vt refert Pomponius Fortunatus. 11. Columellæ cap. 3. *Malas Canidia tractauit dapes.* malè conrectauit, veneficio aliquo malas reddidit. vim allij tam sibi Horatium aduersum & inimicū sensisse mirum videri nō debet, cū fuerit natura mirum in modum & temperatura calidus & adeo pyrocholos, quod de se ipse testatur, vbi inquit: Irasci facilis tamen vt placabilis idem. Est enim & allij vis calida, aridaque & acris, atque mordax: nautis tamen & messoribus aptissima, tum quòd vitiositatem aquarum, quas vtrique copiosas ingerere solent, & sudorum copiam & pestilentium humorum aerisque & omnem venenorum perniciem temperet atque emendet, nec sitim tamen accendat & flatus omnium eduliorū maxime discuriat. vide Galenū lib. 1. 2. methodi med. Et si Diosc. lib. 2. ca. 146. inflationes creare scribat, vt annotauit Pantinus medicus. *Siticulosa*, arida, πολιδίψιον: eodem modo aliqui existimant exponendum illud Hōmeri; καίχαν ἐλέγχιστος πολιδίψιον Ἄρτος ἰκασμὴν: alij verò πολιδίψιον interpretantur, desiderabile ac amabile: in qua sententia est Athenæus lib. 10. *Sauio*. Sic legitur in scriptis codibus; non suauis: hinc etiam sanari, hæc mihi aliquanto amabiliora videntur, quàm Suauium & Suauiri: hinc etiam Commentator vititur Diminutiulo, oculculum, quod apud neminē alium inueni. *Extrema & in sponda cubet.* non ineptè nec inconcinne quis extrema cubare sponda cum eo dici poterit, qui

cùm illi quidem cōgruit, sed diminute, exiliter, & non vnde quaque perfectè, vt si diligit, sed amore inchoato & imperfecto: cùm sententiam opinionemque cum alio communem tuetur, sed non ex animo omnino & ex omni parte consentiente.

*In Volteium Menam libertum Pompeij
Magni Epodos Iambica. 4.*

*Lupis & agnis quanta sortitò obtrigit,
Tecum mihi discordia est,
Ibericis peruste funibus latus,
Et crura dura compede.
Licet superbus ambules pecunia,
Fortuna non mutat genus.
Videsne sacram metiente te viam
Cum bis ter vlnarum toga,
Vt ora vertat huc, & huc euntium
Liberrima indignatio?
Sectus flagellis hic triumuiralibus
Praconis ad fastidium,
Arat falerni mille fundi iugera:
Et Appiam mannis terit?
Sedilibusque magnus in primis eques
Othone contempto sedet.
Quid attinet tot ora nauium graui
Rostrata duci pondere
Contra latrones, atque seruilem manum,
Hoc hoc tribuno militum?*

COMMENTATOR.

ASPERRIME inuehitur in Menam Pompeij Magni libertum, qui cùm seruus fuisset, de seruili conditione ortus, ita paulatim diuitijs creuit, atque iniquis artibus

artibus subuectus est, vt eques ab Augusto prius factus, tandem peruenerit ad dignitatem tribunitiam: vnde quum nimis superbiret, & suæ conditionis immemor, alios despiceret; Horatio factus est inimicus. hic autem Mena fuit Pompeij Magni libertus, postea præfectus clauis Sexti Pompeij, aduersus Augustum bella gerentis, qui primum cum sua classe ad Cæsarem transijt: deinde ad Sextum Pompeium redijt, postremò ad Cæsarem reuersus est. *Lupis & agnis.* ex professo dicit sese inimicum Menæ: quanta, inquit, est discordia naturali sorte inter lupos & agnos; tantam ego profiteor mihi esse tecum o Mena. Omnes autem inimicitiae aut à natura proficiuntur, quales sunt inter bruta; aut à voluntate per electionem, quales sunt hominum inter se. *Sortitò.* sorte naturæ, seu instinctu: aduerbiū est qualitatis, non etiam euentus pro fortuitò, vt legerunt aliqui. *Tecum mihi discordia est.* Eclipsis dictionis, tanta. *Ibericis*, Hispanicis, quia in Iberia, id est, Hispania plurimum sparti nascitur, vnde funes fiunt. *Peruste funibus latus*, id est, habens latus valde cæsum, tanquam vilis seruus, vt notas adhuc habeas in lateribus, & dorso: vult enim significare illum olim seruum, in Hispanica nauigatione, valde cæsum fuisse. *Peruste latus*, *Peruste crura.* synechdoche; vt, lacrymis oculos suffusa nitenteis. *Peruste crura.* qui habuisti crura vincta, & excruciatata: *dura*, id est, ferrea compede. *licet superbus.* quanuis habeas ingentem pecuniā; tamen nobilis esse non poteris. nunquam enim diuitiæ efficiunt vt nō sis libertus. *fortuna*, felicitas. *Vidēs ne sacrū.* vidēs ne quomodo omnes conuertant ora sua, cum togatus incedis per sacram viam, indutus togam sex vlnarum, nimis, scilicet, longam, & exten-

& extenta habens brachia in modum veli: vt, Tullius velis amictos non togis. *Sacram*. sacra via Romæ erat quæ ducēbat ad Capitolium. cū incedis, inquit, magna pompa ornatus, ad Capitolium, populus iustē indignatur. Tribunis & nobilibus moris erat prolixas quidē habere vestes, sed non minus longas & amplas. *Vertat*, conuertat. *Euntium*, prætereuntium hominū. *Liberrima indignatio*, id est, iustissima, seu apertissima: liberrimum populi iudicium, quod liberē redarguit & sine timore, quod vtiq; iustum est: indignatio enim aut libera est, aut tacita: libera, est aperta sine vllō timore: tacita autē qualis erat illa de Chryfogono Syllæ liberto, quem potentissimum quidem indignabantur Romani, sed id palam loqui non audebant. *Sectus flagellis hic*. hæc quasi indignantis populi verba sunt in Menam. *Sectus*, grauiter cæsus. vt Iunenalis, Secat ille flagellis. *flagellis triumuiralibus*. Triumuii capitales erant, qui verberabant & necabant à consulibus damnatos: & Triumuii hic accipi videntur, pro quibusuis iudiciis; nam omnibus potestatibus seruos cēdendi ius erat. Triumuiratus capitalis, trium virorum potestas est, quorum iussione rei flagellis quibuscunq; vel cruciatibus puniebantur: Triumuii autem sunt ipsi qui vnam potestatem habent in tres diuisam, & vnusquisque illorum Triumuir vocatur, quasi vnus vir de tribus. *Præconis ad fastidium*. eclipsis dictionis, vsque, vt sensus sit, vsque ad fastidium præconis: Nam ad præconis vocem flagellabantur noxij. *fastidium*, satietatē. *Arat*, excolit. *Falerni*. Falernus mons Campaniæ optimi vini ferax: hæc autem verba referenda sunt ad Italiæ situm, vbi ligatis ad arbores vitibus, omnes arantur vineæ. *Et Appiam*. viam qua itur ad agrum Falernum, cuius

cuius occasione notat Menam nimis mollem & delicatum, qui non pedibus iter ad suos agros faceret, sed equis, non quibuslibet, sed mannis, quod est virorum principum: Manni autem equi sunt quos vulgo Burdones vel Burichos nominamus. *Sedilibusq; magnus in primis eques.* hoc est, in sedilibus primis equitum sedet, contempto Othone. Nam L. Roscius Otho trib. plebis lege sua iussit ex infimo genere hominum equitem fieri non licere, sed ex certis ordinibus homines voluit venire ad summos gradus honorum: iccirco quatuordecim gradus in theatro senatui separarat, ex quibus primi Tribunitijs potestatibus vacarent: at iste Menas quum esset libertus, contra hanc legem venit ad primum honoris gradum. huius autem legis meminit Iuuenalis inquiring, Sic libitum vano qui nos distinxit Othoni. *Quid attinet.* ostēdit tunc temporis ex seruili conditione latrones collectos nauali discurfione Italiam deuāstare, contra quos Romanus dirigebatur exercitus: itaque quid attinet, cum ingenti indignatione dictum est: id est, quid prodest armari classem ab Augusto contra seruos, ac fugitiuos quos armauit Sextus Pompeius, si Mena seruus ac latro tribunus est militum & classis præfectus? *Rostrata.* Rostra dicuntur summæ partes nauiū ære & ferro munitæ.

C R V Q V I V S.

L V P I S & agnis de naturali odio quorundam animalium inter se, atque rursum de amicitia, Plin lib. 10. cap. 74. callent enim cuncta animalia sciuntque non modò sua commoda, verum & hostium aduersa, norunt sua tela, norunt occasiones, quod vt pro solerti, ita & sedula natura in omnibus id fieri animantibus, disputat

sputat egregiè Cicer. offic. 1. In eos autem omnes hoc accommodari prouerbiali sermone potest, qui tacito ac naturali quodam inter se odio, dissimillimisq; ingenijs præditi sunt. *Tecum mihi discordia est.* Nam iuxta illud Euripid. ἡδὴ νοστῶδες τῆτο τοῖς ἀμείνοσιν ὅτ' ἐκ τῶν ποδῶν ἀξίωμα ἀνὴρ ἔχει. hoc est, valde hoc molestū est melioribus, quādo vir malus obtinet dignitatem. *Licet superbus ambulēs.* velut qui lunonis sacra ferret, ait saty. 3. lib. 1. de Hermogene Tigellio. huiusmodi hominū genus Græcis significanter dicitur, σκαπεύεσθαι, hoc est, inolescere & cum fastu omnia agere: & perquā venustè, prouerbialiq; schemate, Mādronis ficulnanauis, is dicitur, qui præter meritum ad opes & felicitatem euectus est, nec pristinæ conditionis memor, præsentī rerum successu insolenter abutitur. *Cum bis ter vlnarum toga.* Lābinus ex impostore Porphyriōne, (quasi illius essent Porphyr. docti verba) refert iustam togæ magnitudinē sex vlnis constitisse. ego, vt in commentatore videre licet, in adnotationibus manu scriptis nihil tale inuenio: sed contrā, Horatiū certum est notare togæ nimis magnam amplitudinem in Mena, quod etiā significare legimus Ciceronem 2. in Catilinam: Quos pexo, inquit, capillo nitidos, aut imberbes, aut bene barbatos videtis, manicatis, & talaribus tunicis, velis amictos non togis: quorum omnis industria vitæ, & vigilandi labor in antelucanis cœnis expremitur: in his gregibus omneis aleatores, omnes adulteri, omnes impuri impudiciq; versantur. hanc integram sententiam apposui, quòd multū faciat ad declarationē huius loci. *Othone contempto sedet.* non dissentit hic locus, si luxum spectes & molliciē, ab eo sat. 2. li. 1. Malthinus tunicis demissis. &c. De lege Theadrāli lata, a. L. Roscio Othone, vide Alexandrum ab Alexandro lib. 5. cap. 16.

In Canidiam Veneficam,

Epodos Iambica 5.

At ò deorum quicquid in cœlo regit

Terras & humanum genus,

Quid iste fert tumultus? & quid omnium

Vultus in unum me truces?

Per liberos te, si vocata partibus

Lucina veris affuit:

Per hoc inane purpura decus precor:

Per improbaturum hac Iouem.

Quid, ut nouerca, me intueris? aut uti

Petita ferro bellua?

Vt hac trementi questus ore constitit

Insignibus raptis puer,

Impube corpus, quale posset impia

Mollire Thracum pectora:

Canidia breuibus implicata viperis

Crineis, & incommum caput;

Iubet sepulcris caprificos erutas,

Iubet cupressus sinebreis,

Et uncta turpis oua rana sanguine

Plumamq; nocturna strigis,

Herbasque quas Iolchos, atque Iberia

Mittit venenorum serax:

Et ossa ab ore rapta ieiuna canis

Flammis aduri Colchicis.

At expedita Sagana per totam domum

Spargens Auernaleis aquas,

Horret capillis, ut marinus, asperis

Echinus, aut currens aper.

Abacta nulla Veia conscientia,

Ligonibus duris humum

Exhau-

Exhauriebat ingemens laboribus,
Quo posset infossus puer
Longo die bis, terne mutata dapis
Inmemori spectaculo:
Cum promineret ore quantum extant aquam
Suspendenda mento corpora
Exsecta uti medulla, & aridum iecur,
Amoris esset poculum:
Interminato cum semel fixa cibo
Intabuissent pupule.
Non defuisse mascula libidinis
Ariminensem Foliam:
Et otiosa credidit Neapolis
Et omne vicinum oppidum:
Que sidera excantata voce Thessala
Lunamq; calo deripit.
Hic in resectum sana dente linido
Canidia rodens pollicem,
Quid dixit? aut quid tacuit? o rebus meis
Non infideles arbitra
Nox, & Diana, qua silentium regis,
Arcana cum sunt sacra:
Nunc nunc adeste: nunc in hostilibus domos
Iram atque numen vertite:
Formidolosa dum latent silvis fera,
Dulci sopore languida:
Senem, quod omnes rideant adulterum
Latrent Suburana canes,
Nardo perunctum, quale non perfectius
Mea laborarunt manus.
Quid accidit? cur dira barbara minus
Venena Medea valent

Quibus

Quibus superbam fugit ulta pellicem
 Magni Creuntis filiam,
 Cum palla, tabo munus imbutum, novam
 Incendio nuptam abstulit?
 Atqui nec herba, nec latens in asperis
 Radix fefellit me locis.
 Indormit vinctis omnium cubilibus
 Oblivione pellicum.
 Ah, ah, solutus ambulat venefica
 Scientioris carmine.
 Non vſitatis, Vare, potionibus
 (O multa fleturum caput)
 Ad me recurre: nec vocata mens tua
 Marſis redibis vocibus.
 Maius parabo; maius infundam tibi
 Faſtidienti poculum:
 Priuſque calum ſidet inferius mari
 Tellure porrecta ſuper:
 Quam non amore ſic meo flagres, uti
 Bitumen atris ignibus.
 Sub hac puer, iam non, ut antè, mollibus
 Lenire verbis impias:
 Sed dubius unde rumperet ſilentium,
 Miſit Thyeſteas preces.
 Venena, magnum ſas, neſasque: non valent
 Conuertere humanam vicem.
 Diris agam vos, dira deteſtatio
 Nulla expiatur viſtima.
 Quin, ubi perire iuſſus expirauero:
 Nocturnus occurram furor;
 Petamque voltus umbra curuis unguibus:
 Qua viſ decorum eſt Manium:

Et inquietis assidens præcordiis,

Pauore somnos auferam.

Vos turba vicatim hinc, & hinc saxū petens

Contundet obscenas anūs.

Pōst insepulta membra different lupi,

Et exquiline alites.

Nēque hoc parenteis, heu, mihi superstites

Effugerit spectaculum.

COMMENTATOR.

HANC epodon scripsit Horatius in execrationem Gratiidæ veneficæ mutato nomine, pro Gratiidia Canidiam ponēs; decreto namq; cautū fuit vt nemo publicè nominatim alicuius vitia carperet: hæc autem Gratiidia Varum quendam adamauit, quem cū in amorē sui flectere nequisset, furtim raptū puerū quendam patritium, humiq; mento tenus defossū necauit, vt ex eius cadauere, arte Necromantica, sua maleficia adimpleret. hic sciendū est quòd Necromantia seu Necyomantia, quā hic describit Horat. differat à Sciomantia: nam Necromantia est, maleficium quod fit ex hominis cadauere aut ad aliquid diuinandū, vel vt hic, ad hominum menteis permutandas in amorem, vel odium: *véxpos* enim mortuus, & *μάρτυς*, diuinitio est: Sciomantia autem est euocatio vmbrearum ab inferis; quod fit per Magicæ artis præstigiū vt aliquid futurī ex ipsis vmbriis dignoscatur: *σκία* enim vmbra dicitur; sicut de Phitonissa legimus. In exordio itaque huius epodi verba sunt exclamantis pueri, & deprecātis veneficas: postea describit poeta omnē apparatus futurī maleficii: deinde inuocationē noctis, & cetera verba Canidiæ: postremò imprecationem iam moriētis pueri. *At o deorū.* exordiū ab exclamatione pueri prætextati, mirè abruptum,

ptum: vt, At tibi pro scelere, exclamat, pro talibus ausis: huiusmodi sunt Comica initia, quæ ex abrupto incipiunt: vt, Vos istac intro auferte, abite. *Quidquid*. i. quæcunq; potestas deorum terrena & humana gubernat. *Quid iste fert*, hoc est, vult. vt, In noua fert animus. *Et quid omnium vultus in unum me*. contra me solum volunt. *Truces*, austeri. Omnium vultus earum dicit, quæ cum Canidia conscia in rapiendo puero, & ministræ sceleris eius fuerunt. *Per liberos*, tuos, o Canidia te precor, si aliquando verè parientem te Lucina iuuerit, quasi dicat, Canidia nunquam peperisse, sed puerum sibi supposuisse, quod esset sterilis. *Lucina*, Diana: inuocatur à parientibus, dicta Lucina quod præsit nascentibus in lucem. *Per inane hoc*. Quo magis exaggeret atrocitatem huius sceleris, prætextatum, ac per hoc mollem, & delicatum hunc introducit puerum: Decus ergo purpuræ apud illam inane fuit, quia nihil proficeret ad misericordiam, cuius adspectu nihil commota, in illum, tanquam in quemlibet sæuiret. *Per hoc purpura decus*, id est, per prætextam meam, quæ indicium est meæ nobilitatis. *Improbaturum*, damnaturum, puniturum, vindicaturum. *Iouem*. qui vindex est malorum. *Hæc*. maleficia. *Quid ut nouerca me intueris*. quia nouercæ in alienos filios iniustæ esse, & sæuire solent. *Petita ferro bellua*. sunt enim belluæ plurimæ, quæ, cum ferro petuntur, crudeliores fiunt, vt aper, vrsus. *Ut hæc trementi questus ore constitit*. hucusque loquutus est puer. sequentia verba sunt poetæ, quorum hic est ordo, vt puer questus hæc trementi ore constitit, Canidia implicata crineis, raptis insignibus pueri, iubet aduri flammis Colchicis impube corpus, quale posset mollire impia pectora Thracum. *Vt*, postquam. *Cōstitit*, tacuit,

aut stetit. *Insignibus raptis*. insignia pueri vocat illius ornamenta bullam & prætextam. *Impube*. ἀνέβιον. tenerum & delicatum. *Quale*. intelligitur tale. *Possset mouere impia*. id est, barbara, dura. *Thracum*, id est, etiam Thracum pectora barbara mouere possset: tale est illud Virgilij, Quis talia fando Myrmidonum, Dolopumue, aut duri miles Vlysssei, temperet à lacrymis? quasi dicar, etià hostes, fando talia, nō temperarent à lacrymis: quo pacto nos Troiani, à lacrymis temperemus, fando talia? *Canidia breuibus implicata viperis*. ἀνακλόουτον habitum Canidiæ furialem describit: nam sicut furia infernales, pro capillis habent angucis, & serpenteis; ita & ista in veneficio hoc componendo furibunda stabat. *Breuibus*. quia nulla de serpentibus breuior est, quā non sit & peior. *Implicata crineis*. quasi hoc exigeret ars maleficorum, vt implicarent suos crineis serpentibus. *Incomtum*. impexum. *Iubet sepulcris*. significat hæc sacrificia esse infernalīa & malefica, dum caprificos sepulcris extractas, & cupressus infauistas, cum reliquis hic vult adhiberi, quasi dijs inferis sacrificatura. *Caprificos*. Caprificus, species est fici siluestris, adeò penetrabilis, vt saxa etiam sepulcrorum perrumpat. Hic autem dicit non vndelibet, sed sepulcris erutas, quòd inferna essent sacrificia. *Cupressus sinebreis*. inferis consecratas & funeri aptas, quia funeribus adhibebantur: vt, ferale ante cupressus constituunt: nam vt cupressus recisa nunquam repullulat, ita mortui non redeunt ad vitam: cupressus autem & per secundam & quartam declinationem effertur. *Et vincta turpis oua rana* ordo est, & oua plumamque nocturnæ strigis, vincta sanguine turpis rana, &c. *vincta*, imbuta. *Turpis*, deformis, veneficijs apta est rana, & inferna. vt Iuuenal. Et stygio rana in

nas in gurgite nigras. aut turpis, id est, grandis: vt, cui turpe caput: cuiusmodi ranæ, rubetæ dicuntur. Iuuenal. Ranarum viscera nunquam Inspexi. idem, miscet sitiente rubetam. *Nocturna strigis.* Strix nomen auis, malum omen habentis, quæ stridorē nocturnum pro cantu habet, de qua Lucanus: Quod trepidus bubo, quod Strix nocturna queruntur. *Herbas.* magicas. *Quæ solchos.* vrbs est Thessaliæ, quæ regio venenorum ferax est. *Iberia.* non Hispaniā dicit, sed illam quæ est in Ponto, herbis magicis abundante. vnde Virgil. nascuntur plurima Ponto. *Et ossa ab ore.* non quòd verè ab ore ieiunæ canis denteis tollere potuerit, sed animū retulit maleficorum, qui ex impossibilibus effectum sibi promittunt. *flammis aduri Colchicis.* hoc est, magico ritu præparatis incendijs & per beneficia accensis, quod propter Medeam Colchicam dictum est, huius artis peritissimam, quæ vestem pellici suæ datam, vnà cum ipsa & tota domo regia conflagrari fecit, nō ignis quidem ardore, sed incantatione. *At expedita.* cincta, succincta, ne defluentes vestes impedimento essent. *Sagana.* malefica, ex conscijs vna & Canidiæ subministrata: sic & Virgilio inducitur Amaryllis. *Auernaleis.* infernaleis; sumtas ex Auerno lacu, quā dicitur ad inferos esse descensus: Sparferat & latices simulatos fontis Auerni. *Horret capillis.* horrida apparet. *Asperis.* erectis ipsb sacrorum furore. Lucanus, Erectis discissa comis, & inhorruit armos. *Echinus.* semipedalis piscis in modum Ericij, asper, & setosus. *Currens aper,* furens. *Veia.* nomen eius est quam vult esse Canidiæ sociam. ordo est, Veia nulla mali conscientia abacta, ex hauriebat humū duris ligonibus, ingemēs laboribus. *Abacta.* quæ nulla cōscientia à maleficiis abigi poterat; nullius enim mali

sibi non gaudebat esse conscia. *Humum exhaustiebat. cef-*
fodiebat ut puer infodetetur. *Longo die, æstiuo. bis terq;*
mutata dapis. ante oculos defossi pueri cibos positos
 per momenta ferè mutabāt, ut mutatę dapis desiderio
 intabesceret, atq; ita moreretur miserabiliter. *Inemori,*
 id est tabescendo mori. *Cum promineret ore.* extaret è
 terra mento tenus. *Corpora. natantium. Exsecta vti me-*
dulla. hic causam reddit tanti facinoris nēpe ut ex pue-
 ri nimio afflictu cruciati, mortuique medulla & iecore
 Varo amoris prępararet, & potionē temperaret. *Aridū*
iecur. propter famem & sitim. *Interminato.* interdicto,
 prohibito. *fixa pupule.* iminotę, quū, prę nimia fame,
 puer oculos à cibo nō moueret. *Intabuisset.* defecissent:
 ut, Et fame tabentes artus in littore ponūt. *Non defuisse*
mascula libidinis. atrocitatē facinoris auget, loci distan-
 tia: quasi Neapolitani non audiuisent modò hoc faci-
 nus, sed etiā nossent illi interfuisse Foliam veneficarū
 pessimam. *Mascula libidinis.* quę tam mōstrōsā erat li-
 bidinis, ut etiam cū feminis rem haberet; quo crimine
 etiam Sappho malè audit; huiusmodi autem feminę
 Hermaphroditę nominantur. *Otiosa Neapolis.* quieta,
 minus curiosa: sic Virg. Illo Virgiliū me tēpore dulcis
 alebat Parthenope, studijs florentem ignobilis ocī:
 quòd aptissimus esset secessus quietis in ea; quare etiā
 fabulosa dicta est, quòd à rebus grauib; vacaret & fa-
 bulis indulgeret. *Vicinū oppidum.* etiā Puteolana ciui-
 tas. *Excantata,* superata. *voce Thessala,* carminibus ma-
 gicis: Thessalia regio est Gręcię vicina; vbi magia vi-
 get plurimū, & herbę magicę abundant, quare ab
 aliquibus illa dicitur inuentū Thessalū. *Lunamq; calo*
deripit. multi namq; magi pręstigijs suis ita oculos ho-
 minum deludunt, ut videantur lunam & sidera cælo
 detrahare

detrahere in terrā & cōmouere. sic Virgil. Carmina vel
 cælo Lunā deducere possunt. *Inrescētū*. valde sectum.
Dente liuido. inimico, nigro, deformi. *Hic*. tunc. vt, Hic
 regina grauē gemmis auroq; poposcit, impleuitq; me-
 ro paterā. *Pollicē*. vnguem pollicis : expressit habitū &
 modū furentis Canidiæ. Petronius, vt mōstraret furen-
 tem pollice, ait, vsq; ad periculū roso. *Quid dixit*. Hy-
 steron proteron: pro, quid tacuit? aut quid nō dixit? in-
 terrogatio admirationis & detestationis plena. i. quāta,
 & qualia scelera, & verba nefaria nō dicere, aut silentio
 præterire potuit, quæ in tāto maleficio dicenda erant!
O rebus meis. verba hæc sunt Canidiæ inuocantis Noctē
 & Dianam, tenebrarū præsides deas, & ferū occultarū.
Rebus meis. i. his artibus magicis. *Arbitræ*. testes con-
 scis, aut præsentis. vt Sallust. arbitris procul amoris.
Diana. Luna, quæ noctibus præest. *Qua silentiū regis*.
 noctē in potestate habes. *Arcana*, malefica. *sacra*, venefi-
 ciorū. *In hostileis domos*. Varo hæc imprecatur, qui eam
 fastidiebat. *Numē*, potentiā vestrā irarū. *formidolosa*. ti-
 mendæ, quod timorē incutiant. *fera*, hoc est, ne nocte
 quidē sine quiescere Varū, quæ etiā feris est quieti. vt,
 Cū tacet omnis ager, pecudes pictæq; volucreis. *lan-
 guida*. resoluta, fessæ. *Adulterū*. Varū amatorem, qui, me
 spreta, aliā adamat. *latrēt suburana canes*, cū persequan-
 tur furijs agitata, cū eo iocentur, eum derideant canes
 suburanæ. i. meretrices de Subura. iuxta quā degit Va-
 rus. Subura aut dicta est à suburēdo, quod in ea regio-
 ne Romę aliquādo subustionibus paludeta siccata sint,
Nardo. meo. *Quale*. vnguentū. *Perfēctius*. efficacius ad
 cōciliandū amorē. *Quid accidit*. indignatis admiratur,
 cur non victus Varus suis venenis ad se venit, quid sit
 impedimento. *Cur dira barbara*, hoc est, cur minus dira

venena mea valēt, venenis barbarę Medę? cur venena mea Varo data, minus sunt efficacia venenis Medę? Aut cur dira venena Medę minus valent solito? hæc enim sua, dicit esse Medę, quod ab illa fuere inuenta, cū se de pellice sua Glauce, Creuntis filia vltā est. *Superbam*. potentem. vt hic, populum latē regem belloq; superbū. *Fugit*: curru serpentum. *Cum palla*. palla munus, epexegetis. *Tabo*: veneno. aliās significat corruptum sanguinē. vt, terrā tabo maculant. & est nomen diptoton tabi, tabo. Sunt qui Medeam, non pallam, sed coronam Glaucę dedisse volunt. *Imbutum*. infectum: *Nuptam*. Glaucon. *Atqui nec verba*. dicit se vehementer admirari, quid id sit quod sua venena non possint solitam vim exercere, quum in herbis & radicibus veneficis inquirendis nihil a se sit prætermisum. *Herba venefica*. *Fefellit*. latuit. *In locis asperis*. in montibus. *Indormit*. non laborat, inquit, Varus meis veneficijs, sed potius securus dormit, sine amoris inquietudine, oblitus omnium suarum pellicum, sic illum etiam sui immemorem dicit: ita enim ordinatur, indormit cubilibus vinctis obliuione omnium pellicum. *Ah ah*: dolentis vox est. scio equidem, inquit, quid accidit: altera inuenta est à Varo malefica me peritior, cuius auxilio ipse effugit mea veneficia. *Solutus*. liber a meis veneficijs. *Non visitatis*. nouis, magnis, quibus ad me redibis, velis nolis, nec amplius vllis incantationibus poteris ab amore mei diuelli; nō Marfi, nō Peligni, ab amoris mei vinculis te liberabunt. *Omnia*. id est, multum. *Fleturum caput*: hæc per parentheses sunt accipienda. *Non vocata mens*. reuocata. *Marsis vocibus*. magicis incantationibus. hoc est, ita te defigam nouis & insolitis maleficijs, vt mētem nunquam

quam recipias etiā si Marfos tibi adhibeas : Marſi autē Italiae populi ita venenorum fuere periti : vt & ſaliua ſoliti ſint etiam morſus curare ſerpentum. *Infundam*, conficiam. *faſtidenti*, aſpernanti me. *Priusq̃, calū ſidet*, ſubſidet, peſſum ſidet, & terra ſuper mare erigetur : hoc eſt, antè tota natura rerum mutabitur, quàm Varus nō ita amoribus meis ardeat, vt igni bitumen immiſſum : bitumen autem materiā eſt tenaciſſima, adeò vt poſtquam aridū fuerit, nulla re diſſoluatur ; admotum autem igni flammās ingentes emittit : fertur autem eſſe igneæ naturæ, cæleſtiq̃ igni nutriri. Vnde & in campo Sennaar ubi frequentiffima fulmina cadunt, multi bituminiſ putei eſſe leguntur : Græcè autem Asphaltum vocatur. *Sub hac puer*, puer prætextatus cū videbat ſeſe interficiendum, diutius ſilere minime pōtuit. *Iam non, vt antè, mollibūs*, vt cui adderet deſperatio dicendi libertatem. *mollibūs*, blandis : vt, manditque trahitque Molle pecus. *lenire*, lenibat : nā prius ſperabat ſe poſſe eas reuocare ab interitu ſuo ; blandè illas compediādo, at iam deſperatione adductus, diſis execrationibus deuouet. *Vnde rumperet ſilentium*, quid primum diceret, vnde ſumeret exordium loquendi. *Thyeſtea præcep.* graues & noxias imprecationes, duras, quolibet Thyeſtes uſus eſt contra Atreum fratrem, qui eius filium toctū illi appoſuit edendum. *venena magnum fas, nefasq̃* hæc verba ſunt pueri : hæc autem epexegeſis eſt, nempe venena quæ ſunt magnum fas nefasque &c. nam fas eſt, ſi hoc detur impio & ſcelerato : contra vērò, eſt magnū nefas, ſi propinetur innocentī : ſicut & gladiūſ fas eſt ; & nefas : fas quidem, ſi ſtringatur in hoſtem ; nefas autem, ſi contra ciues euaginetur. hæc itaq̃ venena non poſſunt permutare humanam ſortem, vt hi, qui boni

D ſ ſunt,

sunt, si veneno occidantur, noxij sint; aut hi, qui alios perimunt, sint à scelere immunes. *Cōuertere humanam vicem.* vt ex innocente sit aliquis nocens, aut contrà: venena nō possunt cōuertere quod semel decretū est, nec facere, vt, quod est iustū, videatur iniustum, & vt pœna liberentur qui illā sunt meriti: vices autē appellantur pœnæ quæ in sceleratos regerūtur. *Diris.* furijs, execrationibus. *Agam vos.* persequar: pollicetur se in eas sæniturum post mortem. vt, Omnibus vmbra locis adero, dabis improbe pœnas. *Dira detestatio.* execrabile factum: detestatio autē est execratio, quæ fit ab innocente contra nocentē. *Nulla expiatur victima.* i. non poterit vllō purgari sacrificio. *Quin.* insuper. *Iussus,* à te ô Canidia. *Nocturnus occurram furor.* id est, nec de nocte vos quiescere sinam; sed semper cōscientias vestras stimulabo tanti maleficij memoria. *Petamq; voltus.* impetum in vos faciam, ac dilacerabo facies vestras. *vmbra.* ego. *Quæ vis deorum.* quæ scilicet vmbra. *vis deorū est.* violentia, & vltio, vt per vmbas se vindicent, & infestent quiescenteis. *Inquietis,* nunquā quiescentibus. *Affidens,* inhærens. *Vos turba.* multitudo populi. *vicatim.* per singulos vicos. *Contundet obscenas,* immundas anus, hoc est, pro meritis vestris multitudo ciuium, quum anus fueritis, tanquam insanas, & amēteis à suis ædibus repellent, fustibusq; contudent, & lapidibus obruent. *Different,* dilaniabunt, discerpent, diuident. *Esquilina alites,* vultures aues. Esquilinus mons Romæ ex septem mōtib; hinc Esquilina porta Romæ dicitur, Adesso, vbi certus erat locus sepulcrorū, ad corpora pauperū, aut sceleratorū, viliūmq; comburenda, aut canibus proijcienda. *Neque hoc parenteis, heu, mihi superstites.* Patheticos hæc proferenda sunt. dolet enim paren-

parenteis sibi superstites in luctu. futuros, sed sperat illis solatio fore tā execrabilem inortē harū veneficarū.

CRVQVIVS.

At o deorum. abrupta & festinata exclamatio pueri ingenti timore & inopinato perculsi. At, enim interiectio timentis, pro geminis posita esse videtur, At, At, vt non tam dolere aut conqueri puer, quā timere iudicetur. At, in illo Virgilij: At tibi pro scelere, exclamatur, abruptū quidem est, sed indignabundū cū execratione. *Quicquid regit.* sic habent Bland. codices, *Et quid omnium,* non, *aut quid omnium.* vt habent impressi libri. *Lucina.* Dionysius Halica. 4. antiquitatū Rōm. Tradit L. Piso. 1. Annaliū, inquit, Tullium statuisse quāti precij nummos: pro singulis nascentibus inferre deberent cognati in ærarium Ilirhyæ (Romani Iunonē Lucinam vocant) pro nascentibus: in Veneris ærarium, quæ in Luto sita est (ipsi Libitinam appellant) pro defunctis: in Iuuentutis, pro togam virilem sumentibus, &c. Iuno namque & Lucina quod lucē, & Opigena dicta est, quod nascentibus opē ferat. *Insignibus raptis.* prætexta; & bulla, quæ ornamenta fuere filiorum Senatorū. Macrobius. lib. saturnali. 6. bullam scribit auream cum toga, cui purpura prætextitur, patriciorum insignia fuisse; bullam autem à collo dependentem ad pectus habuisse formam cordis, vt ea inspecta, se viros meminissent si corde præstarent. At Plutarchus in Romulo non in figuram cordis ait bullam efformatā, sed bullæ aqueæ similem fuisse, qui tumor est in aqua citò euanescent: eius autem hæc verba sunt. φορεῖν ἢ καὶ παῖδας αὐτῶν τὴν καλουμένην βοῦλαν ἀπὸ τοῦ χήματος, ὁμοίον πεφόβουσι περιδεραιόν π. id est, sed & liberos ipsorum gestare bullam, à figura nominatā, colli puta ornamentum simile bullæ

sunt, si veneno occidantur, noxij sint; aut hi, qui alios
perimunt, sint à scelere immunes. *Cōuertere humanam
vicem.* vt ex innocente sit aliquis nocens, aut contrà:
venena nō possunt cōuertere quod semel decretū est,
neq; facere, vt, quod est iustū, videatur iniustum, & vt
pœna liberentur qui illā sunt meriti: vices autē appel-
lantur pœnæ quæ in sceleratos regerūtur. *Diris.* futijs,
execrationibus. *Agam vos.* persequar: pollicetur se in
eas sœniturum post mortem. vt, Omnibus vmbra locis
adereo, dabis improbe pœnas. *Dira detestatio.* execrabi-
le factum: detestatio autē est execratio, quæ fit ab inno-
cente contra nocentē. *Nulla expiatur victima.* i. non po-
terit villo purgari sacrificio. *Quin.* insuper. *Iussus,* à te
ô Canidia. *Nocturnus occurram furor.* id est, nec de no-
cte vos quiescere sinam; sed semper cōscientias vestras
stimulabo tanti maleficiij memoria. *Petamq; voltus.* im-
petum in vos faciam, ac dilacerabo facies vestras. *vm-
bra.* ego. *Quæ vis deorum.* quæ scilicet vmbra. *vis deorū*
est. violentia, & vltio, vt per vmbas se vindicent, & in-
festent quiescentibus. *Inquietis,* nunquā quiescentibus.
Affidens, inhærens. *Vos turba.* multitudo populi: *uica-
tim.* per singulos vicos. *Contundet obscenas.* immunditas
anus, hoc est, pro meritis vestris multitudo ciuium,
quum anus fueritis, tanquam insanas, & amēteis à suis
ædibus repellent, fustibusq; contundent, & lapidibus
obruent. *Different,* dilaniabunt, discerpent, diuident.
Esquilina alites, voltures aues. Esquilinus mons: Romę
ex septem mōribus: hinc Esquilina porta Romę dici-
tur, Adesso, vbi certus erat locus sepulcrorū, ad corpo-
ra pauperū, aut sceleratorū, viliūmq; comburenda, aut
canibus proijcienda. *Neque hoc parenteis, heu, mihi su-
perstites.* Patheticos hæc proferenda sunt. dolet enim
paren-

parenteis sibi superstites in lu&u. futuros, sed sperat illis solatio fore tā execrabilem inortē harū veneficarū.

CRVQVVS.

At o deorum. abrupta & festinata exclamatio pueri ingenti timore & inopinato percussī. At, enim interiectio timentis, pro geminis posita esse videtur, At, At, vt non tam dolere aut conqueri puer, quā timere iudicetur. At, in illo Virgilij. At tibi pro scelere, exclamat, abruptū quidem est, sed indignabundū cū execratione. *Quicquid negit* sic habent Bland. codices. *Et quid omnium*, non, aut *quid omnium*, vt habent impressi libri. *Lucina.* Dionysius Halica. 4. antiquitatū Rōm. Tradit L. Piso. 1. Annaliū, inquit, Tullium statuisse quāti precij nummos: pro singulis nascentibus inferre deberent cognati in ætarium Ilithyæ (Romani Iunonē Lucinam vocant) pro nascentibus: in Veneris ætarium, quæ in Luce sita est (ipsi Libitinam appellant) pro defunctis: in Iuuentutis, pro togam virilem sumentibus, &c. Iuno namque & Lucina quod lucē, & Opigena dicta est, quod nascentibus opē ferat. *Insignibus raptis.* prætexta, & bulla, quæ ornāmenta fuere filiorum Senatorū. Macrobius lib. saturnali. 6. bullam scribit auream cum toga, cui purpura prætextitur, patriciorum insignia fuisse; bullam autem à collo dependentem ad pectus habuisse formam cordis, vt ea inspecta, se viros meminissent si corde præstarent. At Plutarchus in Romulo non in figuram cordis ait bullam efformatā, sed bullæ aqueæ similem fuisse, qui tumor est in aqua citō euanesceus: eius autem hæc verba sunt. φορεῖν ἢ καὶ παῖδας αὐτοῦ τὴν καλουμένην βοῦλαν ἀπὸ τοῦ χήματος, ὅμοιον πομφόλυγι περιδεραιόν π. id est, sed & liberos ipsorum gestare bullam, à figura nominatā, colli puta ornamentum simile bullæ

bullæ: hæc certè Plutarchi opinio mihi nō minus adlubeſcit, quàm illa Macrobij; quid enim homo eſt aliud quàm bulla euanida, iuxta Varronis ſententiã? deinde quod bullæ forma rotunda fuerit & capitata, Apuleius lib. 6. clarè oſtendit, inſiciens bullis multis aureis inoculatum, velut ſtellis relucentem & c. Feſtus tamen de illius origine, quòd dicta ſit ἀπὸ τοῦ βύλη, cum Macrobio ſentit. *Impube corpus.* Figulus Porphyrionem impreſſum ſequutus, vt conijcio, hic ponit ἐπεξήγησιν, nempe puer impube corpus exiſtens: Commentator autem refert impube corpus ad ea verba, iubet flammis aduri: verùm prior ſententiã placet magis. *Thracum*: quiſquis hic nobis Porphyrionem menti-
tur, certe refert ſine capite fabulam, nimirum eadem ad verbum quæ in vnis annotationibus offendi; ea autem ex alijs tribus; quantum potui, in commentatore quæ deſiderabantur appoſui, nec aliam eius loci ſententiã video; quàm eam quæ a dialecticis nominatur a minori argumentum. Græcis huiusmodi con-
iunctionum particulæ expreſſæ, vel implicite ἐλαττωτικὰ νομιναντὺρ, quæ id quod minus eſt rationi conſonũ, concedi dignum indicant: quales ſunt, ſaltem, & cum prò ſaltem accipiuntur; at, certe, etiam; vel vt ne, vel latum pedem ceſſit. *Implicata viperis crineis & incom-
tum caput.* coniunctio; &, per ἐπεξήγησιν explanat præ-
cedens; nimirum, implicata crineis, hoc eſt, habens ca-
put incomtum & breuibꝯ viperis implicitum furia-
rum inſtar. talis lib. 6. a Lucano deſcribitur Erichtho Theſſalis, Terribilis ſtygio facies pallore grauatur, Im-
pexis onerata comis. notanda hic eſt ſynechdoche, im-
plicata crineis, implicata caput. *Plumamq; nocturna ſtri-
gis.* ſtrigem deſcribit Ouidius faſtorum lib. 6. *Iolchos,*
non

non Colchos, vt habent libri impressi ferè omneis contra codices manuscript. Bladinios 4. atque ita legit Lambinus ex codicibus scriptis. *Et ossa ab ore rapta ieiuna canis.* sententiam & expositionem Commentatoris in hunc locum sic accipiendam arbitror, vt ea omnibus his Canidiæ magicis præceptionibus adapte-
tur, ex quibus hoc philtum Varo paratur: nam quis aliud est huiusmodi maleficorum conatus, quàm vt ab-
ardis, inhumanis, execrabilibus, atque adeò à communi natura abhorrentibus dictis, factisque, aut vim natura se facere; aut saltem miseris, omniumque rerum ignaris, atque frequenter nimis credulis hominibus, miranda præstare posse persuadeant? nam si cuncta hæc Canidiæ iussa inter se conferas, minùs promptum iudices, oua, & plumas nocturnæ strigis, huic maleficio à Canidia applicari posse, quàm denteis rapere ex ore ieiunæ canis. quanuis nec eam esse poetæ sententiam facile dixeris ex Luciano, qui sexto libro describès Erichtho Thessalam maleficarum pessimam, hunc locum nobis elucidat. nam Erichtho venefica non dentes ex ore lupi, sed artus cadauerum & ossa rapere stude-
t ex siccis, id est ieiunis faucibus lupi. Lucan. lib. 6. *ut quodcunque iacet nuda tellure cadauer, Ante feras olucresq; sedet, nec carpere membra Vult ferro manibusque suis, morsuque luporum Expectat siccis ratura è faucibus artus.* Huc etiam facit illud Apulei de Pamphila venefica, cui Fotis ancilla inter cetera ad philtum apta hæc commemorat, inquit, Et extorta erarum dentibus trunca caluaria, &c. *Echinus.* Echini, inquit Plinius lib. 9. cap. 12. crustis & spinis teguntur. & cap. 31. Echini quibus spinæ pro pedibus ingre-
ssus his est in orbem volui. Isidorus lib. 12. ca. 6. crasse
confun-

confundit Echinum piscem cum Echeneide pisciculo qui Latine Remora nominatur: qui illius iconē videre desideret, inspectet Rōdeletium & post eum Gesnerū. *Currens aper*. his enim iratis setæ in dorso erigūtur. *longo die*. i. æstiuo inquit Cōmentator: fortē quod alludat poeta ad ancillarum festum, quod à liberis matronis simul & ancillis in honorem Iunonis Caprotinæ celebrabatur Nonis Iulij, sub caprificu. Macrob. Satur. li. 1. cap. 11. vel longum diem, æstiuum interpretabimur, quemadmodum in illo Martialis, Hora nec æstiuā est, nec tibi tota perit: opus est exponere æstiuam horam, longam: nam si dies artificialis, nimirum ab ortu solis ad illius vsque occasum, in duodecim horas æqualeis Romanis semper diuisus sit; quis pro longitudine & breuitate dierum poterit infitari horis etiā multa vel accedere momenta temporis, vel decedere? vnde prorsus est necesse in æstate & diem & horam multis partibus excedere solis in nostro hemispherio curriculū hibernum. *Exsecta*. in hac dictione consentiunt cod. Blandini, verū in annotationibus scriptum est, extracta, quod mihi videtur magis quadrare: nam sic habet Lucanus libro. 6. Ast vbi seruatur saxis, quibus intus humor Ducitur, & tracta durescunt tabe medullæ Corpora, &c. tracta tabe, id est, extracta tabe. Lambinus admonitus à Gulielmo Faerno legit exsucta, cui subscribit codex Carrion. manuscriptus cum adnotatione codicum Blandiniorum suprā dicta. habet enim exuncta, id est, extracta. ea autem lectio vera esse potest si medullam hic intelligamus liquidam, quam fluidam sugimus: at si constricta sit, vt in Lucano sonat verbum, durescunt; exugi non poterit sed extrahi. vulgati codices habent, exerta: per me libera

vera est omnibus sua opinio. *Iecur*. quod à philoso-
phis amoris sedes dicitur, iecore namque amamus,
felle irascimur, & splene ridemus. Persius satyr. 1. sed
tum petulanti splene cachinno. *Interminato*. vetito. in
passiva significatione scribit Lambinus omnium ver-
borum quæ deponentia vocantur, participia à nobi-
lioribus Grammaticis tradi etiam passionē significare.
Sed si puer iste patritius in scrobem defossus mēto te-
nus fuerit, quid opus erat illi interminari ne cibum ca-
peret? necesse enim erat illum manibus uti non posse,
nimium etiam defossis. Quare significantius intermi-
nato cibo, id est, appposito quidē, sed non tacto, nō per-
missio uti, idq; per impedimentū defossionis, nouo ta-
men crebrò appposito defossi famē irritante assidue, &
ōtinuò eam valde suo odore exacerbante. *Cum semel*.
hoc aduerbium semel, non participium, fixæ, sed ver-
bum intabuissent, determinat, ut significet, omnino,
forsus: quemadmodum Budæus interpretatur il-
lud Ciceronis pro Deiotar. Cūn facile exorari Cæ-
sar, tum semel exorari soles. significatur autem mor-
tis præsentia, cū intabescunt pupulæ, iuxta illud Pli-
ij lib. 28. cap. 6. Augurium ex homine ipso est non
mendi mortem in ægritudine, quā diu oculorum
pupillæ imaginem reddant. Et Hippoc. oculorū aciem
ræstringi oculosque rigescere atque conuelli, iam ani-
mæ agentis notam statuit. *Otiosa Neapolis*. vide Stra-
pon. libr. 5. *Ariminensem Foliā*. Folia, venefica socia
Canidiæ, ab Arimino ciuitate Italiæ. Plin. lib. 3. ca. 15.
Deripit. sic habent codices Bland. non ut vulgo diri-
git: deripere autem est deorsum rapere ex superiori lo-
co. *Hic inresectum*. Lucan. scribit Erichtho non suum
ollicem, sed arrodere manus cadaueris: Tunc, inquit,
omnes

omneis auidè defœuit in artus , Immergitque manus
 oculis,gaudetque gelatos Effodisse orbes,& siccæ pal-
 lida rodit Excrementa manus . Quid si hic idem de
 Canidia conijciamus, illam non suum pollicem val-
 de sectum rosisse, sed pueri extracto è fossa altero
 brachio, vnde medullam & sanguinem rodendo ex-
 sugeret ad hoc maleficium ? aliàs rodere pollicem,
 est cogitabundi indicium & minitabundi. *formidolosa*.
 sic scriptum est in 4. cod. Bland. cum annotatione hac,
 propter horrorem noctis & ferarum: sed quod parum
 interesset, & aliam annotationem inuenirem, nolui
 mutare communẽ lectionem. *Latrent suburbanæ canes*.
 Subura, inquit Marlianus, lib. 4. cap. 20. in Topogra-
 phia vrbis Romę quæ inter Esquilias & Viminalem ia-
 cet, principiũ habuit à foro Romano, siue à foro Ner-
 uæ Imperator. finem verò ad cliuum Suburanũ, dicta
 vt Iunius scribit, ab eo quòd fuerit sub antiqua vrbe.
 In Subura Cæsar dictator habitauit primùm modicis
 ædibus, deinde post pontificatum maximum in via sa-
 cra. Cliuus autem Suburanus, in Esquilias præbens
 ascensum, à fine Suburæ initium capit. hic autem me-
 retrices habitasse Martialis significare videtur his ver-
 sibus, Famæ non nimium bonæ puellæ, Quales in me-
 dia sedent Subura . Quod autem Subura per vnicum
 r, scribi debeat, & non Suburra; argumẽto nobis sunt
 omnes antiqui codices manuscripti, id ipsum etiam
 contestante Lambino. Quæ autẽ sit eius dictionis de-
 riuatio, hic scribit Commentator: At Iunius vt paullo
 supra positum est, dicit ab antiqua vrbe nomen habe-
 re, quasi sub vrbe . Festus ex Verrio dicit, Suburanam à
 pago Succusano nominatam regionem vrbis Romæ
 vnam ex quatuor, quarum aliæ tres sunt, Palatina, Col-
 lina, &

na, & Esquilina, vt videre est apud Plin. lib. 18. cap. 3.
 & Dionysium Halicarnassæum. lib. 4. antiquitatum
 urbis Romæ. hoc autem Verrius maximè probat eorū
 auctoritate, qui aiunt ita appellatam & regionē urbis,
 & tribum a statiuo præsidio, quòd solitum sit succur-
 ere Esquilijs infestantibus eam urbis partem Gabinis;
 iudicioque esse quòd ea tribus per c. literam, non b.
 tribatur. *Nardo perunctū quale*. Si luberet hic fumum
 tendere, liceret ex annotationibus manuscriptis lecto-
 ribus esse risui tenebrionis illius instar, qui Acronem
 nobis adulterauit; sed nugis omissis vnum hoc ascribā
 quod videtur a vero non omnino alienum. Nardum,
 inquit, appellat hic vnguentum veneficum ad homines
 conuertendos in amorem vel odium; nam nardum in
 neutro genere veneficium significat, vel adiectiuè vn-
 guentum nardi cum veneficio, quasi nardinum vnguē-
 um cum veneno. verū omnino dubitandum non
 est, quin hic Nardum non herbam ipsam, sed vnguē-
 um notet: quemadmodum apud Tibullum legimus,
 iam dudum Syrio madefactus tempora nardo. Sic &
 Horat. Ode v 11. lib. 11. malobathrum, seu mala-
 bathrum, vt illic notauimus, non pro folio, quod verè
 Malabathrum dicitur: sed pro ipso vnguento ex mala-
 bathro confecto. De hac autem Enallage accusatiui
 quale, pro ablatiuo quali, vide Linacrum lib. v 1. &
 Crisostomum, quamuis censeam non tam grammaticum
 esse, quàm verè Horatianum. *Laborarunt*. anti-
 quissimus Codex habet *Laborarint*. quod mihi equè
 placet ac laborarunt, nimirum vt sit modi potentialis
 hanc sententiam, quale meæ manus labore confice-
 re possunt. *Superbam*, sic offendi in 4. codicibus Blād.
 contra vulgatam lectionem, superba. D. Lam. idem no-
 tauit.

tauit. *Tabo*, id est, veneno ait Commentator, in qua significatione tabem v'surparunt antiqui, inquit Festus, quæ faceret tabescere. deinde habet Cōmentator, *tabi*, *tabo*, nomē esse diptoton: at Despauterius ex Quint. scribit esse triptoton; *tabum*, *tabi*, *tabo*: Sosipater Charisius, Masculina semper singularia, inquit, hic *clauus*, id est, impurpurata vestis, ἐμπόρφυρος ἐσθῆς καὶ ἐνθαλασσίη: hic *tabus*, τὸ λύθρον, cruoris inquinatio: postremò sunt, inquit Cōmentator, qui Medeam non pallam sed coronā Glauce dedisse volunt. in eam sententiā Plin. lib. 2. cap. 105. Ita ferūt à Medea, inquit, pellicem crematā, postquā sacrificatura ad aras accesserat, corona igne rapta: loquens de Naphtha quæ propriè est petroleū, oleum illud liquidū quod ad nos licet corruptū, ferunt Agrythē, teste Christoph. Encelio de re metallica. lib. 3. cap. 15. &c. *Indormit vnctis omnium cubilibus obliuione pellicum*. ordo hic bifariam accipi potest, vel, vt habet Cōmentator: vel hoc modo, Varus indormit cubilibus omnium pellicū vnctis obliuione mei, quem ordinē videtur amplecti Glareanus propter sequentia, ah, ah, solutus ambulat, quasi sua pharmaca nullius sint efficacix. *O multum fleturū caput!* notat rectè Lamb. proprietatē Græci sermonis in fleturū, οἰμώξεις flebis, id est, miser eris, quod fit dum malum precamur aut minamur alicui. *Marsis vocibus*. de Marsis Apuliæ popul. Plin. lib. 7. ca. 2. & lib. 24. ca. 1. vide & Gellium lib. 16. & Sillium Italicum li. 8. *Bitumen*. Christophorus Encelius de re metallica li. 3. cap. 14. scriptum reliquit quo ad substantiam bitumen esse duplex, glutinosum durū in terra, liquidum in aqua, & fontibus etiam, vt testatur Curtius, natans, & tenax, quod puluerisari quidem nonnunquam potest, sed non resolui, habens fœtorem Naphthæ: Græcis Asphal-

Asphalton dicitur, forsitan à lacu Asphaltide in Iudæa
 qui nunc vocatur Mare mortuum, vbi olim fuere So-
 doma & Gomorrha. *Vnde rumperet silentiū.* hanc loquen-
 ti formam rumpere silentium, rumpere vocem, pro eo
 quod est loqui, eleganter docet Lamb. & multis exem-
 plis tam Græcis quàm Latinis scriptoribus v̄sitatam.
os turba vīcatim hinc & hinc saxis petens, hæc est expoli-
 tio illius diræ detestationis, quam puer his veneficis im-
 recatus, dixit nulla expiari victima; nam detestatio hic
 malorum est, imprecatio horribilium, & extremorum
 uæ ab Adrastia infliguntur hominibus inexorabili-
 ter: hanc autem Adrastiam vocant philosophi retali-
 ationis ordinem, qui est diuinarum legum ineuitabilis
 potestas, qua postea rependitur unicuique pro ratione
 & meritis vitæ prioris. *Post insepulta.* nihil abominabi-
 lius antiquis, quàm & insepulta manere cadauera, abij-
 ciq; & ea esse in prædam lupis, canibus, aubus. *Disse-*
nt. membratim discerptas rapiunt singuli suas par-
 tes. *Esquilinæ alites.* ita reperi in quatuor cod. Blandi-
 ijs; non Esquiliniæ, vt legendum arbitratur Bonfi-
 is propter diphthōgum æ. verum eius nulla sit cura,
 nam poetis non est rarum non elidi vocalem aut diph-
 thongum, sed an legi debeat Exquilinæ potius quàm
 Esquilinæ; disputat Marlianus, in Topographia vr̄bis
 romæ lib. 4. cap. 14. Exquilias, inquit, ab excubijs re-
 s, multi dictas volunt: cui opinioni suffragatur Oui-
 us; Adde quod excubias vbi Rex Romanus agebat,
 qui nunc Exquilias nomina collis habet: Alij ab exco-
 ndo, quod ibi Seruius Tullius rex edificaret suam re-
 am: Alij ab aucupibus Esquilias dictas arbitrantur,
 quod ibi quisquilij sparsis aues illuderentur. Hanc le-
 tionē probat & astringit Lamb. ex antiquis marmorib.

& codicibus scriptis manu, & ex Dionysio Halicar. lib. 2. antiquit. Roman. ubi scriptum est hoc nomen ἐσκού-
λινον λόρον: hic autem locus fuit, cui puticolæ nomen,
ubi puteos fuisse proditum est, in quos defunctorum
publicè cadauera mittebantur.

*In Cassium Seuerum Iambica
Epodos. 6.*

*Quid immerenteis hospites vexa canis
Ignauus aduersum lupos?
Quin huc inaneis, si potes, verte minas
Et me remorsurum pete.
Nam qualis aut molossus, aut fuluus Laco,
Amica vis pastoribus,
Agam per altas aure sublata niveis,
Quacumque praeceat fera.
Tu cum timenda voce complesti nemus:
Proiectum odoraris cibum.
Cave: cave: nanque in malos asperrimus
Parata tollo cornua:
Qualis Lycamba spretus infido gener,
Aut acer hostis Bupalò.
An, si quis atro dente me petiuerit,
Inultus, ut, flebo, puer?*

COMMENTATOR.

INVEHITVR in Cassium Seuerum, qui dicacissi-
mus erat, & amarulentia verborum optimos quosque
insectabatur, sed facile placabatur ingluuie ventris,
adeò vt si quis ei ventrem repleret, ab eius cessabat cō-
uitijs. Quare Horatius eum cani cōparat, qui cum cla-
rissimos latratus contra aliquē emittat, proiectū tamen
vel la-

vel lapidem vel panem odoretur : Ita hic accepta pecunia, à maledicentia & nimia dicacitate in eos, qui laceſſiti reſpondere non poterant, abſtinebat : huic itaq; malè minatur Horatius ſi ſolita rabie inceſſere pergat miſeros . *Quid immerenteis*. nil meritos innocenteis, minus forteis, miſeros. *vexas*, afficis, dilanias, fatigas maledictis & conuitijs. *Canis*. appoſita metaphora hominis maledici, qui in morem canis mordere videtur dum obloquitur alicui. *Ignauus*: placidus, tranquilus. *Lupos*. forteis reſpōdēdo mordere potētes. *Quin*; potius. *Huc*. in me atque me præſentem laceras. *verte*. conuerte. *Pete*. impete. *Nam qualis*. Allegoricos Horatius ſe quidem comparat optimis canibus Molosso Epirotico, & Laconi, in quorum alteris fortitudo, in alteris laudatur agilitas. vt Virg. acremque molossum Paſce ſero pingui. Caſſium vero cani peſſimo ignauiffimoq; confert. dicit itaq; Quencunq; perſequi cœpero more optimi canis aure ſublata, id eſt, alacer illū perſequar vbique locorum, hoc eſt, quicumq; me laceſſiuerit, tantis illum ego conuitijs inſectabor, vt intelligat mihi non deeſſe in remordendo, & conuitia retaliando, linguæ amaritudinem. *Amica viſ paſtoribus*. Epexegeſis, perutilis, efficax deſenſio paſtoribus cōtra lupos: vt, nunquā cuſtodibus illis Nocturnum ſtabulis furem incurſuſque luporum Aut impacatos a tergo norrebis lberos. *viſ* a ſagacitate . vt, & odora canū viſ. *Agam*. talis ego perſequar eum qui me prouocauerit. *Aure ſublata*. alacer, lætus, omni quidē conatu & omnibus viribus aure erecta ſurſum, quod propriè canum eſt dum ſæuiunt, alioqui timentiu aureis demiffæ ſunt. *Altas niues*, montium. *Quacumque præcedit fera*; id eſt, quicūque prius me laceſſiuerit, allegoricòs. *Tu cum ti-*

E ; menda

menda voce complesti nemus, id est, tu cùm tumidus & minitans inueheris in aliquem, expectas vt accepta pecunia desinas maledicere. *Timenda voce*, terribili larratu, id est, maledico carmine. *Proiectum odoraris cibum*, more ignauissimi canis, oblati epulis, seu pecunia, quiescis ab obloquutione, vt canis, qui reperto cibo insectari desinit. *Caue, caue*, tibi à me: dicet se non munere placandum, non precibus, cùm maledictis alienius respondere cœperit. *Malos*, maledicos. *Parata tolle cornua*, ad feriendum bouis in morem qui cornibus impetit hosteis. *Qualis Lycamba*, talis ego sum, qualis fuit Archilochus poeta Lycambæ socero, qui cùm Archilochus desponsam suam filiam Neobulen, se in vxorem daturum denegasset, tamdiu opprobrijs & metris Iambicis illum Archilochus est persequutus, & eius filiam, vt & ipse Lycambe, & ex dolore patris, Neobule laqueo vitam finirent. *Aut acer hostis Bupalus*. qualis Hipponax poeta fuit, Bupalus, &c. Hipponax poeta fuit acerrimus, scæda & vitiosa facie: hunc aliquando Bupalus pictor in scæna depictum populo exhibuit, vt risum moueret: At ille iratus iambis eum ita fatigauit, vt vitam suspendio finiret. *An si quis atro*. inuida & maledica lingua. *Oppetiuerit*, carpsit. *Inultus*, non vindicatus plorabo vt puer? omnis fletus & ploratus ex pusillanimitate procedit; at viri non est plorare, sed illam iniuriam vlcisci.

CRVQVIVS.

IN inscriptione huius epodi tres codices Blandinij consentiunt, quartus sequitur vulgatam lectionem. De hoc autem Cassio Seuero oratore & poeta meminit Quinctilianus lib. 10. cap. 1. Ingenij plurimum, inquit, est in

est in eo & acerbitas mira & vrbalitas, & vis summa,
 sed plus stomacho quàm consilio dedit, præterea vt
 amari sales, ita frequenter amaritudo ipsa ridicula est.
 Hunc item Tacitus ait libidine quadam viros atque il-
 lustreis fœminas procacibus scriptis diffamasse. Quare
 inductus Augustus cognitionem de famosis libellis
 tractauit. Meminit & Seneca huius Cassij in præfatio-
 ne libri tertij Declamationum. *Quin huc inaneis, si potes,
 perverte minas.* hanc lectionem habet codex antiquissimus,
 & codex Carrion. quam seruaui, quòd mihi videretur
 stomachosior alia; non enim tam interrogat Horatius
 quàm hortatur hunc maledicum, vt in se detorqueat
 sua maledicentiæ spicula, nimirum ad retorquendum
 paratum. Itaque, *Quin*, aduerbium hîc non interroga-
 tiuum est, pro cur non, sed hortantis. hâc etiam lectio-
 nem reliqui tres codices Blandin. in annotationibus
 agnoscunt, nam vertis pro conuerte, & petis pro impe-
 te, positum est, inquirunt. *Fulius Lacon.* duo codic. Blan.
 habent Laco. Canes Laconici ab agilitate commenda-
 tissimi. Virgil. 3. Georgic. Nec tibi cura canum fuerit
 postrema sed vna Veloceis Sparta catulos acremque
 molossum Pasce sero pingui, &c. *Bupalo.* non autem
 Bubalo, habent quatuor cod. & Carrion. cum Busli-
 liano. De Hipponacte & Bupalo quòd hic scribit Cõ-
 mentator hunc ab illo ad suspendium adactum, negat
 Plinius naturalis historiæ lib. 36. cap. 5. nam hoc, in-
 quit, falsum est; complura enim in finitimis insulis si-
 mulacra postea fecere, ipse puta Bupalus & suus frater
 Anthemus, sicut in Delo, quibus subiecerunt car-
 nen, non vitibus tantum censeri Chium, sed & operi-
 us Anthemi filiorum, &c.

*Ad Populum Romanum execratio
 Belli ciuilis in Brutum & Cassium
 Iambica epodos. 7.*

*Quò, quò scelesti ruitis? aut cur dexteris
 Aptantur enses conditi?*

*Parùmne campis atque Neptuno super
 Fusum est Latini sanguinis?*

*Non ut superbas inuida Carthaginis
 Romanas arceis vreret:*

*Intactus aut Britannus ut descenderet
 Sacra catenatus via:*

*Sed ut secundum vota Parthorum, sua
 Vrbs hac periret dextera.*

*Neque hic lupis mos, nec fuit leonibus
 Vnquam, nisi in dispar, feris.*

Furórne cacus, an rapit vis acrior?

An culpa? responsum date.

Tacent: & ora pallor albus inficit,

Menteisque perculsa stupent.

Sic est; acerba fata Romanos agunt,

Scelusque fraterna necis,

Et immerentis fluxit in terram Remi

Sacer nepotibus cruor.

COMMENTATOR.

VEHEMENTER insurgit cōtra principes Romani populi, qui bella ciuilia, ad tempus omissa, rursus instaurare moliebātur: verum horum omnium malorum præcipuā caussam transfert in immanissimum Romuli scelus, quod cōmisit, quando innocentis Remi fratris sanguinem funderet. *Quò, quò.* exordium ab exclamatione in indignitatē noui tumultus. *Scelesti.* impij in patriam.

iam. *Aptantur enses conditi*: referantur, reparantur
 arma iam aliquot annis conclusa, enses nudantur. *Pa-*
rimne campis. hoc est, parum ne vobis videtur sangui-
 nis Romani, terra marique esse fustum nisi iterum mu-
 nis corruiatis cadibus? *Neptuno super*. anastrophe. id
 est, terrestri & nauali praelio. *Non ut superbas*. occupa-
 tio: nō, inquit, arma sumitis ut hosteis vestros debelle-
 tis, sed ut in vos ipsos arma vertatis. *Inuida Carthaginis*.
 Carthago semper fuit æmula gloriæ Romanæ, nam &
 ædus cum Romanis pactum, tertio perfidē rupit.
Romanus miles. *Intactus*, indomitus, nondum subditus
 Romanis, bellis scilicet nondum victus. *Descenderet*,
 per viam sacrā duceretur pro triumpho ad Capitoliū.
ut ut secunda vota: ideo, inquit, vultis præliari ut vo-
 ta Parthorū, Medorum, & inimicorum vestrorum ad-
 impleatis: nam Parthi & Medi orientales gentes, Ro-
 manis inimicissimæ multum timuissent Romanos, cir-
 cūuento, & occiso Crasso, ni exorta fuissent bella
 Romanorū ciuilia. *vota Parthorū*. extincto Crasso. *sua*
extera, bellis ciuilibus. Lucanus: In te verte manus,
 nondum tibi defuit hostis. *Neque hic lupis mos*. Ex-
 robrat Romanis plusquam ferinam crudelitatem. Vos,
 inquit, facitis quod abhorret beluæ; neque enim
 lupus lupum, aut leo leonem, sed lupus leonem per-
 quitur, aut leo lupum. At vos, contra omnem na-
 turam, bellis intestinis in mutuum sanguinē insanitis.
Nisi in dispar: id est, nisi animal alterius naturæ & gene-
 ris. *Furōrne oacus*. Tria interrogat, amētia ne exagitati,
 acriori vi, id est, ira deorum, an culpa ex scelere Ro-
 muli arma contra se sumerent. *Furor*: amentia. *Acrior*,
 maior. i. aliud plusquam furor, nempe fatalis quædā &
 victa necessitas. *an culpa*. pro scelere Romuli. *Tacēt*:

eleganter subiicit ex taciturnitate, pallore, & stupore, mentem malè sibi consciam. Sic alibi Cicero, Quū tacent clamant. Quasi ad hæc verba Romani conuicti steterint, deinde sceleris conscientia stupefcentes, palluerunt, quia non habebant in promptu quod responderent: sic Virgilius, Hæc effata silet, pallor simul occupat ora. *Albus*. epitheton palloris. *Mentes*, malæ sibi cōscia. *Sic est*. vt dico, inquit, fato & culpa, agimur ad hoc bellum, supplicium pendentes ob cædem à Romulo in fratrem admissam. *Acerba fata*, dij irati. *Agunt*, persequuntur Romanos. Hæc autem infert, quasi ipsis tacentibus intelligeret belli ciuilis originem inde in nepotes tractam, quòd occiso fratre Romulus parricidiū perpetravit: vnde, Fraternali primi maduerunt sanguine muri. *Vt*, postquam. *Immerentis*, innoxij. *Nepotibus*, posteris. *Sacer*, execrabilis.

CRVQVIVS.

Sceleſti. Scelus est contra ius & æquum admissum facinus. *Sceleſti* itaque, quòd & impij sint in patriam, & sibi mutuis cædibus iniqui. *Descenderet sacra catenatus via*. Sacra via dicta est quòd per eam sacra quotquot mensibus ferrentur in arcem, aut quòd in ea fœdus ictum sit inter Romulum & Tatium Regem. Hæc initium habuit à carinis, Sireniasque sacello, protensa per comitium forumque Romanum ad Capitolium, habens à dextris templum Pacis, à sinistris verò Solis & Lunæ templa. vide Marlianum in vrbis Romæ topographiæ lib. 3. cap. 8. *Indispar feris*. Nugator Porphyrio legit hic, indispar, pro indispaliter, nomen pro aduerbio, nec dissentiunt ab illo adnotationes manuscriptæ; sic enim habent, Non fuit iste mos vnquam lupis aut leo-

leonibus, nisi feris indispas, id est, indispasiter, hoc
 t, quas natura indispasiter creauit: Sed ineptum il-
 d seculum non tantum admiror errasse, quantum eu-
 i à paucis hinc annis hæc scripta vulgauerit, Por-
 yrrionis nomine, nisi similes etiam habuerint labra
 tucæ, ut fertur. Quanto rectius & Commentator,
 Glareanus, & post hos Lamb. doctissime exponunt,
 si feris in dispas, genus seu animal. *Furor ne cæcus.* qui
 s cæcutire facit. In eadem sententia dubius est Ci-
 ro, multis in locis, potissimum pro Marcello, nimi-
 m quæ possit esse causa tanti & tam diuturni furo-
 s ciuili: Etsi aliqua culpa, inquit, tenemur erroris hu-
 ani, à scelere certè liberati sumus. ambigit enim vo-
 tne furorem illum ciuium Roman. culpam an erro-
 m, ignoracionemne, an fatum, *Sic est.* ingeniosa sub-
 ctio, qua vitandi odij causa transfert hanc culpam à
 uibus Romanis in eadem Remi innocentis.

In animum libidinosum Epodos

Iambica 8.

ogare longo putidam te seculo
 Vireis quid enervet meas?
 um sit tibi deus ater, & rugis vetus
 Frontem senectus exaret:
 Tietq, turpis inter aridas nates
 Podex velut cruda bouis?
 d incitat me pectus, & mammae putres,
 Equina quales vbera:
 enterq, mollis, & semur tumentibus
 Exile furis additum.
 to beata: funus atq, imagines

Ducant

Ducant triumphaleis tuum:
Nec sit marita quæ rotundioribus
Onusta pacis ambulet.
Quid? quod libelli Stoici inter sericos
facere puluillos amant?
Inliterati num minus nervi rigent?
Minusne languet fascinum?
Quod ut superbo prouoces ab inguine,
Ore adlaborandum est tibi?

COMMENTATOR.

SCRIBIT in anum libidinosam, quam aspernatur, quoniam querebatur eum circa se lentum esse in venere, & frigidioris virtutis. *Rogare*. subaudiendū, mirum est. cuius hic est sensus: Cum sis longæ ætatis & ob id deformis, & putida, mirum est te meos desiderare amplexus, præsertim cum sine iniuria virium meorum hoc tibi præstare non possim. *Putidam*: fœtentē. *Longo seculo*, ætate longa. *Eneruet*, debilitet nervos, & non delectet. *Ater*. niger præ senectute. *Exaret*, id est, rugis tanquā sulcis, proscindat: ut Virg. obscenam frōtem rugis arat. *Hietq;*. dehiscat, pateat. *Podex*. anus, pars corporis posterior pudenda. Iuuenal. sed pedice lēui. *Cruda*. indomitæ, vel vetulæ. *Sed incitat*. prouocat ad amorem. ironicòs, quasi minime incitat. *Putres*, putidæ, laxæ, resolutæ malitia. *Quales*, pro qualia, more Græco, relicto scilicet proximo, vbera, transit ad mammas quod remotius est. *Ventèrque mollis*. mollem ventrem necesse est esse cute iam rugosa, vel maximè in aniculis. *femur*. femur ea pars est corporis quæ protenditur a renibus vsque ad genua: hic autē pro coxis ponitur. *Coxæ*, inquit, tuæ exiles adiunctæ sunt inflatis tibijs.

s. *Exile*. gracile. *Tumentibus suris additum*. eleganter
 cit additum, quasi applicitum & appositum sit, non
 um: quia nihil deformius est, quàm pedes genibus,
 femore crassiores. *Esto beata*. diues: vt, Nescias an te
 nerum beati Phillidis flauæ decorent parentes. *Ima-*
ges triumphales. nobilium parentum, quorum facta
 eclara publicè nota erant. Solebant enim in funere
 bilissimi cuiusque imagines maiorum præferri ad
 tentationem nobilitatis, quod adhuc obseruari vide-
 us in funeribus principum virorum. Videtur laten-
 illi exprobrare intèpestiuos amores, præcipuè quòd
 orti esset proxima. *Ducant*, præcedant. *Marita* mari-
 ta: nulla, inquit, sit cõiunx quæ te sit gémis ornatior.
tundioribus. perfectioribus & pretiosioribus. *Bacis*.
 mmis, lapillis. Bacæ enim sunt vniones seu peruli. vt,
 lloque monile bacatũ. *Quid? quod libelli*. Solita erat
 ec libros Philosophorum etiam in lectis repositos
 bere ad tegendam libidinem, vt adueniente amatore
 nularer se philosophiæ studere non libidini. *Quid*
 odest, inquit, ostentare te literatam esse, cùm nihil te
 oc adiuuare posset ad incendendam libidinem viri, id
 t, ad arrigendũ penem, qui literas nescit, nec earum
 idium habet. *Puluillos* ceruicalia, quæ ceruicibus sup-
 nuntur. diminutiũ est à puluinus; hic autẽ puluilli
 nt lecti. *Amant* solent. *Inliterati nerui*. id est, penes
 literatorum hominum. Neruos enim pro mēbro vi-
 i posuit. Quare, inquit, adhibes libros lectulis tuis?
 inquit illiterati homines minus feruēt amore quàm
 erati? an ideo libros habes, vt homines cogas amare?
 onicos. *Minus rigent*, torpent, frigidi sunt. *Fascinum*,
 ile membrum quod fascia tegi solet, siue campestri-
 s. *Quod*, fascinum. *superbo*, fastidiente. *Pronoces*,
 paratum

paratum facias ad coitum. *Ore.* blandimētis, aut lingua
& nefarijs osculis, alioqui non poterit alius libidō
prouocari in te, quia nimis es deformis & rugosa.

CERVIVS.

FASCINUM, virile membrum appellatur, pro-
pterea quòd puerorum collis appensum fascinum ar-
cere olim creditum est. Varro, Pueris, inquit, turpi-
cula res in collo quædam suspenditur, ne quid obsit,
bonæ scenæ caussa. Quin & Fascinus, deus erat, fasci-
ni depulso. Fascinus, inquit Plinius, imperatorū quo-
que, non solum infantium custos, qui deus inter sa-
cra Romana à Vestalibus colitur, & curus triumphan-
tiū sub his pendens defendit medicos inuidiæ, iubetq;
eosdem recipere. Adde quòd & hortos & fores contra
inuidientium effascinationes dicare, vt Plinius quoque
refert, solebant, proq; remedio satyrica erāt signa. nam
& satyrion inuidiā depellere putabatur: quæ enim tur-
pia erāt & ridicula, ad auertendū illam pestem accōmo-
data existimabantur, obtatu & aspectu inuidētium ex-
obscœnitate & miraculo turpitudinis euocatis, vt scri-
bit Plutarch. Porro tenere, quàm adultiori ætati magis
nocere creditur. Virg. Nescio quis teneros oculus mihi
fascinet agnos. facilius enim mali sensus & noxa oculo
inferebatur, & intuitui quē *ὀφθαλμὸν βλάσανον* Plutar-
ch. nominauit. Causam huius & ipse & Alexander Aphro-
disæus quærunt. Scribit autem Plinius fuisse in Africa,
effascinantium familias, quarum laudatione interibant
probata; (sic enim ipse Græcè nominat, oues pecudesq;
intelligens) aresebāt arbores, infantes emoriebantur,
scribit item Plinius fuisse in Triballis & Illyrijs, fuisse
quoque in Ponto Thebios. (sic enim in ipso legendum

Adria-

drianus Turnebus aduersariorum lib. 9. ca. 28. tom
ioris, ex Plutarcho & Stephano annotauit) qui visu
fascinarent & interimerent, quos diutiùs intueretur,
culis præcipuè iratis: atque binas in singulis oculis
buisse pupillas. Lactantius Cuninam memorat
eam, quæ fascinum in cunis vagientium intuitu sub-
ouebat.

*Ad Macenatem votis designat victoriam Caesaris
aduersus Anton. & Cleopatram,
Epodos jambica 9.*

quando repostum Cacubum ad festas dapes
Victore letus Casare,
cum sub alta (sic Ioui gratum) domo
Beate Macenas, bibam,
nante mistum tibijs carmen lyra,
Hac Dorium, illis Barbarum?
nuper, actus cum freto Neptunius
Dux fugit vstu nauibus,
Minatus vrbi vincla, qua detraxerat
Seruis amicus perfidis.
manus (eheu) posterì negabitis,
Emancipatus scæminæ,
t vallum, & arma miles: & spadonibus
Seruire rugosis potest:
erq; signa turpe militaria
Sol afficit conopeum.
huc frementeis verterunt bis mille equos
Galli canentes Casarem.
stiliūq; nauium in portu latens
Puppes sinistrorsum cita.

Io triuna-

Io triumphe, tu moraris aureos
 Currus & intactas boves.
 Io triumphe, nec Iugurthino parem
 Bello reportasti ducem,
 Neque Africano: cui super Carthaginem
 Virtus sepulchrum condidit.
 Terra marique victus hostis, Punico
 Lugubre mutavit sagum:
 Aut ille centum nobilem Cretam urbibus
 Ventis iturus non suis,
 Exercitatas aut petis Syrteis Notos:
 Aut fertur incerto mari.
 Capaciores affer huc, puer, scyphos,
 Et Chia vina aut Lesbica:
 Vel quod fluentem nauseam coerceat,
 Metire nobis Cacubum.
 Curam metumque Caesaris rerum iuuat
 Dulci lyco soluere.

COMMENTATOR.

INVITAT Mæcenatē ad conuiuium, vt iterum lati
 sint ob victoriā Augusti de Antonio & Cleopatra apud
 Actium Epyri promōtorium, quemadmodū antea fue-
 rant ob illius victoriam de Sex. Pompeio Cn. Pompeij
 filio nauali pugna victo & fugato. *Quando* interroga-
 tio. *Repositum*. repositum, ad hoc reservatum, vt non ni-
 si ad festas epulas proferatur. *Cacubum*. vinum a loco,
 sicut & falernum. *Victore*. quod ad Actium Antoniū
 & Cleopatram superauerat. sic Ioui *gratum*. parenthe-
 sis. probat hoc Iupiter, qui auctor est victoriæ. *alta do-
 mo*. Mæcenatis. *Mixtum*. propter victorias Cæsaris &
 hostium cladeis. *Hac*, lyra. *Dorium*, prosperum pro-
 pter

er felicem Cæsaris successum. *Illis*, tibijs. *Barbarum*,
 Phrygiū, inimicis infestum & fendale . dicit itaq, lyra se
 nere velle gesta Cæsaris, & victoriam Actiacā : tibijs
 rem Antonium superatum fugatumq; cum Ægyp-
 s & barbaris alijs nationibus . hic notandum est mo-
 os musicos esse septem, Dorium, Hypodorium, Phry-
 um, Hypophrygium, Lydium, Hypolydium, Mixo-
 dium, à nationibus scilicet Doribus qui Græci sunt,
 ydijs, & Phrygibus, qui sunt Barbari. *ut nuper*, sub-
 adi, tecum bibi, cū Sept. Pompeius Cn. Pompeij
 ius in Siculo mari piraticam exercēs, nauali prælio à
 æfare victus fugatusque est. *Ætus*. coactus . *Freto Si-*
liæ . *Neptunius* . Sex. Pompeius, qui se filium dice-
 at esse Neptuni, ut ait Liuius, elatus rerum mari gesta-
 um felicitate; quare in habitu Neptuni, veste nimirū
 ranea, contra hosteis pugnabat. *vestis nauibus*, ab Au-
 gusto . *Minatus*, quondam. *Urbi*, Romæ. *Vincla*, serui-
 tem . *Qua detraxerat* . Nam ergastulis Siculorum
 lutis, asyloque facto, omneis qui ad se fugerant scele-
 tos secum duxit ad nauale certamen, tanta arrogan-
 a ut vinctis oblatos compedes minaretur Romanis
 uibus. *Romanus*. Ad comparisonem præsentis læti-
 tæ, mentione facta Sext. Pompeij & fugæ eius, redit
 id quod cœperat, prosequens turpitudinem Anto-
 nij & suarū partium. *Eheu*, exclamatio pathetica, quasi
 icat, Quantum hoc est nefas ! Quanta hæc turpitu-
 o ! Antonium principem virum Romanum seruire
 Cleopatæ Aegyptiæ ! Quanta infamia Romano no-
 mini, nobiles & milites Romanos Antonium sequu-
 os dotaleis Cleopatæ ab Antonio datos, seruire spa-
 onibus rugosis, id est, eunuchis Ægyptijs ! Non cre-
 ent, inquit, hæc posteri: tam sunt fœda, ut nō videan-

tur ab vlllo Romano admitti potuisse. *Negabit*, quod sum dicturus. *Emancipatus*, Antea liber, nunc sua spōte traditus & factus seruus. *fœmina*, Cleopatrar. *fert vallū*, .i. papiliones, munimentū castrorum, terrā & palos ad vallū conficiendum. *Spadonibus seruire rugosis potest*. hæc verba ita pronuncia, vt indignitatem rei exprimas. *Rugosis*, euiratis, qui vbi virilitatē perdiderunt, rugosi efficiuntur. *Turpe*. aut per exclamationē legendum. vt hic sit sensus, Turpe, hoc est, res est turpis, quòd castra Antonij comitantur fœminæ, quod est illicitū: Aut, turpe, est, epitheton conopei, quia illud non conuenit castris, neq; militibus, sed thalamis & fœminis, quod vt magis detestetur, dicit solem hoc aspicere. .i. palām cunctis publicè deportari, & videri. *Conopeū*. genus est retis ad muscas & culices abigendos, quo Alexādrini potissimū vtuntur, propter culicū illic abundantiam. Hic autē accipitur pro omnibus delitijs & mūdo Cleopatrar. *κωνώπεις*, autē culices dicuntur. hinc *κωνώπεια* vela ad arcendos culices. *At huc fremēteis*. significat duo milia equitū Gallorum ab Antonio ad Augustū defecisse. Ordo est, At Galli canentis Cēsarem, id est, laudantes, verterūt huc, id est, ad nos transtulerūt bis mille equos frementeis. *Galli*. Gallos ideo commemorat, vt pudore pulset animos Romanorum, qui passi sunt seruitute se subijci spadonibus, quod Galli sunt dedignati. *Canentes*. vt, regemq; canebant. *Sinistrorsum*. hoc quasi augurium fuit victurum Augustum; quòd naues Antonij starent obuersæ mari, spectantes in sinistram partē: contrā naues Augusti aduersæ in dextram. Nam in litore Epyri vbi pugna naualis cum Antonio fuit, si Italiam petis, in dexterā incedas necesse est; si Alexandriā, in sinistrā. *Sinistrorsum*. versus Alexandriā. *Cita*. celeres, & ad

& ad fugiendū paratæ. vt, Prima citæ Teucris ponā cer-
 tamina classis. *Io triumphe*. alloquitur triumphū, ru, in-
 quit, remoraris victoriā; nam si voles Antonū cum Au-
 gusto congregi vt pugnent cominus, iā parta est nobis
 victoria. *Io triūphe*, vox est acclamantiū militū. *Intactas*,
 indomitas, nōdum sub iugū missas, & paratas ad sacri-
 ficiū. vt, & intacta totidē ceruice iuuenças. A trium-
 phantibus bos alba & indomita in capitolio immolari
 solebat. *Parem*. Augusto. *Ducē*, Mariū dicit qui septies
 Cōsul clarissimū de Iugurtha triumphum deportauit.
 Nō tantā, inquit, gloria C. Marius triumphauit de Lu-
 gurtha Afrorum duce, neq; etiā Scipio Aphr. de Afris,
 quos vicit atq; subegit, quanta Augustus de Antonio.
 Itaq; Cæsare & Mario & Scipioni Africano præponit.
Neq; Africano. triumpho reportasti parē Augusto ducē.
 P. Corneliū, Scip. Africanum maiorem intelligit. *Cui*,
 Scipioni. *super Carthaginē*. victoriam Carthaginis. *Vir-*
tus, sua. *sepulcrū*, æternam memoriā laudis. Sepulcrum
 aut hoc loco non pro sepultura ponitur, sed pro æterna
 memoria & laude. Neq; enim Scipio, conditus est in
 prædecessorū Consulū sepulcris, sed cū victor redi-
 ret ab Africa, neq; eum Romanus pop. recipere vellet
 ob inuidiā; ille reuersus est in priuatū agrū Linterni,
 vbi tāquā à Romanis in exilio positus vixit: quare ius-
 sit in tumulo suo scribi quod patria careret sepultura.
 Videtur etiā tangere historiā in qua scriptū est ex oracu-
 lo ad cōpescēdos Afros, debere sepulcrū Scipioni Afri-
 cano ita cōstitui, vt Africā intueretur; hoc autē monitu
 deorū positum est inter Hostia & portum. *Terra mariq;*
terrestri naualiq; prælio. *Victus*, à Cæsare. *Hostis*, Anto-
 nius. *Punico lugubre mutauit*. i. deposito puniceo, hoc est,
 hyacinthino, aut Pario, coccineoue sago: lugubre,

id est, luridum & nigrum, luctuque & fuga dignum
 sumpsit. Romani enim milites in bellum euntes coc-
 cineis sagis utebantur, ut ne quis vulneratus, cruore-
 que suo respersus, terrorem incuteret socijs, nam coc-
 cineus color cruori similis est. Itaque dum Antonius
 fugeret, ne agnosceretur, deposuit coccineam, & ni-
 gram chlamydē indutus est. *Centum nobilem Cretam.*
 unde Creta dicta est *ἐκατόνπολις*, id est, centum ciuita-
 tum. ut: Centum vrbes habitāt magnas huberrima re-
 gna. *Non suis*, nō prosperis, sed aduersis, & contrarijs.
 ut, Contra ferunt sua flamina classē. unde non suis
 ventis nauigat, aut vadit is, qui non pergit ad loca de-
 stinata, sed fertur arbitrio ventorum. *Exercitatas*, tem-
 pestate commotas. *Petit*, fugiens. *Syrteis*, loca sunt in
 mari arenosa & vadosa. *Notō*, vento. *Aut fertur incerto*
mari. hypallage, id est, ipse incertus quo nauiget: Ita,
 inquit, victus est, & consternatus animo, ut prorsus ne-
 sciret quo fugeret, versus Cretam ne an ad Syrteis, sic
 errat ventis impeditus. *Capaciores*, maiores, grandio-
 res, qui multum capiunt. mandat puero propter lāti-
 tiam triumphi Augusti, ut vinum amplius solito mi-
 sceat. *Chia*. à loco Chium vinum. *Lesbia*, Lesbium vi-
 num à Lesbo insula. *fluentem nauseam*, fluens phlegma;
 nam ex nausea multum humoris, & phlegmatis fluere
 solet. potest etiam hic pro fastidio intelligi, ex nimia
 mora triumphi. *Metire*, misce, profer, hauri ex crate-
 re, & quod vulgò dicitur, mensura. *Cacubum*, quod
 epotatum restringere solet fluxum phlegmatis. *Curam*
metūque Cæsaris. quæ ante euentum pugnae sustinui-
 iuuat, inquit, nunc relaxare vino optimo sollicitudi-
 nem, & metum, propter incertum belli euentum. ut,
 nunc vino pellite curas.

CRVQVIVS.

HAC *Dorium* illis *Barbarum*. Barbarum, inquit, Commentator, id est, Phrygium, inimicis infestum & feralè: verùm hæc additio, nempe inimicis infestum ac feralè, vt hoc loco parum Phrygijs apta modis est, ita nec cominodè barbarum carmen hic Phrygium reddi potest. Quod priusquam ostendamus, de modis siue tropis antiquis nonnihil differamus, quos Commentator septem numerat conflatos ex Græcis & Barbaris, nimirum *Dorium*, *Hypodorium*, *Phrygium*, *Hypophrygium*, *Lydium*, *Hypolydium*, *Mixolydium*, quem postremum ego reposui illius loco, quem in annotationibus, *Hyperlydium* scriptum repperi, classificis, vt arbitror, prorsus incognitum, sed ab ἀναρμόσις imperitè positum, quibus certè quod patrocinetur suo more, in concentibus, eorumque nominibus malè aptandis, ipsa διαφωνία, aliquo modo ignoscendū arbitror: verùm quod ἐναρμονίων μέλων δίδασκτοι à veteribus modis, aut nonnihil discedant, aut eos absurdè in alienam naturam detorqueant huiusmodi ἀμύσων gratia; nulla id certè venia dignum putarem, nisi docti ferè omnes vnanimi studio in id incumbere videtentur, vt religione quadam & veneratione doctrinæ (quæ immortalitati sacra est) etiam virorum doctorum nomina ab omni errore libera posteritati tradant. Quod potissimum fieri compertum habemus in Donato, Seruio, Porphyrione, Acrone, ceterisque primi nominis grammaticis, quorum commentarios malè sana barbaries conspurcavit, vt nisi ipsi auctores aliquando reuiuiscant, non crediderim vnquam illam spurcitiem elui posse. Quare ad vnum omneis doctos obtestatos velim, in vindicandis ab omni iniuria doctis nominibus, vt ma-

gno delectu vtantur, ne dum assumptum aliquod vel
 adulterinum nomen temerè turentur, ipsi in reprehensionem non minimā incidant. Quid enim aliud, quàm
 Porphyriionis nomen multis viris doctis imposuit?
 quàm multos Acron subdititius in errorē induxit? Sed
 quæ Glareano viro alioquin *εναρμονικοτάτω*, alia causā
 fuit, vt hoc loco in suis adnotationibus Lydium modū
 in Ionicum intelligendum diceret, atq; Porphyriionem
 vulgari more loquutum? Profectò tanti non debuit
 esse tanto viro ille Porphyrio insulsus, qualem ipsemet
 Glareanus, multis in locis suarum adnotationum, esse,
 non obscurè fatetur, vt antiquitus discreta, noua qua-
 dam interpretatione, vna, eademque faceret, aut alterū
 fingeret, in altero quæ generis sunt, non eiusdem con-
 tineri, diuersa certè misceri quidem posse arbitror, at
 illa fieri eadem non arbitror. Quis enim Græcos mo-
 dos pro tribus omnino Græciæ nationibus (vt ex He-
 racilda Athenæus li. 14. scriptum reliquit) tres nō fate-
 tur, Dorium, Aeolium, Ionium? Quis item barbaros
 reijcit Asianum, Phrygium, Lydium, hos posteriores,
 illos priores? verū Græcos barbaros dicere, & con-
 tra, aut eosdem esse modos, vtriusque gentis, hominis
 arbitror non omnino sani. Atqui ex his inter se com-
 mixtis, musicam harmoniam constare, nemo vel me-
 diocriter eius artis peritus facilè neget; id enim & res
 ipsa probat & modorum nomina ista, Dorium, Phry-
 gium, Lydium, ex quibus cum subordinatis, Hypodo-
 rio, Hypophrygio, Hypolydio cum Mixolydio com-
 positi sunt *διὰ πάντων*, modi omnes musici, Chromati-
 ci, Enarmonici, & Diatonici, de quibus plura scribe-
 re superfedebimus, quia non est huius loci, modos
 amplius tractare Harmonicos. Quam ob rem ad insti-
 tutum

tutum recurrat oratio, & quo ad eius fieri potest ostendamus, per barbarum carmen non aptè intelligi, aut Phrygium aut Lydium. Nam barbarum, hîc hostibus est ominosum, infausta omnia, atq; infelicia Antonio comminans, nimirum, metum, fugam, desperationem, perniciem. At Phrygium nihil canit huiusmodi, quum sit religiosum diuinumq; & numine quodam mentes permoueat, vt scribit Arist. 8. Politicon. δοκεῖ ποιεῖν, ἔφη, ἐνθουσιαστικούς, ἢ φρυγισί: cui concinit Lucianus in Harmonide. καὶ ἐκάστης ἀρμονίας διαφυλάττειν τὸ ἴδιον. τῆς φρυγίης τὸ ἐνδοιον, τῆς λυδίας βακχικόν, τῆς δωρίης τὸ σπεινόν, &c. Cassiodorus de his modulis epistolar. lib. 2. Phrygius, inquit, pugnas excitat & votū furoris inflamat. Quare cū hic Horatius non bellicos furores Antonij, sed eius fugam, trepidationemq; canere velit, non putarim barbarum hic appositè exponi posse Phrygium, neque ob eandem causam Lydium, qui Bacchicus est & molliis, contraq; nimias animi curas tædiæq; repertus, vt ait Cassiod. Qua de causâ ego illum libentius, mixolydium interpretarer, qui auditores grauiore efficit animo, contractioreq; Aristotele teste qui Politicon octauo, inquit, πρὸς μὲν ἐνίας ὀδυρτικωτέρως καὶ σιωπηρότεως μᾶλλον, οἷόν, πρὸς τὴν μεξολυδισὶ καλουμένην. nec ab Aristotele dissentit Plutarchus qui in sua musica Mixolydius, inquit, concentus affectibus est refertus & Tragædijs aptus. Reperisse eum Sappho Aristoxenus prodidit, ab ipsaq; Tragicos didicisse, qui postea coniungere Mixolydios modos cum Dorijs, quorum alteri maiestatem, atq; auctoritatem, alteri affectus afferunt, ex vtrisque enim commixta est Tragædia, &c. Quæ verba Dorijs modis, Romanis quidem accinunt victoriam, Antonio verò Mixolydijs perturbationes.

Quin etiam (vt taceam hoc Horatij vocabulum mistum, quod non paruo alicui argumento esse potest huius opinionis asserendæ) facilè quis dixerit poetam hic exhibere imaginem veræ Tragædiæ, vbi primum pompam Cleopatrar & conopeum cum Antonio ad bellum progredi non sine magna spe & lætitia victoriæ iam quasi certæ, deinde illius incertam fugam cum magno tremore, & formidine, quasi ob oculos ponit. *Tibys*. de vario tiliarum vsu dicemus in commentarijs de arte poetica. *Emancipatus fœmina*. Emancipare autem est, è suo mancipio, id est, dominio, seu potestate emittere, & alteri possidendum permittere. Mancipare autem alteram tantum vim habet, nimirum mancipio alicui dare, vt ait Budæus, sed hæc propriè rerum sunt, quæ manu dari & accipi solent: transfertur autem ad eam emancipationem quæ est personarum; quemadmodum ait Feltus, Emancipati duobus modis intelliguntur, aut ij qui ex patris iure exierunt: aut ij qui aliorum fiunt dominij, quorum vtrunque fit mancipatio. Ita Romanus miles hic dicitur emancipatus fœminæ Cleopatrar, id est, sua sponte traditus, vt ait Commentator. hæc interpretatio satis aperta est, & verbis Horatij consentanea: Attamen quam in annotationibus scriptis aliam inueni, nolui cælare lectorem, quod & ingenij non nihil præ se ferat, nec aliena sit à proposito. Ordo est, inquit, Eheu posteri negabitis quod Romanus miles emancipatus, id est liber, & ingenuus tulit quondam vallum, id est, papiliones, & arma fœminæ, id est, mollitiem omnem cum conopeo, & præterea potest seruire spadonibus rugosis. Emancipati autem dicuntur liberi, quasi ab omni conditione mancipiorum remoti; Mancipia verò dicuntur qui in prælia manu-

manu capti in seruitutem rediguntur : sicut serui à seruando, quòd in prælijs seruati & à morte liberati sint. hæcenus annotationes scriptæ. *Spadonibus.* Spadones impuditiæ morbo erant infames, quos Cleopatra habuit plurimos. *At huc verterunt.* hæc verba habet codex Carrio. & vnus codex Bland. manuscriptus expressè: alij tres habent, *At hunc: alias, At huc.* quam notam sequutus sum tanquam magis appositam atque consentientem scriptis annotationibus. *Sinistrorsum.* hoc præter proprium significatum, notat infortunium & fugam Antonij, nam sinistra ominosa sunt. *Citæ.* duo codices habent *Sitæ*, id est, ad sinistram partem motæ; nam Antonius qui cum suis ab Aegypto venerat, sic nauis suas locauerat, vt facilis pateret fuga. Verùm ego priorem lectionem seruauì, quòd altera non careret litura. *Intactas boues.* In omnibus sacris hoc à gentilibus notatum, & ferè obseruatum fuit, fœminini generis victimas potiores fuisse: Itaque si per marem litari nō poterat, fœmina succidanea dabatur, nō contrā. nam si per fœminam hostiam minimè perlitatum foret, succidaneam adhiberi non licebat, præterquàm apud Aegyptios & Derbices Persicam gentem, quibus immolare fœminam est habitum nefas. Insuper hic non est prætermittendum, Romanos consueuisse, pro rebus quas citò expediri cuperent, ætate grandioribus hostijs; vbi verò rem augere vellent & produci, iuniori victimà sacrificare: Nam id ipsum innuere videtur Horatius, ægrè ferens triumphì cunctationem, quem dicit remorari currus triumphales, & boues intactas, id est, iuniores, quæ nondum per iugum domitæ fuissent, vt habet Commentator. *Neque.* de hoc sepulcro quod Linterni est, Aphricani illius prioris, vide Strabonem

libr. 5. *Africano*. Badius, inquit Glareanus, legit hic *Aphricanum*, expeditius quidem, sed durius; fit enim, inquit, comparatio Ducum, non vrbis ad ducem, quod opus erit si legatur, *Aphricano*, in quo necesse est per repetitionem intelligi, bello, cui, inquit, ineptè subijcitur, hoc modo: cui bello virtus Romanorum condidit sepulcrum super Carthaginem, &c. verùm vir ille prouocabulum, Cui, non animaduertit referre Ducem: non etiam bello, vt sit sententia: Cui Duci virtus Romanorum, &c. deceptus lectione Badij. *Lugubre mutauit sagum*. Orosius lib. 5. cap. 18. Senatus sagum, inquit, id est vestem mœroris, quam exorto sociali bello sumserat, hac spe arridente deposuit atque antiquum togæ decorem recuperauit. Nemo sibi persuadeat, si post Bayfium de Sago scribam me velle Herculi extorquere clauam. Nam tantùm abest vt illius viri doctissimi scripta velim esse mea, vt me illi firmiora sua reddere, atque illustriora existimem, si quæ ab illo diffusius memoriæ prodita sunt, aliquanto certius contractiusque ordinem, ac veluti in tabella spectanda depingam. Eodem certè, quo ille, studio ducor, nimirum vt literarum symmistis mea opera prosim. Quod si nõ assequar, non eò conatus minus promptus ad id, atque honestus fuerit. Saltem id præstitero, si nihil aliud, vt studiosis animos addam ad ea rectius disquirèda si quæ à me prætermisâ viderint. Sagum autem vestem militarem fuisse omnibus in confesso est. At eius duo fuisse genera non omnibus arbitror ita definitum: Alterum enim crassum duplex erat & densè villosum & commune, ἡ δὲ σφαιρωπικὴ Plutarcho, vt opinor, in Galba nominatum, quod idem scribit in Tiberio, Lege militari C. Gracchi militibus publico sumptu datum, sine

sine vlla diminutione stipendij militaris . Alterum autem tenuissimum, simplex, molle, & delicatum, nonnunquam leniter villosum, imperatorum superindumentum, album vel purpureum seu puniceum, vt scriptum reliquit Valerius libro primo de Crasso loquens, id paludamentum nominans proprio vocabulo. hoc autem ipsum mutauit Antonius in fuga cum sago lugubri, id est, communi, quod quidem illi lugubre fuit, non tam quod esset nigrum seu pullum (quale tradit Valerius Crasso traditum contra Parthos) quam quod illi quasi ob oculos poneret mutata fortunam, & exitium præsens . Hic si quis hanc Sagi distinctionem, in Sagum commune, quod propriè Sagum dicitur nomine generico, suæ formæ, seu vt philosophicos loquar, speciei accommodato : quo fieri necesse est, teste Aristotele, vbi forma propria voce caret, & in Sagum quod paludamentum nominatur : Si quis, inquam, hoc quasi nouum commentum, aut verius somnium aliquod explodendum clamitet ; quod neque vt res aut rerum formæ, ita, nec illarum signa possint nobis esse cognita. Primum contra hunc, vt aliam contentionem præteream, mihi patrocinio erit hoc Martialis lib. 6. epigram. 11.

Te Cadmea Tyros, me pinguis Gallia nutrit.

Vis te purpureum, Marse, sagatus anem?

Vt præstem Pyladen, aliquis mihi præstet Orestem,

Hoc non fit verbis : Marce vt ameris, ama.

Quis hic vtrumque non videt, & purpureum denotari paludamentum, & Sagum commune? Deinde non sinent me Græci temerè iniuria affici, quibus Sagum commune *χλαῖνα παχὴ καὶ διπλὴ* nominatur, ἀπὸ τοῦ χλαίρειν, quod pro tempore sumitur ad frigus, pluuiamque,

pluuiamque, & ventos propellendos. vnde Adagium natum est in eos, qui non suo tempore, rebus vtuntur necessarijs, ἐν δέρεϊ τὴν χλαῖναν κατατρίβεις. hoc est, æstate penulam deteris, interprete Erasmo (forsitan impropiè) quia penula ferè viatoria erat, qua utebantur & viri & fœminæ. Alij lænam reddunt. Mihi certè Sagum magis congruum apparet; nam hoc etiam, extra militiam, aliquando indumentum erat familiare, Vlpiano auctore, in De auro & argento legato. Postremò quòd altera Sagi forma fuerit insigne imperatorum & ducū, Græcis χλαμύς, aut potius χλαρίς, Polluci ἱμάτιον λεπτὸν, mecum fatebitur qui excusserit hæc Athenæi verba. 5. lib. πρῶτοι μὲν, ἔφη, οἱ τὸν ὄχλον ἀνειργόντες σελήνοϊ πορφύρεας χλαρίδας, οἱ δὲ φοινικίδας ἡμφιεσμένοι, id est, Sileni, qui primi turbam coercuerūt, alij quidem purpurea saga, alij verò punicea induti fuere. In eandem sententiam apud Aeschinem, ait Thomas magister legi, χλαρίσκιον. εἰ γὰρ τις σὺ τὰ κομτὰ ταῦτα χλαρίσκια περιλόμενος. Si quis enim tua ornata hæc sagula abstulerit. Multa liceret adducere alia argumenta ad hanc rem; verùm ne cui sim tædio mea prolixitate, satius esse duxi paucis placere quàm displicere pluribus. *Syrteis*. De situ & amplitudine Syrtium maioris nempe, & minoris, vide Strabonem lib. 17. & Orosium lib. 1. C. Iulius Solinus Polyhist. cap. 40. Varro, inquit, auctor est perflabilē ibi terram ventis penetratibus, subitam vim spiritus citissimi, aut reuomere maria, aut resorbere, &c. ipsum autem nomen à Græco verbo σύρειν deducitur, quod trahere significat. Pomponius Mela lib. 1. cap. 7. Syrti, ait, sinus est centum ferè millia passuum, quàm mare accipit patens, trecenta quàm cingitur, &c. *Cacubum*. Cæcubum vinum & Setinum vtile dicebatur concoctiōni

tioni ciborum, quorum cruditas generat nauseam, Albanum neruis, Surrentinum capiti & stomacho, Sigininum profluuiio ventris, Falernum à decimoquinto anno mediam ætatem habebat, corpori saluberrimum, utile tussi, aluum sistebat, & corpus alebat. *Dulci lyco solvere.* ἐξ ἀντιτύων. contraria namque contrariorum sunt remedia: nam vt metus curaq; animum constringunt; ita eundem soluit Lyæus, ἐτυμολογικῶς ἀπὸ τῆς λύειν, quod est soluere, nominatus.

*In Mauium poetam, quem deuouet horrendis
tempestatibus, Iambica Epodos 10.*

*Mala soluta naui exit alite,
Ferens olentem Mauium:
Ut horridis utrumque verberes latus,
Auster memento fluctibus.
Niger rudentes Euris inuerso mari,
Fractosque remos differat.
Insurgat Aquilo, quantus altis montibus
Frangit trementeis ilices.
Nec sidus atra nocte amicum appareat;
Qua tristis Orion cadit.
Quietiore nec feratur equore,
Quàm Graia victorum manus:
Cum Pallas vsto vertit iram ab Ilis
In impiam Aiæcis ratem.
O, quantus instat nauitis sudor tuis,
Tibiq; pallor luteus,
Et illa non virilis eiulatio,
Preces & auersum ad Iouem:
Ionius vdo cum remugiens sinu
Notus carinam ruperit.*

Opima

Opima quod si prada curuo littore

Porrecta mergos iuuctis:

Libidinosus immolabitur caper,

Et agna tempestatibus.

COMMENTATOR.

PROFECTURO & in trāsmarina fortasse migraturo malè imprecatur Mænio, eiq; auguriū vult esse cōtrarium, vt medijs intercipiatur fluctibus. Mænius autem poeta fuit inimicus Horatij, obtrektor certè omnium virorum doctorū, ipse sectator vocum antiquarum, de quo Virg. Qui Bauium nō odit, amet tua carmina Mæui. hunc ergo execratur prosequiturq; diris execrationibus, coniurans tēpestates & ventos, vt nauē eius opprimant in medijs fluctibus. *Soluta.* nauis autem solui dicitur, quando de statione vel portu dimittitur. vt, Soluite vela citi. *Mala alite*, malo omine: Alitem fæminino genere protulit, quia malum omē notat. sic mala ducis aui domū. aliàs ferè masculino proferunt poetæ; vt, Qualem ministrum fulminis alitem. & Virg. Namque volens rubra fuluus Iouis ales in æthra. *Olentem*, putidū, turpem, malum poetā, cuius carmina puteant nimia vetustate, vel ipsemet vitio corporis. vt *horridis*, Apostrophe iucunda προσωποποικῶς, quasi præsenti Aūstro præcipiat perniciem Mæuij. *Horridis*. periculosis, crebris, tēpestate crispantibus. *Vtrumq; latus*. nauis qua vehitur Mæuius. *Niger*. tempestatem mouens, tempestuosus. *Rudentes*, funes sunt in nauibus quibus vela panduntur. *Inuerso mari*, perturbato & cōmoto commutatoque. *Differat*, dissoluat & discindat. *In surgat Aquilo*. qui fiat ab alto, & iccirco grauissimas tempestates concitat. *Quantus*, per eclipsim, tantus. *Trementeis*, cōcullos, quia

quia maiori subiacent tempestatī altitudine sui. *Nec si-
 dus atra*. Precatur Horatius, vt, qua nocte Orion occi-
 dit, & mare tempestuosum reddit, nullū aliud signum
 arrideat Mæuiō, vnde possit sperare salutē. *Atra*, nigra,
 obscura, sine lumine Lunæ. vt, nec candida cursum Lu-
 na negat. *Amicum*, prosperum. *Qua*, nocte. *Tristis*, ab ef-
 fectu tempestuosus quia in occasu suo grauissimas ex-
 citat tempestates: vt, nimbosus Orion. *Cadit*, occidit. vt,
 suadentque cadentia sidera somnos. *Quietiore*, leuiore,
 tranquilliore, minus concitato. *Graia*, optat Mæuiō, vt
 non minus tutus sit à naufragio quàm fuere pleriq; du-
 ces Græcorum post excidium Troiæ, quorum alij cū
 ad montem Capharæum appulissent, tempestate in ma-
 re demersi sunt; alij ita deiecti, vt in Græciam redire nō
 possent, excepto Pyrrho qui monente Helena, pedestri
 itinere in patriam est reuersus. Vlysses & Diomedes,
 propter raptum Palladium è templo Mineruæ, diu er-
 rauerunt. Vlysses diu per mare iactatus tandem vix nu-
 dus enatauit: Diomedes, ad Calabriā deiectus est, vbi
 Arpos condidit ciuitatem: Ajax iuxta Capharæum
 montem orta tempestate, ictus est fulmine à Pallade,
 ibique submersus, propter raptam de suo templo Cas-
 sandram suam sacerdotem, Priami filiam. vt, Pallas ne
 exurere classem Argiuū, atque ipsos potuit submer-
 gere ponto, Vnius ob noxam, & furias Aiæcis Oilei?
 Deinde, Illum expirantem transfixo pectore fixit.
Vlto, cremato. *Vertit iram*. odium vertit in Græcos,
 quod prius in Troianos habuerat propter iudicium
 Paridis. *Impiam*, in deos irreligiosam. *O quantus in-
 stat*. Apostrophe poetica ad Mæuiū, fingens nautas
 suos iam laborare, ipsum Mæuiū ciulare, & in pallorē
 cōverti propter tempestatē imminentē, quale est illud

Virgil.

Virgil. Heu quantæ cedes miseris Laurentibus instant!
Nautis. epenthesis pro nautis. *sudor*, metus. *Tuis*, in
 periculo laborantibus. *luteus*, croceus: sic dicimus Au-
 roram luteam. *Non virilis eiulatio*. sed fœminea, nam
 eiulatio est fœminarum, vagitus infantum, clamor &
 gemitus virorum. *Preces*. instant tibi. *Auersum*. du-
 plex lectio est. vel Auerſum, id est, non audientem vo-
 ta tua, vt Auerſa deæ mens. vel *aduerſum*, id est, contra-
 rium, infensum & iratum. *Vdo*, pluuiali, aquoso. *Notus*,
 tempestatem mouens. *Carinam*, nauem, synecdochici-
 cos. *Ruperit*, fregerit, & dissoluerit. *Opima quod si præ-*
da. promittit se tempestatibus sacrificaturum, si Mæuij
 corpus in littore mergos pauerit. *Opima*, pinguis. hinc
 initio dixit putidum, quia superflua caro solet incale-
 scens grauem generare putorem. ipsius itaque corpus
 pingue significat, quod, iam fluctibus marinis putre, in
 littus eiectum marinis auibus præda iaceat. *Porrecta*,
 extenta, exposita. vt, Quamque iacet medium Rhodo-
 pe porrecta sub axem. *Iuueris*, paueris. *Immolabitur*, à
 me. *libidinosus*, lasciuus. *Caper & agna*. animalia polli-
 cetur se immolaturum, pro interitu Mæuij, quæ eius
 affectibus conueniant. Caprum pro libidine & petu-
 lantia, potius quam ratione sacrificij: Agnum propter
 metum, quo significat Mæuium timidum fuisse, & om-
 nino effœminatum. Agna tempestatibus immolari est
 solita, sed non caper. vt, Et tempestatibus agnam Cæ-
 dere deinde iubet.

CRVQVIVS.

MALA alite. Lactantius in illud tertij Thebaidos,
 vt refert Despauterius, Noctis vaga lumina testor, Et
 socios manes, & te mala protinus ales: vult ales fœmi-
 ninum

ninum malum augurium significare, masculinum autē bonum omen : ego certè arbitrarer, poetas, siue inhiabas, siue præpetes alites, vſurpasse fœmininè potius quàm masculinè, nō tam boni vel mali ominis, quàm rei sacrae & religionis gratia, quæ in augurio exerceri, & haberi erat solita, sicuti supra epodo præcedenti notauimus, in sacrificijs antiquitus obseruatum fœminas quàm mares dijs fuisse gratiores. *Olentem Mæuium.*

Quandoquidem Commentator scribit hunc Mæuium antiquarum vocū fuisse sectatorem, ego alteram illius opinionem veram dixerim, puta, Mæuium, tetri odoris notatum animi potius vitio, quàm corporis, primum quod insulsus sit & ineptus poeta : deinde quod libidinosus & petulans vt caper, secundum illud Apulei, Homō sordidus, & hircina libidine fœtens; qua gratia caprum se pollicetur Horatius immolaturum, si medijs fluctibus opprimatur : postremò, quod effœminatus, & timidus vt agna, non habeat aliquid viri aut prudentiæ in rebus suscipiendis, cuius illum insinulat nomine agnæ tempestatibus sacrificandæ. Alteram verò commentatoris sententiam, Mæuium scilicet, olentem dictum vitio corporis, non difficulter dicerem esse supposititiam, ex ea dictione ad finem huius epodi, Opima præda, nam opimum non semper pingue significat, sed etiam gratum, qua in significatione, hoc loco mihi exponendum videtur; nam etiam notat aliquando magnificum & amplum, vt apud Festum, Opima spolia, quæ populi Romani dux duci hostium detraxerat. Nolo tamen hic dicere sudorem, & in obes corporibus incalescentibus, minus olidum esse quàm sit hircus alarum & in macerrimis aliquando, & extenuatis prorsus corpusculis, nā res ipsa, & humana

conuersatio docet vtrōbiq; aliquando inesse pedorem grauiſſimum. *Quantus*. vnus cod. Blandinius hic habet qualis, ſed alia lectio magis conuenit, propter Aquilonis denſitatem, qua altas æquet humo turres, teſtāque rapta ferat: hunc ventū deſcribit Ouidius. 6. *Metamor.* *Atra nocte amicum*. tacita antitheſis inter atrum quod triſte eſt, & infauſtum, & ſidus amicum: Sed omnia precatur aduerſa Mæuiō, cælum, ſidera, ventos, noctem, maria, tempeſtatem, deos denique ipſos, ne euadat naufragium. *Quietiore nec feratur aquore*, id eſt, perturbatiore, per liptotē. verūm æquor perturbari, eſt cōtra etymon, quod ab æqualitate nomen inuenit: atqui quod eſt fretum, hic ſine diſcrimine æquori datur poetis ſcribendi genere familiari. *Pallor luteus*. à luto herba luteus color dictus eſt, qui Calthæ flori reſpōdet. Hinc in Corydone Virg. luteola Caltha: pallor autē luteus, ingratiſ. & mortis propinquæ color eſt, conſtat enim ex fuluo pallidoque nigricantibus maculis, lineolisque immixtis. meminere luti herbæ & Vetruius & Plinius lib. 33. capite de chryſocolla. *Ionius vdo cū remugiens ſinu Notus*. codices Blandiniij in hac lectiōe conſonant, quæ mihi probatior videtur quā vulgata, tum quod hic ventus Notus ex Ionia primariuſ ſit, vehementiſſimè in Adriaticum pelagus incumbens; tum quod Notum precetur, vt vdo ſinu velorum, impetu vehementi diſſipet, rumpatq; nauem qua vehitur Mæuius: idē enim ſupra precatus eſt Auſtrum, Eurum, atque Aquilonem. Deinde valde improprium eſt ipſum ſinum rumpere, & diſſicere naucis, quod, vel mediocriter docto, viſu facile eſt. Quod autem haſtenus vulgata lectio mutata non ſit, in cauſſa eſſe arbitror, epitheton, v dum, proprium ferè Noto: præterea quum ſinum Ionium eſſe non ignorarent

rent lectores, otiosè, καὶ ἐκ παρόδου, cetera expenderunt, ubi neque manifestum deprehenderent errorem, & quod non careat temeritate in auctoribus aliquid restituerè, nisi magno iudicio id fiat, vel ex antiquis codicibus. *Agnate tempestatibus.* nam Romanis ipsa tempestas dea est credita, cui agnam nigri velleris immolabant.

*Ad Pettium Contubernalem, indicans occupato sibi
amore Lycisci pueri non libere versus scribere.*

Epodos Elegiambica seu elegoiambica II.

Petti, nihil me sicut antea iuuat
Scribere versiculos, amore perculsum graui:
Amore, qui me prater omneis expetit,
Mollibus in pueris, aut in puellis vrere.
Hic tertius Decemibet; ex quo destiti
Inachia furere, filius honorem decutit.
Heu me, per urbem (nam pudet tanti mali)
Fabula quanta fui! conuiuiorum & pœnitit.
In queis amantem & languor; & silentium
Arguit; & latere petitus imo spiritus.
Contra ne lucrum nil valere candidum
Pauiperis ingenium querebar applorans tibi,
Simul calentis inuerecundus Deus
Feruidiore mero arcana promorat loco?
Quod si meis inastuet præcordijs
Liberabilis, ut hac ingrata ventis diuidat
Fomenta, vulnus nil malum leuantia:
Desinet imparibus certare summotus pudor:
Vbi hac seuerius te palam laudaueram;

*Iussus abire domum, ferebar incerto pede
 Ad non amicos, heu, mihi posteis, & heu,
 Limina dura, quibus lumbos, & infregi latus.
 Nunc gloriantis quamlibet mulierculam
 Vincere mollitia, amor Lycisci me tenet:
 Vnde expedire non amicorum queant
 Libera consilia, nec contumelia graueis:
 Sed alius ardor, aut puella candida,
 Aut teretis pueri longam renodantis comam.*

COMMENTATOR.

ALLOQUITUR Pettium amicum suum & sodalem, dicitque iam ita se non posse componere carmina sicut prius, propter amores scilicet Lycisci pueri quem diligebat. Nam prius amauerat Inachiam meretricem, quæ quia plures habebat amatores, eosque diuites, spernebat Horatium. vnde indignatus dicit se ab amore illius recessisse, & iam Lyciscum adamare. In hac epodo prior versus est Iambicus trimeter acatalecticus. Posterior est elegiambicus siue elegoiambicus, epodicus, cōstans ex pentemimere dactylica, hoc modo, Scribere, versiculos. & Iambico dimetro acatalectico, hoc modo; amo re per cussum graui. *Petti nihil me.* dicit se amoribus occupatum non habere animum ad versus solito more scribendos. *Nihil.* non ἀνάλαβη, partit. *Amore, Lycisci.* *Amore qui me.* ἀναδίπλωσις, amoris, vt, vos hæc facietis maxima Gallo, Gallo cuius amor tantum mihi crescit in horas, &c. *Præter omneis,* ultra omneis. *Expetit,* valde cupit. *Hic tertius December,* μετ' ἀληψις: per tres enim Decembreis, gradatim significat treis annos transactos, postquam cœpit non amare Inachiam. *furere,* amare; vt hæc duo nomina, furor & amor, ita sibi

sibi familiaria sunt, vt alterum pro altero sæpè ponatur. sic furere & amare. *Furere Inachia*, amare Inachiam. *Siluis honorem decutit*. Ordo est, Hic tertius Decem̃ber siluis honorem decutit, id est, hic tertius est annus. nam Decembrio mense spoliatur arbores decore foliorum, Sole ad inferiores circulos descendente. Pridie namque idus Iunias, aut circiter, incipit Sol à nobis recedere, & suus succus arbores deficere vsque ad pridie idus Decembrias, Sole scilicet à superioribus circulis similiter abeunte, & contrà, à 12. Decembris ascendente Sole ad superiores & aquilonares Zonas vsque ad 12. diem Iunij simul accedit suus vigor, & succus arboribus. Itaque quia mense Decembri folia virtute & vigore succi carent, plurimùm cadunt. *Honorem*. folia, vt ait Maro; Frigidus vt siluis Aquilo decussit honorem. *Hec me per urbem fabula quanta fui*. priùs ingemit, post causam sui gemitus exponit, per parentheses, inquit, Nam pudet tanti mali. tantum malum dicit, quod innotuit vniuersæ ciuitati eius amor. *Tanti mali*. tanti amoris & furoris in Inachiani: quæ gratia ego fui fabula vulgo. *Pudet*. pudere ad verecundiam, pœnitere ad factum pertinet. legimus in vita Horatij, illum hoc vitio plurimùm laborasse; adeò vt imaginem scorti in cubiculo proprio depictam libenter inspiceret. *fabula quanta fui*, id est, quantum derisus ab omnibus, quanta derisio propter amores Inachia. *In quæis*. quibus cum interesset, langor, silentium & suspiria prodebant amorem meum. Quare pœnitet, inquit, me illis conuiuijs interfuisse in quibus ego deridebar, & obloquendi mihi causam dedi. *Langor*. pro pallore ponitur, nam ex amoris impatientia nascitur tristitia, ex qua langor, ex langore pallor, silentium, &

suspiria, ex quibus, ut ex adiunctis signis, certò cogno-
 scitur amor: Amantes enim pallent, silent, gemunt, &
 suspirant. *Arguit*, approbavit, est præteriti temporis. *Imq.*
 ab imo latere petitus spiritus, id est, ingens gemitus, &
 suspiria ab imo producta. Latere inquit, quia constat in
 suspirijs latera vehementer laborare, & spiritu repercu-
 ti, ut non ineptè sic diffiniatur, Suspirium est spiritus ab
 imo latere petitus. *Contrane*, Sensus est, nunquid me-
 ministris, quod in illis conuiuijs, quando incalescerem
 vino, & secreta mea tibi aperirem, & quærerem tibi plo-
 rando, candidum meum ingenium, quia pauper essem,
 nihil posse apud Inachiam auaram, cõtra lucrum & ri-
 ualium munera largiora. Per hoc autem significat se
 amorem suum Pettio sæpe inter conuiuia confiteri solit-
 tum. *Lucrum*, munera riuantium ditiorum. *Candidum in-*
genium, laus, commendatio, nobilitas ingenij, nihil ha-
 bent gratiæ apud auaram puellam, sine muneribus.
simul, mox ut, postquam: ut, Quæ simul inuersum con-
 tristat Aquarius annum. *Calentis*, ebrij. *Inuerecundus deus*,
 id est, Liber, quo liberius sumto omnis verecundia ela-
 bitur, aded ut interdum faciat nos non erubescere in
 his quæ tacenda sunt, interdum autem, in, habet, ἐπί-
 τασιν, & tunc inuerecundus significat valde verecun-
 dus, quod etiam Libero conuenit: ut, verecundumque
 Bacchum sanguineis prohibete rixis. *Arcana*, mea. *Prom-*
orat, promouerat, id est, excluderat. *loco suo*, à secreto
 cordis, id est, ubi seueritas ebrietate fuerat expulsa, que-
 rebat tibi de amoribus meis. *Quod si meis*. Et hoc tibi
 in conuiuijs aliquando dixi. Quod si in me aliquando
 commota fuerit libera bilis, id est, iracundia cõtra Ina-
 chiam, statim eam desinam amare, mihi non congruen-
 tem. *Inæstuet*, incãdescat, commota fuerit, *libera bilis*, ira-
 cundia,

cundia, nam irati liberius loquuntur, nec cælant quidquam eorum quæ sentiunt. *Ingrata fomenta*. querimonias nihil gratiæ apud Inachiam habentes. *Ventis diuidat*, in auras dispergat, nihili pendat, obliniscatur. *Vulnus*, amoris mei. *Imparibus*. cum rivalibus meis, quibus in muneribus largiendis impar sum & inferior. *Certare imparibus*. notanda locutio, sicut apud Maronem, tibi certet Amyntas. *Summotus pudor*, verecundia ex animo meo deleta, quæ modò in me cum rivalibus certat. *seuerus*, iratus. *Te palam*, coram te. *laudaueram*, arroganter dixeram, quasi constans in proposito futurus essem. *Iussus*, à te. *ferebar*. hoc verbo demonstratur, & obiurgantis affectus, & incertus amatoris animus; iussio namque Pettij illum rapiebat domum, amor contrà ad amicam. *Incerto pede*. incertus ego vtrum manerem in sententia, an non. *Ad non amicos*, inimicos. *Infregi*, valde fregi dormiens in humo dura. *Limina dura*. quibus continetur dura illa Inachia. *Nunc gloriantis*. Hæc ita sunt ordinanda. Amor Lycisci gloriantis se vincere mollicitia, quamlibet mulierculam, nunc tenet me; qui Lyciscus puer, pulchritudine se gloriatur, & iactitat fœminis omnibus præferri. Queritur autem quòd nunquam ab amoribus vacet. Antea quidem poteram, inquit, queri cùm Inachiam diligerem, nunc autem in Lycisci pueri amore remedium inuenire non possum, nisi me alius puer, aut puella ad se pelliciat. *Vnde expedire*. à quo amore liberare me, absolvere me. *Libera consilia*. veri namque amici liberè solent delicta amicorum redarguere studio emendationis, atq; illis apertè dicere, quæ sibi videntur honesta, & vtilia; nam non est liberum quando dicèda tacemus, vel amore, vel terrore. *Contumeliæ graues*. obiurgationes. *Sed alius ardor*,

amor. ostendit quòd amor nulla alia re pelli potest nisi amore, iuxta illud Tullij, in Tusculan. Nouo quodam amore veterem amorē, tanquam clauū clauo eijsciendum putant. *Teretis pueri*. obesuli furas habentis teretes & rotundas, succo pleni. *Renodantis*. in modum colligentis, sese ornantis, id est, pueri comati. Antea enim pueri formosuli suam comam vitta necebant, vt compositi suis amatoribus inagis placerent.

C R V Q V I V S.

PETTI nihil me. tametsi parū inter sit, Petti ne, an Pecti, legamus; seruauit tamen Petti, gemino t. propter antiquitatem codicum Blandiniorum & annotationes carminibus ascriptas. *Sicut antea*. an dicat Horatius se non solito more versiculos scripturum, propter decem epodos præcedenteis, quæ omneis æquali filo decurrunt, quum hæc epodos non vna & simplex, sed mixta sit ex pentemimeri Heroica, & Iambico dimetro? an etiam propter argumenti nouitatem, quod in se artificiosam comædiæ formam complectitur, vt postea demonstrabimus, Lectori discutiendum propono. *Mollibus*, delicatis, formosulis, obesulis, vt ait Commentator in dictione teretis, in fine huius epodi; hic enim molleis pueros nominat quos illic teretes. *Pueris aut in puellis vrere*. vnus codex Bland. hic habet. & in puellis, sed vulgata lectio cum postremis huius epodi versibus concordat, in disunctione, iccirco illam mutare nolui. *Hic tertius December*. hic obiter Lectorem monitum volui me solstitium hibernum & æstiuum in commentatore, reduxisse ad Ephemeridem seu Kalendarium quo nunc vtimur, nimirum æstiuum ad decimum tertium Iunij aut circiter, nempe Sole ingrediente primum punctum

punctum Cancrī ubi Colurus solstitiales interfecat Zodiacum & hibernum ad xij. Decembris, Sole ingrediente primum punctum Capricorni: Nam in annotationibus manuscriptis habetur, à xij. kal. Iul. vsque ad xij. kal. Ianuar. à superioribus circulis, descendit Sol, &c. Rursus à xij. kal. Decemb. vsque ad xij. kal. Iul. ascendente Sole, &c. hunc ego errorem (si tamen erratum sit) tacitus præterire non potui, quod hic & elegantes characteres sine litura vlla offenderim, & eandem Solstitiorum notam in his scriptis obseruauerim sæpius. Quid si quis dicat ante annos mille scriptos commentarios, nunc, prò dolor, miserè laceros & dierum per tot annos accessione, immutatam aut potius deperditam rationem kalendarij Romani? quod optimi quique & deplorarūt olim non emendari, & hodie etiamnum summis votis exoptant in integrum restitui. *Heu me.* exclamatio pathetica per metathesin sensuum. *Nam pudet tanti mali.* coniunctio, nam, vim hīc habet aduersatiuam, pro autem. *Et latere.* quantitas huius ultimæ syllabæ, nulli debet esse curæ, longa ne sit, an brevis, quandoquidem vltima syllaba cuiusque versus Grammaticis est communis: hæc autem epodos non vnicum metrum est, sed cōpositum, siue mixtū ex pentemimeri dactylica priore, & iambico dimetro posteriore, idem esto iudicium in illo, Inachia furere, deinde in fine epodi Libera consilia, postremò in concursu vocalium sine elisione, Vincere mollitia, amor Lycisci me tenet. *Contrā ne lucrum.* hic sequutus sum codices Blandinos & annotationes manu sine vlla litura aut macula scriptas contra vulgatam lectionem, quam non improbo, puta, Contraque lucrum &c. nam varietas lectionis gravior esse videtur, ad affectus amantis varios

& multiplices exprimēdos, qui post multa tandē victus amore, redit ad antiquum ingenium, fitq; placidus, & amicæ supplex. *lucrum*. Inachiæ pro lucro munera sunt rivalium Horatij, contra quæ conqueritur nihil posse suū ingenium candidū. i. carmina sua ad Inachiā candoris & fauoris plena, quibus apud illā cum rivalibus suis diuitibus de amore cōtendebat quidē sed illa carmina, cū verba solūm darēt, ab auara Inachia minoris habita sunt quā largitiones rivaliū. *Quod si meis*. Horatius Inachiæ iras minatur quidē, sed per hypothesim (vt solent, quibus prę amore animus pendet & oratio) nam si debeat illi aliquando irasci, pollicetur tātò liberiore ira, (summotā prius verecūdia quā hactenus illā fuerat amplexa) se palam omnib. illam obiurgaturū, & tantis conuiitijs oneraturū, quantò antea maiore ingenij sui cādore, quantisq; gratioribus laudibus, euigilarat illam commendare, potissimū quod intelligat pro donis ab illa nō haberi nobileis huiusmodi, & gratiæ plenas chartas, videatq; illas nō modò nō fouere in eius animo, aut nutrire amores, qui suū illud amoris vulnus, aliquo fauore subleuarent; sed etiā ingratas illi esse, & viliiores muneribus suorū rivalium. *liberabilis*, quæ increpando, vt nihil speret maioris beneuolentiæ, si taceat vitia, ita non metuat plus indignationis, si eloquatur tacēda. *Ingrata*. Inachiæ, quia non erant lucrosā. *somenta*, amatoria munera, quæ non suum, sed sui amorē fouere deberent in Inachia. *Desinet imparibus certare summotus pudor*. huius carminis, vt arbitror, hæc est sentētia. Pudor paupertatis meæ, quæ vetat me magnificis donis explere auiditatem meretriciam: summotus liberiore ira in me exæstuante, tantū non desinet de amore cum imparibus & ditioribus rivalibus amplius candidè & verecundè certa-

certare, verùm etiam erumpet in apertã contumeliam, atque hæc fomenta Inachiaë ingrata ventis diuidet .i. in vulgus populumque disperget, ac manifestabit auarã illam, non amoris laudes, & munuscula cãdidi, sed munera sequi ditiorũ. hic ego ventus interpretor leuitatem popularem, qua veluti mare quoddam respublica concitatur. *laudaueram*, quasi laude digna me facturum iactaueram. *ferebar incerto pede*. hypallage, pro, incertus ego quo irem, quidue agerem. *Ad non amicos, heu, mihi posteis & limina dura*. Si quis in hac epodo priora posterioribus conferat, facilè animaduertet Horat. in suis his amoribus nihil aliud quàm *χωμῶδ' ἴδεν διδάσκειν*: nam & solitum scribendi studium neglexisse se fateatur, & ita se excæcatum amore, vt etiam existimatione & fama ferè perditã, ipse vulgo cœperit esse fabula; interea tamen tanquam sui oblitus, ad amorem fouendum Inachiaë munera confert, in quibus cùm se à riuatibus victum, minus ab Inachia admitti percipit, accedit ad amicos, conqueritur de iniquis amoribus, consilium rogat; tamen iras minatur Inachiaë & conuitia; se virum pollicetur nisi intromittatur: tandem ab amicis obiurgatus, & abire iussus, vbi pati non potest, vltro ad eam venit, indicans se amare & ferre non posse, vt inquit Terentianus ille Parmeno.

In libidinofam Canidiam conuerso nomine,

Epodos Heroica 12.

Quid tibi vis mulier nigris dignissima barris?

Munera cur mihi, quidue tabellæ

Mittis nec firmo iuueni, neque naris obesa?

Namque sagacius vnus odoror,

Polypus

Polypus, an grauis hirsutis cubet hircus in alis:

Quàm canis acer, vbi lateat sus.

Quis sudor vietis, & quàm malus vndique membris

Crescit odor, cum pene soluto,

Indomitam properat rabiem sedare: nec illi

Iam manet humida creta, colorque

Stercore fucatus crocodili: iamq³, subando

Tenta cubilia, tectaque rumpit:

Vel, mea cum sauis agitat fastidia verbis:

Inachia langues minus, ac me.

Inachiam ter nocte potes mihi semper ad vnum

Mollis opus, pereat malè, quæ te

Lesbia quærenti taurum monstrauit inertem:

Cum mihi Coua adesset Amyntas,

Cuius in indomito constantior inguine nervus,

Quam noua collibus arbor inhaeret.

Muricibus Tyrïs iterata vellera lana,

Cui properabantur? tibi nempe:

Ne foret aqualeis inter conuiuia, magis quem

Diligeret mulier sua, quàm te.

O ego non felix, quam tu fugis, vt pauet acreis

Agna lupos, capreaq³ leones.

COMMENTATOR.

INVEHITVR in Canidiam fœdâ ac libidinofam, quæ appetens eius amplexus, solita erat ipsum diptychis ad coitum illicere. Hæc epodus constat ex senario epico siue heroico, & tetrapodia heroica, siue quadrato dactylico epodico. *Quid tibi vis.* dū cupis me ad amorem tui flectere. *Nigris.* deformibus. *Barris.* Elephantis Æthiopicis. Barri sunt elephanti: hinc Barritus & barrire, elephantorum more sonitum emittere, vnde ebur etiam à barris dicitur, & lyra barbiton vocatur, quod

quod ebore ornetur. Elephāti autē auerſi coëunt ſicut cameli, equi, canes: dicit itaque poeta tantæ deformitatis illam eſſe, tantique fœtoris, vt nullus poſſet cum illa concumbere niſi auerſus more barrorum: ideoque ait eam ita debere alicui iungi, vt facies eius videri nō debeat. *Tabellas.* epistoſas diptychas in quibus ſollicitas me ad tuam libidinem. *Nec firmo iuueni.* mihi non adeò valido & forti vt poſſim ſufficere tuæ libidini, quæ eſt inſatiabilis. *Iuueni.* qui interdum etiam cum fœdis animalibus coëunt, cū calor iuuenilis fuerit excitatus. *Næque naris obefa.* obturata nec odorē ſentientis. Obefum dicimus pinguem, & craſſum. Virg. de equo obefa terga, id eſt, pingua: Sed hoc loco pro obturato, & clauſo, poſuit obefum: nā pinguedine nimia ſolent obturari corporis ſpiracula. *Quare,* inquit Horat. non habeo obturatas nareis, vt poſſim tuum ſuſtinere fœtorē, ſed patulas, quoniā ſagacius odorari poſſum fœtorem libidinoſæ mulieris, vel meretricis, quā canis aprum. hoc ait Horat. quaſi illa tales debeat quæſere, qui craſſi ſint & non odorentur. *Sagacius,* id eſt, citius & acutius ego ſolus odoror, vtum polypum habeat mulier, an grauem hircum in alis ſuis, quā rimatur canis cubilia ferarū. *Polypus.* genus eſt morbi, & narium vitium: hinc Polypofus dicitur qui nares habet fœtētes. *grauis,* noxiuſ, graucolens. *Hirſutis alis,* piloliſ axelliſ. *Hircus,* odor axillarum, inſtar hircorum fœtens, qui putor in libidinoſis, ex ſudore pilis alarum inhærente, grauiſ percipitur. *Quā canis.* odoratur. *Quis ſudor vietis.* iſtud pronunciandum eſt vehementiuſ, cum exclamatione, in abominationem huius meretricis. *Quis ſudor vietis membris.* tortiſ, ſenilibuſ, rugoliſ, vt Terentiuſ vetuſ, victuſ, veternoſuſ. *mēbris,* libidine victiſ, vel ſenectute deficientiſ.

deficientibus, nam vieta mēbra dicuntur viribus caren-
 tia, & præ senectute curua. *Quàm malus odor.* quàm teter
 pedor. *Cū pene soluto.* i. vetetro eurato. hic penis ab hoc
 pene tertiæ inflexionis, significat membrū virile, quod
 & mentula vocatur. *Soluto,* eurato, nec vllā vim haben-
 te propter fastidiū tui, vel delassatō post coitum. *Indomi-
 tam rabiem.* nimiam libidinē & insaturabilem. *Properat.*
 libidine in venerem prouocata. *Sedare,* explere. *Neg₃ illi.*
 sententia est, Tātā libidinis est illa fœtida anus, vt dum
 vellet explere ardorē libidinis, tanto motu agigaret se-
 ipsam, vt præ sudore, de facie flueret variorū colorum
 cōpositio, qua ad nitorem ori præstandū, solent vti me-
 retrices deformes. *Humida,* ex sudore. *Creta.* qua faciem
 inficit: cretā hic appellat cerussam, quæ cretæ candidis-
 simæ est simillima, fitq; cerussa ex plumbo & aceto: So-
 lent autē meretrices ex cerussa, purpurisso, quod stibio
 adhibetur, & stercore Crocodili efficere fucum, quo fa-
 ciem illinunt, ad pulcritudinē augmentandam. *fucatus,*
 tinctus, coloratus. fucus autem herba est qua vestes tin-
 guntur: hinc fucare, tingere dicimus. *fucatus,* etiam est
 nō verus, falsus, suppositius, nō natiuus, qualis est cui
 admiscetur stercus crocodili. *Iamq₃ subando.* Subare pro-
 priè dicuntur fues, quando libidinantur. hīc autē *suban-
 do,* id est, supra virū se agitando: hinc propter libidinem
 ad alia animalia, atq; etiam mulieres tractū est. *Cubilia.*
 lectum intortis funibus, vel fasciulis tentum. *Tectag₃.*
 coopertoria lectuli stragula. Iuuenal. Cadurcum nomi-
 nat & institam. *Rumpit,* sese agitando. *Vel mea cum sauis.*
 vel subaudiendo seu repetēdo, quantus est sudor mem-
 bris. *Cum agit at.* ciet incumbendo, succumbendo. *mea
 fastidia,* meum penem languescentem, & illam fasti-
 dientem. *sauis,* iracundis dictis increpans, me minus
 apud

apud eam valere. *Inachia langues minus.* hæc verba sunt Canidiæ, obiurgantis Horatium, quod ille citatiorem venerem cum Inachia exerceret, quàm cum ipsa; languidior es, inquit, apud me quàm apud Inachiam, minus langues. i. minus deficis, validior es in illa quàm in me, quia plus illam ardes. *Ac me,* quàm me. *Potes,* subaudi inire. *Vnum opus,* coitum. *mollis,* es debilis, lassus. *Pereat quæ.* execratur Canidia Lesbiam, quæ ei laudauerat Horatium fortem esse, ad oscula. Lesbia aut lena est, aut obstetrix; illis enim solent honestiores paulò, consilia sua, & desideria patefacere. *Quarenti,* mihi. *Taurum,* fortem virum. *Inertem,* pigrum ad hoc opus. *Cous.* de Coe insula. *Amyntus,* iuuenis robustus, & potentia validus. *in indomito,* indefatigabili ac forti. *Constantior,* fortior, firmior, erectior. *neruus,* penis, veretrum. *noua,* nouella, iuuenis. *Muricibus Tyrijs,* purpureo cruore. Murices pisciculi sunt marini, quorum succus est purpura; hinc purpura ipsa aliquândo vocatur murex. *Iterata vellera,* iteratæ lanæ vellera, id est, bis tinctæ: purpuram autem quæ iterum tincta est, dibaphan nominant. *Cui properabantur,* accelerabantur à me; exprobratio mollis & blanda, quasi dicat, vestem tam pretiosam, cuius vñibus tantum festinaui parare & texere? tuis nempe. *Tibi nempe,* ad tuum opus. *Aequaleis inter.* anastrophe, ne esset inter socios coæuos. *Conuiuia,* aliquis. *mulier,* vxor. *quàm te,* supple ego diligam, hoc est, ideo hæc purpura dibapha tibi à me properè conficiebatur ne inueniretur aliqua ex conuiuiis tui æqualibus, vxor, quæ maritum magis diligeret, quàm ego te. *O ego.* exclamatio amatoria. *Non felix, infelix.* *Vt,* sicut. *Capreaq;* pauent.

CRVQVIVS.

Q V I D tibi vis mulier &c. In vno cod. Blandinio, hanc inueni inscriptionem. Ad Canidiam meretricem, primus senarius epicus, secundus quadratus dactylicus epodicus qui est clausularis, dictus ab Epod. auctore. Hinc conijce Lector, cuius te moneo sæpius, quàm miseri barbari illi Doctores lacerarint, atq; perdiderint, quæ in cōmentarijs doctissimorū virorū intelligere nō potuerunt. *Barris.* *barris* habent tres codic. Blandinij, quartus autem habet, *bar is*, vbi lituræ spatium inter duas illas syllabas, *bar is*, maius erat, quàm pro vna literula *r*. Quod mihi in caussa fuit, vt commonerem lectorem, legendum ne esset *Bardis*, potiùs quàm *barris*, id est, elephantis, quod hic neget Horatius se esse obsæ naris & minimè stupidum in fœtoribus persentiscēdis, quales sunt *Bardi* homines, obtusi, &, vt scribit Festus, stulti a tarditate ingenij, quod è Græco dicit trahi, vbi tardi *βράδεις* nominantur. Deinde Marcell. *bardus*, inquit, est, vi præpostera & ingenio tardus: Nam Græci tardos *βράδεις* dicūt. Plautus in *Persa*. Nimis tandem equidem pro *barda* & pro rustica reor habitam esse abs te. huic etiam lectioni subscribere videtur commentator, præter aliam & cōmunem interpretationē, inquiens, hoc ait Horatius, quasi illa taleis debeat querere, qui crassi sint & non odorentur. Quod autem nigris dicat, quos elephantos Æthiopicos ob id interpretetur Commentator, hoc epitheton etiam congruè respondet id genus hominibus, qui vt magno sint animi stupore, ita nullo nitore corporis, nulla mundicie gaudere solent, sed inordinatè effrenes ferri in obuia quæque, in venerem certè validissimi. vnde & *Barros* amaro illos & insuavis conuersationis homines, quorum meminit

meminit in satyris Horat. dictos autumem, nisi etiam de iisdem hic poetam agere quis malit. Dispiciat itaq; Lector, vtrum horum sententiæ Horatianæ magis congruat. *Nec firmo iuueni neque naris obesæ.* in hac lectione non dissentiunt versus scripti, sed in annotationibus habetur, non firmo iuueni neque &c. obesæ. obesus, ait Paulus, pinguis quasi ob edendum factus. *Polypus.* πολύπους Latine vertitur multipes, genus est variorum animalium à multitudine pedum è quibus piscis multipes πεποφυής πολύπους nominatur à Phocylide: & analogicos πολύπους dicitur tuberculum in naribus, præter naturam subrubrum, & narium vitium, hinc sumta similitudine vel quòd ad pedum multitudinē multas habeat radices, aut quòd, vt piscis acetabulis venantes inuadit, ita hic nares occupat vsque ad sermonis & anhelitus impedimentum. Galenus lib. 3. κατὰ τόπους. cap. 3. de eodem malo vide Cornelium Celsum lib. 7. cap. 8. *Creta.* creta hic aut est annularia, qua muliebres picturæ illuminantur, teste Plinio li. 35. c. 6. aut Cimo-
codili. de crocodilis vide Plin. lib. 28. cap. 8. vbi inter cetera scribit crocodileam illitam ex oleo Cyprino, molestias in facie enascentes tollere, varosque ac omneis maculas, nitoremque reddere. Idem sentit Paulus Ægineta de fimo terrestris crocodili. Quod Plinius alterius crocodili intestinis ascribit, id Dioscorides, fimo stercorique, quem Ægineta exterique sequuntur, tribuit. *Tenta.* interpretationē Lamb. hic amplector prope tentigine arrecto, id enim conijcio ex his verbis Acronis supposititij, Habet, inquit, hic turpia verba quæ ego fastidio nec ponere volo. *Cui properabantur?* vnus cod. Bland. hic habet, *Cui properabuntur?* in futuro pro-

H missiuo,

missiuo, hæc lectio si placeat, ut mihi certè non displicet, habebit subiectionem ironicam: Solent enim mulieres habere, nescio quid vanæ pollicitationis in huiusmodi amoribus, ut inuitent & incitent amantes ad acrius desiderium.

Ad amicos Comicos Epodos

Iambelega 13.

Horrida tempestas calum contraxit: & imbreis

*Niueisq; deducunt Iouem, nunc mare, nunc filia,
Treicio Aquilone sonant, rapiamus amici*

*Occasionem de die: dumq; virent genua,
Et decet, obducta soluatur fronte senectus.*

*Tu vina Torquato moue consule pressa meo.
Cetera mitte loqui. Deus hæc fortasse benigna*

*Reducet in sedem vice: nunc & Achæmenia
Perfundi nardo iuuat: & fide Cyllenæ*

*Leuare diris pectora sollicitudinibus:
Nobilis ut grandi cecinit Centaurus alumno:*

*Inuicte mortalis dea nate puer Thetide,
Te manet Assaraci tellus: quam frigida parui*

*Findunt Scamandri flumina, lubricus & Simois:
Unde tibi reditum certo subtemine Parca*

*Rupere: nec mater domum carula te reuehet.
Illic omne malum vino, cantuque leuato*

Deformis agrimonia dulcibus alloquijs.

COMMENTATOR.

HORTATUR lepidos suos sodales ad conuiuium, nacta ex hoc occasione, quod pluuiato cælo tempestuosus sit aër, quo nihil aliud agi possit. Epodos est iambelega, nam prior pars est iamбус dimeter acatalecticus, qui hoc modo scanditur. niueisq; de deducunt Iouem. Posterior est pētemimeris elega. hoc modo, nunc mare

nunc

nunc siluæ. Aut hæc epodus constat ex priore versu epico seu heroico quadrato : posteriore ex iambico dimetro & pentemimere dactylica. *Horrida*, pluuiosa. *Cælum*. cælū hic pro nubibus posuit, itaq; contraxit cælū, id est, nubes cōgēgit, ac per hoc densas tempestates effecit: vel contraxit cælum. i. nubibus obduxit, obscurauit. vt, atque in nubem cogitur aēr. *Deducunt Iouem*. descendentem ad terram, quia aēr quasi ad terram deducitur, magnitudine & pondere pluuiarum, & niuium, dum effusim in terram decidunt. *Trēicio*. Thracio. à Thracia flat Aquilo ventus Borealis frigidissimus. *Occasionem*, opportunitatem conuiuij & epularum. *de die*. sic alibi, partem aliquā de die sumere, dixit. *de die*, isto quia pluuius est. *dumq; virent*, valent genua, id est, dum adhuc sumus viri validi. *Decet*, nos per ætatē indulgere genio. *obducta fronte*, seuera, ac per hoc in rugas contracta, vel obducta, id est contorta, tristi. vt Virg. Et obductū verbis vulgare dolorē. *senectus*, id est, memoria senectutis. dum, inquit, fortes, & iuvenes sumus, longe sit à nobis seueritas senū, & indulgeamus voluptati, omni semota tristitia, quæ corrugat frontem. *Tu vina Torquato*. Alloquitur puerum, vt proferat vina quæ sunt pressa, gerente consulatum L. Manlio Torquato, sub quo ipse natus est: vnde ipse ad Amphorā, O nata mecū consule Manlio. Itaq; iubet vinum afferri natale & sibi coxūū. *Moue*. miscendo. *Pressa*, expressa, calcata & effusa in cados. *meo Consule*, quo ego natus sum. *Cetera mitte loqui*. de alijs rebus ad conuiuia nihil pertinentibus, ne sis sollicitus. *Hæc*, de quibus nunc es sollicitus. *Reducet*, reuocabit in suum statum, & tranquillitatē priorē. *benigna vice*. id est, deus ipse benignus fortassis restituet omnia meliore vicissitudine & reddet tibi statum pristinū, mærorē

depulso, fortasse consolatur amicum in tristitia constitutum. *Nunc*, dum pluit hilari simus. *Achæmenia*. Persica ab Achæmene Persarum rege, cuius ira sedari nō poterat, nisi cæde duodecim hominum. Sedulius, Cuius Achæmeniam rabies accenderat iram, &c. Persæ primū dicuntur inuenisse vsum nardi. *Iuuat*, libet. *fide Cyllenia*. lyra Mercuriali, quam Mercurius inuenit. *fide*, chorda à parte totum. *Centaurus*, Chyronem Centaurum significat nutritorem Æsculapij Dei Iasonis, & Achillis, quē docuit tangere citharā, atq; illi prædixit quod à Troiano prælio non esset reuersurus domum; verū hoc ei dedit consilium, vt, quia decreta fatorum nequaquam vitare poterat, tactu citharæ, & vini potatione ad Troiam, leniret dolorem suum, vt vel sic mortis vicinitatem non recordaretur. *Alumno*. Achilli quem nutrierat. *Inuicte*. hæc verba sunt Centauri ad Achillem, prædicentis illi sua fata. *Inuicte*. quia nec vincī, nec vulnerari poterat, propterea quod sua mater illum stygijs vndis intinxerat. *Mortalis*. quia vulnerabilis erat mortaliter in ea parte pedis, qua mater illum manu tenebat, dum illum in stygiam paludem immergeret. *Nate*, gēnite. *Thetide*. nympha & dea maris. *Te manet*, te expectat tuis quidem manibus euertenda, sed ibi sepeliendum. *Assaracitellus*, id est, Troia. Assaracus fuit pater Capidis, Capys autem Anchisæ; per nobilem ergo familiam, intelligit patriam. *Parui*, id est, exigui, aut si Praui legas, id est, tortuosi non recti, sinuosi. *Scamander* aliter dictus Xanthus, & *Simois*, fluuij Troiani ex Ida monte defluentes. *findunt*, præterfluunt, sulcant, diuidunt. vt, vbi tot Simois correpta sub vndis, Scuta virūm, galeasq; & fortia corpora voluit. *Lubricus*, limosus, labens. *Vnde*, à Troia. *subtemine*, filo, quod stamine intexitur, quia

quia certa sunt fatorum stamina. vt Virg. extremaque Lauso Fila legunt Parca. *Rupere reditū.* ad filum hoc referendum est, quod Atropus dicitur secare. *Mater carula.* Thetis mater marina, per quam vult intelligi metonymicos ipsum mare. *Carula,* marina, à cyaneo colore maris. *Deformis.* quia tristitia deformes facit. *Aegrimonia.* tristitiæ: aegrimonia est animi tristitia: Acrimonia, vigor est animi. Ne, inquit, contristeris propter fata impendētia, sed lætifica te, & mœstitiam obliuiscere vino atq; cantu. *Dulcibus alloquīs.* familiariū sermonibus & amicorum communicationibus debes dissoluere quicquid tibi imminet tristitiæ.

CERVQVIVS.

IMBREIS niueisq; deducunt Iouem. tanquam comites aëris tempestuosi & in terras incumbentis, cū ventis validissimis, qui per Aquilonem Thracium denotantur, quibus Iuppiter, qui aëri præsidet, fertur per aërem, maria & terras. *Horrida tempestas.* per tempestatem horridam, videtur Horatius, suo more significare tumultum aliquem civilem, aut alicuius principis graueis iras, & minas in amicos suos quos hortatur ad hilaritatem dum tempus datur, si Deus ipse, qui fortasse Augustus est, benignior factus, animum suum commutauerit. *Tréicio aquilone.* sine elisione vocalium. *Rapiamus,* rapere verbū, aut vim notat, aut festinationem. monet itaque nō esse, aut deliberandum diutius, aut cunctandum de genio indulgendo, quandoquidem omnis mora, quantumuis brevis, est ingrata, vbi desideratæ rei potiundæ occasio præsens adlubescit. *Dumq;* virent *genna.* in genibus robur corporis, vim, potentiam, atque adeò vitam reposuisse videtur ipsa Natura, vt non frustra his vocibus, genu, & genus, ferè sine discrimine vsa

fit antiquitas, quòd in genibus vitalitas, & præsens gignendi vis inesse credatur, teste Hesiod. *ἐν ἔργοις καὶ ἡμε-
ραις Μάχλοτα* ὃ ζωαῖκες ἀφαιρότατοι δέ τε ἄνδρες εἰσιν,
ἐπεὶ κεφαλὴν καὶ γόνατα πείριθ' ἄζζ. 1. Cuncta falax vxor, sed
debilis ipse maritus, Cū genua atq; caput damnosa Ca-
nicula adurit. & paullo post inquit, *φίλα σένατα*, &c.
Quod autem in his præcipua quædam sit vita, testatur
Homerus *ὁδὸν ἀνδρῶν κατὰ γόνατα ἔλυσεν*. viro-
rum genua soluit, hoc est, vitam eripuit. Plin. lib. 11. cap. 45.
Genibus hominis, inquit, inest quædam religio obser-
uatione gentiū, hæc supplices attingunt, ad hæc manus
tendunt, hæc vt aras adorant, fortassis quia inest ijs vita-
litas, &c. atq; ob eam causam Misericordiæ sacra sunt.
Cetera mitte loqui. Aphæresis pro omitte. tale est illud
ode 9. lib. 1. per mitte diuis cetera. *Deus hac fortasse beni-
gna*. an vicem hic accipiamus pro rerum & temporum
vicissitudine, qualem descripsit ode 7. lib. 4. an pro statu
tranquilliore suorum amicorum, dijudicet Lector. Cō-
mentator certè in alteram partem magis inclinatur, cui
ego non grauatim subscripserim, propter argumentum
Achillis. *leuare*, subleuare, *ἐπιχερῆεν*. *Grandi*, non gran-
dæno, vel adulto, sed forti, & nobili. *flumina*, fluctus
aquarum decurrentium. *Deformis agrimonia dulcibus allo-
quijs*. ita habent quatuor cod. Bland. sine vlla copula:
quod etiam obseruauit Lambinus accuratissimè in om-
nibus antiquis codic. quos se vidisse ait, cuius etiam do-
ctissimam interpretationem multum approbo, vt per
epexegetim exponamus hunc locū, nimirum hoc mo-
do, Illic leuato omne malum vino cantūque dulcibus
alloquijs, id est, quæ sunt alloquia dulcia & quasi ægri-
tudinis tuæ solatia. Quod autem Commentator habet
dulcibus alloquijs, id est, familiarium sermonibus, &c.

non

non dubito illud esse supposititium : ipsa tamen verba omittere non potui, quia in tribus cod. sine vlla macula illa adscripta inueni. Sed in quarto cod. ad marginem quidem, hoc scriptum erat, Lætifica te, & mœstitiā obliuiscere vino atque cantu, vt vides in Commentatore: verum supra hæc verba, dulcibus alloquijs, notata fuit hæc vox, sociorum. vnde omnem errorem prorsus arbitror esse natum; nam puto commentatores antiquos exposuisse hæc verba, dulcibus alloquijs, subaudiendo sonorum, pulsanti enim lyram fides clarè reddunt sua quædam alloquia, eaque dulcia & consolatoria : atqui eam sententiā cum barbari homines non intelligerent, facile pro, sonorum, supposuere, sociorum, quam deinde expositionem alij docti licet incurij tamē alijs quasi per manus tradiderunt, addita copula, &, hoc modo: *Deformis egrimonia & dulcibus alloquijs. sociorum, pro sonorum.* Muretus etiam vinū simul & cantum interpretatur alloquia, quod apud Latinos olim alloqui esset quod Græcis, παραμυθεῖσθαι aut παρηγορεῖν. itaq; alloquia sunt solamina malorum.

Ad Macenatem Epodos Iambica 14.

Mollis inertia cur tantam diffuderit imis

Obluionem sensibus,

Pocula Letheos vt si ducentia somnos,

Arente fauce traxerim,

Candide Macenas, occidis sæpè rogando.

Deus, Deus nam me vetat,

Inceptos olim, promissum carmen, iambos

Ad umbilicum adducere.

Non aliter Samio dicunt arsisse Bathyllo

Anacreonta Teïum:

Qui per sepe cauare studine fleuit amorem

Non elaboratum ad pedem.

Vreris ipse miser. quod si non pulchrior ignis

Accendit obsessam Ilion:

Gaude sorte tua. me libertina neque vno

Contenta Phryne macerat.

COMMENTATOR.

FREQVENTER imprecatus à Mecenate Horatius quòd nimis amoribus distētus, carmina olim inchoata turpiter defereret; responder illi Horatius, amorem quidem in causā esse, sed ipsum non debere hoc illi exprobrare, quòd ipse quoq; detineretur amore puellæ. Hæc epodus constat ex senario epico proodico & binario iambico acatalectico epodico. *Mollis*, quia molleis, & segneis facit. *Inertia*, animi torpore. *diffuderit*, infuderit, immiserit. *Imis sensibus*, meis præcordijs. *ducentia*, generantia. *Letheos somnos*, id est, dicis me ita oblitum promissi carminis, quasi biberim pocula Lethei fluminis infernalis, ex quo qui potant, obliuiscuntur omnium rerum; hinc letheus somnus, lethargus dicitur. *Arentè*, sitiente. *traxerim*, biberim. Virgil. 6. Æneid. Lethei ad fluminis vndam Securos latices & longa obliuia potant. *Candide*, bone. *Occidis*, crucias me. *Rogando*, interrogando me obtundis. *Deus, Deus*, reddit causam suæ cessationis, dicens se à Cupidine prohibitū, ne cæptos olim iambos ad vmbelicum, id est, finem tam citò perduceret. *me vetat*, id est, vis scire quid mihi infuderit obliuionem? Amor qui & te sollicitat. *Promissum carmē iambos*. epexegetis. *Ad vmbilicum*, ad finem & perfectionem. sumta metaphora ex vmbilico corporis, ad cuius figuram ex osse, ligno, aut alia materia vmbilicī formati, libris addi & apponi solēt, ad conseruationem

& or-

& ornatum. Ad vmbilicum adducere, pro finire, naturale, & proprium est; nam corporis in vtero formati, in vmbilico finis est & conclusio, iccirco in medio corpore existit, superioris corporis finis, & inferioris partis initium. *Bathyllo*. nomen est pueri adamatı ab Anacreonte, cuius amorem scripsit, non ita perfecto & elaborato pede, quàm dulcibus modulıs. *Teium*, à loco & ciuitate, vnde fuit oriundus, vt alibi, Et fide Teia dices laboranteis in vno. *Caua testudine fleuit*. periphrasis est lyrae. *Amorem*, Bathylli. *Elaboratum*, perfectũ, perductum. *Pedem*, finem. *vreris ipse miser*, amas tu quoque. *Pulchrior ignis accendit*, id est, si Helena, quæ fuit causa incendij & subuersionis Troiæ, nõ fuit speciosior quàm Terentia, quam deperis, illa vttere, & gaude fato tuo, quo nactus es puellam tam pulchram. Mirè autè dicit vreris, deinde ignis, alterum, propter amorem qui exurit amãteis, alterum, propter incendium Troiæ. *Gaude, vttere*, 'gloriare. *me libertina*. ostendit se non esse eius dignitatis, vt in amoribus cum Mæcenate certare velit, & iccirco ait sibi sufficere, libertinam Phrynen, ex ancilla liberam factam, quæ etiam non sibi propria erat, sed cum multis communis. *Vno*, amatore. *Contenta*, nempe meretrix. *Macerat*, torquet amore.

CRVQVIVS.

MOLLIS inertia. periphrasis amoris, qui segnitiam habet comitem, hoc est, nullius rei, vel vtilis, vel honestæ curiosum laborem: dicitur enim Segnitia, definitore Paulo, quod sit sine nitendo quid vtile aut honestũ. Ignauia, ῥαθυμία, μαλακότης, quæ faciliè dissoluit omneis animi vireis, & hebetat, vt canit ille, Cumq; animus languet, consumit inertia corpus. *Obluionem*, promissi carminis ἀμύληαν, crassam negligentiam, neglectum obli-

uioni proximū. *Letheos somnos*. periphrasis lethargi qui morbus veternus Latinè redditur, quem tāta dormiendi necessitas consequitur, vt vix expugnari possit, ideoque solet ei comes esse obliuio. *Ducētia*. per Aphēresin pro adducentia, efficientia, cui est contrarium, somnos educere: Silius vndecimo, sub hiberno somnos educere cælo. *Deus deus nam me vetat*. Translatio, qua purgat se ab obliuione, & amore quæ in caussa non fuisse ait carminis non absoluti, sed Cupidinem amoris deum hoc noluisse, quasi theomachia superatus à Cupidine Apollo, tamdiu illi Horatiū cedere opus fuerit, quamdiu Cupidini videretur. *Arsisse Bathyllo*, amore Bathylli. sic ode 4. li. 2. *Arsit Atrides medio in triumpho Virgine rapta*. Deinde ode 9. libr. 3. *Donec non alta magis arfisti &c.* *Non pulchrior ignis*. Liptote; non pulchrior, id est, turpior, hoc est, si Helena, cuius gratia Troia incendio periit, fuerit turpior tua puella, tibi plaude, tua beatitudine contentus fruere. *Phryne*. Phrynes meretricis nobilissimæ, quæ & Mnesarete prius dicebatur, meminit Athenæus lib. 13. copiosissimè fortasse ἀπὸ τοῦ φρύγος deducto vocabulo, seu à colore lurido. videndus est præterea Arnobius de gentibus, de Phryne Thespiaca: vnde facile quis videat Mæcenatem hic ludibrio haberi ab Horatio quòd sua Phryne libertina licet publica, tamen forma superaret puellam Mæcenatis.

In Nearam amicam querela periurij:

Epodos Iambica 15.

Nox erat, & calo fulgebat Luna sereno

Inter minora sidera:

Cum tu magnorum numen laesura deorum

In verba iurabas mea,

Arctius at que edera procera astringitur ilex,

Lentis

Lentis adherens brachijs:
Dum pecori lupus, & nautis infestus Orion
Turbaret hibernum mare:
Intonsosq; agitare Apollinis aura capillos,
Fore hunc amorem mutuum.
O dolitura mea multum virtute Neæra:
Nam si quid in Flacco viri est,
Non feret assiduus potiori te dare nocteis,
Et quæret iratus parem.
Nec semel offensa cedit constantia formæ,
Si certus intravit dolor.
Et tu, quicumque es felicior, atque meo nunc
Superbus incedis malo:
Stis pecore; & multa diuës tellure licebit:
Tibiq; Pactolus fluat:
Nec te Pythagoræ fallant arcana renati:
Formæque vincas Nireæ:
Eheu, translatos alio mœrebis amores:
Ast ego vicissim risero.

COMMENTATOR.

CONVERITVR de Neæra, quòd non seruet fi-
 dem iuramenti sibi præstiti, quò se obstrinxerat semper
 cum Horatio victuram, sed contra se periurijs eius
 deceptum iam ab illa despici, quòd seriò amorem
 suum in alium transtulisset, quem tamen negat per-
 petuum futurum. Hoc metrum constat ex senario epi-
 co proodico, & binario Iambico epodico. *Nox erat*, tem-
 pus noctis: horrendum ipsum iuliurandum facit, au-
 getque istius periurij culpam, ab adiunctis, quod me-
 tuendo tempore & sacro, quasi dijs magnis testibus
 factum sit, nimirum, nocte silente, celo sereno, & Luna
 cum minoribus stellis lucente. *Inter minora sidera.* ad
 compa-

comparationem globi Lunaris appellat stellas, minora sidera. *Tu*, o Neæra. *læsura numen*, peieratura, pollutura tuum iuramentum, quia es mentita: ad euentum autem refert, quoniam non, cùm iuraret, studium fallendi in animo haberet, sed quod postea fidem rupit. *In verba iurabas mea*, id est, secundùm ea verba quæ proponebam, hoc autem iusiurandum, conceptis verbis, dicitur, quû alter alteri verba dicit quæ sequantur. *Arctius*, strictius. id est, iurabas te arctius mihi coniunctam fore, quàm ilex edera astringitur. *Atque*, pro quàm. *lentis*, mollibus, tardis, diutius in amplexu hærentibus. aliquando significat flexile: vt, lentæque genistæ. *Adharens*, inhærens. *Brachijs*, meis. *Dum*, donec. *lupus*, erit infestus, insidiabitur. Tale est illud Virgilian. In freta dum fluuij current, dum montibus vmbra Lustrabunt, conuexa polus dum sidera pascet, &c. *Hibernum*, tempestuosum, & turbando quasi hibernum faceret, quod Orion hiberno tempore concitet maiorem tempestatem. *In tonsosq; agitare*. Apollo cœnitus & iubatus depingitur propter iubas luminis, quas Sol emittit, qui & Apollo dicitur. *Aura*. dicitur aura agitare crineis Apollinis, quod feruor Solis & ardor refrigeretur aura agitata ventis. *fore hunc amorem*. hæc ad verbum *iurabas* referenda sunt. *Mutuum*, parem & alterum. *O dolitura*, hoc est, si iratus à tuo semel amore recessero, valde dolitura es, quia non amplius poteris animi mei constantiam euincere, & ad tuum amorem flectere. *Virtute*, animi constantia. *Viri est*, id est, si quid in me est virtutis. *Non feret assiduas*, integras & continuas. *Potiori*. riuali qui tibi potior videtur. Ceterum Flaccus riualet suum nunquam sibi ipse præferret, vt alibi. Cerea brachia Telephi, & roseam ceruicem, dixit ex animo meretricis. *Parem*, puellam quæ illum amet.

Nec

Nec semel offense. Quod solet in amanteis cadere, nam post litem & iracundiam solent amasijs denuo esse supplices. Est autem sensus, Constantia mentis meæ non cedit formæ tuæ, à qua semel est offensa, quò minus eam contemnat, ac relinquat, si indignationem contra te concepero: Constantia itaque amatoris cedit formæ mulieris, quando læsus non audet ab amore decedere. forma offensa pro ea qua offenderit, voce quidem passuum est, offensa, sed significatione actiuum. *Si certus intrarit dolor.* si ira cor meum penetraverit. *Et tu quicumq; es.* Apostrophe ad suum rivalem, qui cum ridebat, & lætabatur à Neæra despici & excludi. *Malo,* quod eiectus nunc sim. *licebit,* pro licet, id est, quamuis. *Tibiq; Pactolus fluat.* scilicet aurum, id est, etsi tantas habeas diuitias, ut tibi videatur Pactolus aurum fluere: Pactolus autē & Hermus fluuij sunt Lydiæ, arenas aureas secum in decursu trahentes. ut, Pactolus qui culta serat non vilior Hermo. *fallant, lateant.* *Arcana.* præcepta secreta omnis philosophiæ, quæ Pythagoras docuit. i. quanuis sis philosophus Pythagoricus. *Renati,* id est, denuò nati: Quia dicitur anima Pythagoræ primum Euphorbi Troiani fuisse, vnde dictus est Panthois, deinde Homeri, postea in ipsum Pythagoram transisse, in cuius rei argumentum dicebat se agnouisse eundem clypeum quo ad Troiam militauerat. Simili modo etiam Apuleius scribit de Asino aureo, animam suam fuisse in corpore Asini, meminisseque se deuexisse plurima segmenta & onera in Ægyptum. Nam dicebant antiqui secundum eam quam quis vitam duxisset, secundum eandem illius animam post mortem in alia corpora migrare. *formæque vincas Nireæ.* Tria commemorat, quibus amor nascitur & augetur, nimirum, diuitias, sapientiam, & pulchritudinem

dinem. Idem facit Virg. in 2. *Ægloga*, inquiens de diuitijs, Mille meæ Siculo errant in montibus agnæ, &c. de sapientia. vt, Canto quæ solitus si quando armenta vocabat Amphion Dirchæus, &c. De pulchritudine. vt, Nec sum adèò informis, nuper me in littore vidi. *Nireæ*. accusatiuus est Græcus à Nireus, sicut, τὸν Ὀρφέα, τὸν Ἀνδρέα. *Inherebis*, flebis. *Amores*, *Nexæ*, nam tibi fidem mentietur, quam nec mihi seruauit. *viciſſim*, alternatim te ridebo cùm fueris ab illa spretus.

C R V Q V I V S . °

Læsura. lædere propriè est afficere contumelia, à Græco nomine λοιδορία quod conuictium significat. verùm communiter transfertur ad omnem offensionem, siue dicto ea contingat, siue facto. Plautus in *Captiuis*. Memini quum dicto haud audebat, facto nunc lædat licet. dicit autem Horatius, læsura numen, puta facto. nimirum quòd iuramēto violato, daret alij nocteis assiduas, cuius periurij culpa augetur, quod eo tempore iuraue-
 • rat quo erat diffusa membris Horatij. Criminatur itaque Horatius *Nexam* conceptis verbis peierasse, in-
 • expiabili periurio. *In verba iurabas mea*. i. ego verba iurisiurandi præibam quæ tu iuramento cōfirmabas. *Intonsosque agitare*. fingitur enim Apollo imberbis & capillitio prolixo. Hinc Pindarus illum ἀκευρεκόμαν seu ἀπερ-
 • σκόμαν, nominat, qui & à pulchra coma dicitur χευσκό-
 • μος, auricomus. Nam si quid in Flacco viri est. fortasse per antiphoram obiecti cōuitij, alludit ad adiectiuũ, *flaccus*. quasi Horat. flaccidis & dimissis auribus, in re venerea illi non satisfecisset; nam cognomen *Flaccus* ab auribus flaccidis mobilibusque deductum est. Et tu quicumq; es. vulgata editio habet *At tu quicumque es*, quam sequun-
 • tur om-

tur omneis. At quatuor cod. Blandinij habēt, *Et tu &c.*
 quos sequutus sum, cuius causam Lector peritus iudicare poterit. *Sis pecore*, concessio caussarum amoris.
Eheu translatos. tres codices Blandin. habent, heu, heu:
 4. autem eheu.

Ad Populum Romanum Commiseratio
Reip. propter Ciuilia bella.

Altera iam teritur bellis ciuilibus atas,
Suis & ipsa Roma viribus ruit;
Quam neque finitimi valuerunt perdere Marſi,
Minacis aut Hetruſci Porſenæ manus,
Aemula nec virtus Capuæ, nec Spartacus acer,
Noviſque rebus infidelis Allobrox:
Nec fera cerulea domuit Germania pube,
Parentibusq; abominatus Hannibal:
Impia perdemus deuoti ſanguinis atas:
Ferisq; rursus occupabitur ſolum.
Barbarus heu cineres inſiſtet victor: & Urbem
Eques ſonante verberabit vngula:
Quaq; carent ventis, & ſolibus oſſa Quirini,
Nefas videri, diſſipabit inſolens.
Fortè quid expediat communiter aut melior pars
Malis carere quaritis laboribus.
Nulla ſit hac potior ſententia Phocæorum,
Velut profugit execta ciritas;
Agros atque lareis patrios, habitandâq; ſana
Apris reliquit, & rapacibus lupis:
Ire pedes quocunq; ſerent, quocunq; per vndas
Notus vocabit, aut proteruus Africus.
Sic placet? an melius quîs habet ſuadere? ſecunda
Ratem occupare quid moramur alite?

Sed iuremus in hac. simul imis saxa renarint
Vadis leuata: ne redire sit nefas:
Neu conuersa domum pigeat dare lintea, quando
Padus Matina lauerit cacumina:
In mare seu celsus procurrerit Apeminus:
Noua q₃ monstra iunxerit libidine
Mirus amor: iuuat vt tigreis subsidere ceruis:
Adultcretur & columba miluio:
Credula nec rauos timeant armenta leones:
Amet q₃ salsa leuis hircus aquora.
Hac & qua poterunt reditus abscindere dulcis,
Eamus omnis execrata ciuitas,
Aut pars indocili melior grege: mollis & expes
Innominata perprimat cubilia.
Vos, quibus est virtus, muliebrem tollite luctum,
Etrusca prater & volate littora.
Nos manet Oceanus circumuagus: arua, beata
Petamus arua, diuites & insulas:
Reddit vbi Cererem tellus inarata quotannis:
Et imputata floret vsque vinea:
Germinat & nunquam fallentis termes oliua:
Sua in q₃ pulla ficus ornat arborem:
Mella caua manant ex ilice: montibus altis
Leuis crepante lympa desilit pede.
Illic iniussa veniunt ad mulctra capella
Refert q₃ tenta grex amicus vbera:
Nec vespertinus circum gemit vrsus ouile:
Nec intumescit alta viperis humus:
Plura q₃ felices mirabimur, vt neque largis
Aquosus Eurus arua radat imbribus,
Pinguia nec siccis vrantur semina glebis:
Virumque rege temperante calitum.

Non huc Argoo contendit remige pinus:
Neque impudica Colchis intulit pedem.
Non huc Sidonij torserunt cornua nauta:
Labōriosa nec cohors Vlyssēi.
Nulla nocent pecori contagia: nullius astri
Gregem aestuosa torret impotentia.
Iuppiter illa pia secrevit littora genti
Vt inquinavit ære tempus aureum:
Ære, dehinc ferro duravit secula, quorum
Pijs secunda, vate me, datur fuga.

COMMENTATOR.

CONVERITVR Horat. atque execratur quòd
 bellis civilibus nullus finis imponatur. Metrū est prio-
 re versu heroicum, posteriore iambicum trimetrum
 acatalecticum. *Altera ætas.* Quia post bellum cōmissum
 à Cæsare & Pompeio, statim alterum parabatur ab Au-
 gusto Cæsare contra Brutum & Cassium interfectores
 Cæsaris. *Teritur, consumitur. suis viribus,* mutuis cædi-
 bus. Sic & Liuius, magnitudine laborat sua, id est, in
 pernitiem suam fortis facta est Roma. *Quam neque fini-*
timi valuerunt. Sensus in multos versus protenditur
 priusquam concludatur, id est, quam tot hostes non po-
 tuerunt perdere, nos impia ætas perdemus civilibus
 discordijs & bellorum furij: *finitimi,* vicini. *Marsi,* po-
 puli Italiæ bellicosi, Romanis diu fuere infesti, quibus
 primi mouerunt bella socialia. *Porſenæ manus.* Porſena
 rex fuit Hetruscorum, qui cum Tarquinio Superbo Ro-
 mam obsedit, minatus illā se demoliturum, nisi Tarqui-
 nium eiectū intra urbem reciperent, sed Romanorum
 virtutem deijcere nō valuit: vt, Porſenna iubebat Acci-
 pere ingentiq; urbem obsidione premebat. *Æmula nec*
virtus Capuæ. Quia Capua sperauit se posse eripere Ro-

manis imperium, affectauit enim regnū Italiæ, iccirco bello Punico Capuenses pro Carthaginibus stabant. Capua autē ciuitas est inter Romā sita & Beneuentum, à qua Campania regio dicta est. *Nec Spartacus acer.* Spartacus dux & princeps gladiatorū illorū quatuor & septuaginta, qui ludo Lentuli egressi, graue prælium cum Romanis gesserunt, magna vndiq; feruorū manu cōacta. *Novisq; rebus.* coniurationi Catilinariæ. *Infidelis,* non fidus sed proditor. Quia & Lentulo principio quidem cōsensere Allobroges & Caulinę: sed postea illos prodiderunt Senatui, timore potius, quàm amore affecti erga Romanos. Quod grauib; postea bellis cōtra Romanos gestis ostenderunt. Allobroges autem sunt Galli ruffi, & Sequanici dicti, incolētes illū tractum alpium, qui est à Visontio in Germaniam, qui vehementer res nouas affectant, vnde & ducibus suis rarò fidē seruant, habentq; flauum præcipuè capillitium. *Cerulea pube.* Retulit autem hoc ad colorē oculorum: habent enim Germani, alij cæruleos, alij cæsius siue glaucos oculos, quorum hi sunt alijs atrociores. *Parentibusq; maioribus nostris.* Abominatus, execrationi habitus. *Impia perdemus.* hic clauditur periodus. i. clausula superius cœpta, Nos, inquit, perdemus Romam Romanī, quā supra dictæ gentes & hostes acerrimi perdere non valuerunt. *Nos impia ætas.* i. nos impia ætate nati. *Deuoti sanguinis.* i. rei & execrandi. *ferisq; rursus.* Ante enim quàm ædificijs ornaretur Roma, silua fuit & ferarum habitaculum. *Occupabitur solum.* interfectis scilicet ciuib; ac vrbe deleta. *Barbarus heu.* ingemiscit ita desertum vrbis locū futurum, sicut fuit antequam conderetur. *Cineres insistet.* i. super cineres stabit: dicimus autem, insisto illā rem, & insisto illi rei. Cum, inquit, bellis ciuilib; vrbs nostra in solitudine m

tudinem fuerit redacta, reliquias illius barbari occupabunt, per eas equitabunt ac superbè insultabunt, atq; illa quæ iam religiose sepulta sunt, effodient, dissipabuntq;: *Vrbem*, vrbis reliquias. *Quæq; carent ventis*, hoc sic dixit, quasi Romulus sepultus est, & aut non sublatus ad cælum, aut non discriptus à patribus. certè fabulosum & fictum est, quòd inter deos dicatur fuisse translatus. nam reuera fulmine ictus, totisq;ue consumtus interiit, ossaq;ue eius sepulta sunt. Nam & Varro pro rostris sepulcrum Romuli dixit, vbi etiam in huius rei memoriam duos leones erectos fuisse constat, vnde factum est vt pro rostris mortui laudarentur. Quare rectè canit Horatius: *Quæq; carent ventis & solibus ossa Quirini*. quia in sepulcro condita, nec Solis calore, nec flatu ventorum moteri aut labefactari possunt. Alij hoc referunt ad templum Quirini semper clausum, quod nunquam temerè patefacere licebat. *Nefas videri*, exclamatio pathetica, id est, contra fas est, si videantur ossa Romuli sepulta, & palàm fiant. *forte quid expediat*. sensus est: Quia pacem habere in nostro solo nolumus fortasse communiter, id est, generatim omnes sapientes, & insipientes, nobiles, & ignobiles, aut melior pars sapientum & nobilium, quæritis quid nobis vtile sit, & quo consilio possumus carere malis his laboribus bellorum ciuiliū? Accipite consilium, ne potior nobis vlla sit sententia, quàm vt eamus quocunque nos pedes ferent, velut Phocæorum ciuitas profugit, execrati agros atq; lareis patrios, fanaq; reliquit habitanda apri, &c. *forte quid*, fortasse quid expediat, supplendum, *Queritis*. *Melior pars* queritis, syllepsis: sicut, pars in frustra secant. *Malis laboribus*. propter perpetua bella ciuilia. *Nulla sit hac p. s.* hortatur iam illos in hanc sententiam nempe vt

sequatur Phocæos. Phocæa ciuitas olim Ionię relicta à
 suis ciuibus Phocæensibus, cū oppugnarētur ab Har-
 pago regis Cyri præfecto, qui relicto patrio solo vene-
 runt in Galliam, Massiliamq; urbem condiderunt. *Ire
 pedes quocunq;*. Hæc enim melior est sententia. *Proteruus,*
peruicax. *Sic placet?* per interrogationem. *Secunda ratem.*
 Suadet non esse cunctandum quin naueis conscendāt,
 dum nemo proponit aliam sententiam. *Secunda alite.* se-
 cundo auspicio, bono omine. *Sed iuremus in hæc.* Sensus
 est, sed antequā nauigemus, iuremus in hæc verba, nos
 nō redituros ad domos nostras antiquas, donec saxa ab
 imo maris renatarint ac emerſerint sursum. quod nun-
 quam futurū est. quo argumento intelligēdum est illō
 decreuisse nō esse redeundum. *ſimul inis.* simul ac, mox
 vt. *Ne redire.* ne videatur nobis nefas redire ad patriam,
 cū hæc facta fuerint. *Conuerſa lintea.* naueis ad urbem
 Romam verſas. *Dare lintea conuerſa domum,* est renauiga-
 re ſeu nauigio domum redire. *Padus,* fluuius Italiæ, qui
 & Eridanus dicitur. *Matina cacumina.* verticem montis
 Matini qui est in Calabria. hoc autē ſimile est illi: Ante
 pererratis amborum finibus exul, Aut Ararim Parthus
 bibet, aut Germania Tygrim &c. Nam cū ne radices
 quidem montis Matini Padus contingere poſſit, quo-
 pacto ſuperfluet illius verticem? Padus enim Galliæ ci-
 terioris fluuius eſt, & Matinus mons Calabrię longiſſi-
 mo tractu à Pado diſtans. *In mare ſeu celſus.* ſuppl. tunc
 non pigeat redire domum, quādo Apenninus, qui pro-
 cul eſt à mari, procurrerit eō, vt promōtorium eius fiat.
 Apenninus autem mons ab Alpibus ortus & mediam
 Italiam longiſſimo tractu verſus Siculum fretum, quaſi
 dorſo quodam ſcindens, inferum mare à ſupero diui-
 dit. *Monſtra,* diſpares feras. *Noua libidine,* nouo deſiderio.

Iuuer.

Iuuet, delectet. *Subsidere*, succumbere ad coitum: & est hypallage, pro, delectet ceruos subsidere tygribus. *Adulteretur*. coëat, seu patriatur columba subijci se miluo. *Credula*. in hoc scilicet vt nō timeant leones, sed se illis committant. *leuis hircus*. sine setis, non hirsutus, nō setosus. *Amet aquora*, gaudeat manere in aquis & natat. *Hæc & quæ*, in hæc verba iam dicta quū iurauimus, & alia, quæ possunt abscindere, id est, prohibere reditus nostros, dulceis quidem omnibus natura, sed ingratos vobis propter bella ciuilia. *Eamus omnis*. syllepsis in numero, & epexegetis. *Aut pars indocili*, hoc est, aut omneis, aut nos melior pars indocili grege eamus. *Indocili grege*. gre gem indocilem vocat vulgus ignobile & imperitum, quod persuaderi non potest. *Mollis*, segnis, iners. *Expes*, sine spe: *Expers*, sine parte: *Exlex*, sine lege. *Inominata*. i. mali ominis, siue malū omen habentia. *Perprimat*, quasi torpens lectulos suos cōtinuū calcet. Mirè autem subiungit cubilia, nam præmisit grege. *Vos quibus est*, vos qui estis cōstantiores, & sapientiores. *Muliebrem luctum*. epitheton naturale, quia omnis luctus est mollis. vel *Tollite*, id est, pellite luctum muliebrem, ne possint vos flendo vxores ab instituto cursu detinere. *Præter & volate*, id est, præternavigate, & fugite vltra mare Etruscū. *Nos manet*, expectat. *Oceanus circumuagus*, id est, circumfluus, insulis fortunatis vicinus. *Arua beata petamus arua*. elegans repetitio. Sic & Maro: Si datur Italiam, &c. & iterum, Italiam læti Latiumq; petamus. *Diuites*, id est, fortunatas insulas, quæ sunt supra Britāniam, vltra Orcades insulas, vbi nullos nisi pios, & iustos habitare, primū scripsere Græci, suisque carminibus celebrauere amœnitatem loci, & fertilitatem, eum appellantes Elysios campos. *Reddit vbi cererem*, messem copiosam.

vt: ipsaq; tellus Omnia liberius nullo poscente ferebat. *Imputata*, non purgata, non præcisa. *floret vsque*. semper est copiosa & abundans. *Nunquam fallentis*. semper feracis. *Termes*. Termites autem dicuntur caules, thyrsi seu rami olearum. Caulis autē nomen est generis, propriè tamen conuenit omnibus herbis, & humilioribus fructibus. vnde legimus, Cū iam videritis cauliculos foliorum procedere, scitote quod æstas vicina est, id est, prima folia. Legimus etiam apud Romanos, si quis vulnus in prælio accepisset, illum domestico caule curari, id est, olere. Thyrsi autem & arborum rami sunt, & velamina puellarum. *suamque*, id est, naturalē, non insitam. Mirè autem dixit *suam*. nam quod apud nos magno labore insitio facit, ibi ipsa natura suggerit. Vt Virg. cum de insitis arboribus loqueretur, ait, Miraturque nouas frondejs & non sua poma. Et quoniam ficus quæ sponte, & sine insitione, aut cultura nascuntur, duræ esse solent & fatuæ, ac citò decidere, ibi inquit, tales nascuntur, vt etiam puellæ ornent suam arborem, nec desistant antequam sint maturæ. *Pulla*, nigrescens & matura. aliàs pullum, significat nigrum, vt Tullius, Cū tunica pulla sedere solebat & pallio. Sic & Virgil. ne maculis infuscer vellera pullis. *Caua*, carie consumpta. *lenis lymphe*. leniter defluens. Eleganter autem ipso versu susurrum aquæ salientis imitatus est. *Crepante pede*, id est, resonāte meatu, metaphoricis, ad nympham deam. *Iniussa*, sua sponte. *Mulctra*, mulctrum vas est in quo lac pressum recipitur: dicitur etiam mulctra in fœminino genere. Virgil. Bis venit ad mulctram, binos alit vbere fœtus. vocatur etiam mulctrale. *Refertq;*, domum. *Tenta*, plena, distenta. *Amicus*, propter cōmoda. *vbera*. sic Virg. Ipsæ lacte domum referent distenta capellæ *Vbera*. Nec
vesperiti-

Vespertinus. dixit huc vsq; bona quæ ibi adsunt, nunc vicissim enumerat mala quæ ibi non sunt. *Vespertinus*, nocturnus, quia per noctem lustrat ouilia. *Circumgemit*, insidiatur. Proprietatē autem vsorū expressit in verbo gemere. Sic nec magnos metuent armēta leones. *Nec intumescit*, neq; sæuiunt viperæ in illa regione. & est hypallage. i. neq; humus, in altas latebras premit vipersas, *Pluraq;*. i. hæc & plura alia mirabimur, si eò peruenerimus. *Vt neq;*, *largis*, non erunt ibi nimie, & frequentes pluuiæ, quæ solent esse noxiæ, sed lentæ iugesq; , nec etiā nimij solis calores. *Radat*, vexet nimijs frigoribus, aut nimia tempestate. *Vrantur*, aut ardore aut frigore. *utrumq;*, hiemem & æstatem. *Temperante*, moderante. *Calitam*, Cælitēs dicimus, Cælestes, tātum pluraliter. *Non huc Argo*. dicit fortunatas insulas securas esse ab incurſu hostium, nec posse illuc peruenire aliquem nautam, quales fuere socij Iasonis, neq; aliquam maleficam, qualis fuit Medea, quæ Iasonem sequuta è Colcho cum Argonautis nauigauit. *Argo* autē vocata nauis est Iasonis. hinc Argonautę dicti, qui cum Iasone in Pontum profecti sunt ad auferēdum vellus aureum, quo argumētō docet in insulis fortunatis, nullas huiusmodi insidias fieri posse. *Colchis*. Medeam significat, quòd vult illic nullam esse veneficā. *Sidonci*, per Sidoneos vult Cadmū intelligi, qui cum socijs maria perlustrauit. *Torserunt*, conuerterūt. *Cornua*. Antennarū: vt, Cornua velatarū obuerſimus antennarum. *Cohors Vlyssci*, Vlysses cum suis socijs. Quæ utique cohors si huc venisset, capta loci bonitate nunquā postea decessisset. *Contagia*, pestilentia. Contagium morbus dictus est, quod tactu contaminet omnem gregem. vt, Nec mala vicini pecoris contagia lædent. *Impotentia*, nimis vehemens potentia, qualis est

Sirij stellæ, & Leonis aſtri, & aliorū quorūdam: vt Ma-
ro, Tum ſterileis exurere Sirius agros. *Iuppiter illa pie.*
reddit autem cauſſam, quare tantæ amœnitatis ſint in-
ſulæ fortunatæ, nempe, quia Iuppiter illarū inſularum
littora ſegregauit habitanda pijs hominibus. *Vt*, poſt-
quam. *Inquinauit*, permutauit. *Aere*, æreo ſæculo. *Dura-
uit*. dura fecit & mala, & per hoc deprauauit. Sæcula au-
tem diſtincta ſunt metallis: Primum auro, alterum ar-
gento, tertium ære, quartum ferro. *Quorum*, ſæculorum
æris & ferri. *Pijs*, vobis. *Secunda fuga*, proſpera declina-
tio, *Me Vate*, me ſuaſore, meo conſilio vobis datur opor-
tunitas, vt fugiatis peſſima ſæcula plena ferro & ciuili-
bus armis.

C R V Q V I V S.

ALTE RA iam teritur. Non eſt veriſimile ætatem hic
eſſe ſæculum, vt volunt aliqui, & continere omneis tu-
multus ciuileis, à Tiberij Gracchi temporibus uſq; ad
ſedatam ab Auguſto omnibus ſuis deuiſtis hoſtibus,
rempubl. Nam ſi hoc ſentiamus, neceſſe erit nos omni-
nò ineptire. Poſt Antonium enim pugna Actiaca vi-
ctum & extinctū (quo tempore etiam in viuſ erat Ho-
ratiuſ) Romæ ceſſatum eſt à ciuili diſcordia: nec alia
poſt ætas, quam deteſtaretur ſuo tempore Horatiuſ,
legitur magnopere illis malis obnoxia fuiſſe. Quare
neceſſe eſt vt aliò nos vertamus, atque ætatem propriè
deſcribamus nempe triginta annorum ſpaciū, paulò
plus minùſue, qua in re conſentiunt doctiſſimi quique.
Priorem itaque ætatem bellorum ciuiliū (nam antea
omnes ciuiū inter ſe contentiones, atque tumultus,
veriùſ factiones quàm vera bella nominaueris) eam ac-
cipimus, quæ ſub annū ab vrbe condita ſexcenteſimum
ſexage-

sexagesimum secundum plus minus orta est inter Syllam & Marium, durauitque ad ea usque propè tempora quando à Pompeio & Cæsare de primatu Romanæ urbis dimicari cœptum est. Alteram verò ætatem, Horatio hîc impiam & execrandam appellatam, illam intelligendam existimo, quæ paulò post initium habuit, quàm Augustus Athenis reuersus persequi cœpit interfectores Cæsaris, Brutum & Cassium cum reliquis coniuratis. Atqui non crediderim, quod tamen subindicare videtur Cōmentator Horat. tunc temporis hos versus cōscripsisse vt qui tunc stabat tribunus militum à caussa & partibus Bruti, sed tunc cùm Augustus suam classem ornaret in Antonium & Cleopatram, quo tempore & ipse Augustus & tota Roma magno metu Antonij concussa traditur ob illius potentiam. Ergo altera impiaque ætas nascēte expeditione in formidabilem Antonium intelligenda est; vel gliscente bello in Brutū impia hæc ætas oborta est. Certè utrācunque ea fuerit, de illa ipsa eadem hæc scripta esse probabile est, quam putarim fuisse sub initium potius Antoniani belli. Fidem huius facit publica urbis tunc & maxima trepidatio: quanquam & alterius facere potest, optimorū plurimorumque tum ciuium cum Horatio in Brutam & commiseratio & fauor: quibus impulsus Horatius hæc ita tanquam in rebus summè desperatis, conscripserit. *Qua neque finitimi.* Hirnos figura. *Marfi*, belli Marfici, quod partim Agamemnone Archipirata duce cōtra Romanos, partim Franco imperatore gestum est, Sex. Iulio Cæsare, & Lucio Martio Philippo cōsulibus. meminit Orosius lib. 5. cap. 18: quod anno scribit ab vrbe condita, sexcentesimo quinquagesimo nono extitisse, sed illi in numero annorū cum alijs minime conuenit.

Nam Eusebius vnà cum Glareano in sua Chronologia, hoc bellum gestum scribunt, eisdem quidem Consul. sed anno sexcentesimo sexagesimo tertio. Eutrop. lib. 5. anno 650. Hic etiam Orosio cum Appiano, & Strabone discordia est de duce. Nam hi Popedium nominant, quem Orosius vult fuisse Italicum ducem. De Marſis autem ita scriptum reliquit Appianus bellorum ciuiliū libr. 1. Est enim gens hæc pugnacissima. ferunt nunquam aliàs de his triumphum visum. Nam ad id temporis nec sine Marſis nec de Marſis triumphatum fuerat. *Etrusca Porsena manus*. De bello Etrusco cum rege Porsena contra Romanos scribit T. Liuius annaliū libro secundo, & Lucius Florus libri primi cap. decimo. *Aemula nec virtus Capua*. Cicero in oratione quam de lege Agraria, ad populum habuit contra P. Seruiliū Rullū tribunū plebis: Capuam alteram Romam nominat. T. Liuius tertiæ Decadis libro tertio Capuanam à Romanis ad Annibalem defectionem scribit per Subiū Viriū cœptam & persuasam. vbi Annibalem commemorat, gratias agere Campanis, quod amicitiam suam Romanæ societati præposuissent & inter cetera magnifica promissa pollicitum, breui caput Italiæ omnis Capuam fore, &c. *Nec Spartacus acer*. de bello Spartaco, vide L. Florū libri tertij capite vigesimo, Orosiū libri quinti capite vltimo. *Infidelis Allobrox*. De Allobrogibus legatis, qui vnà cum Vulturio capti, quo pacto coniurationem Catilinariam, in quam prius consenserant, patefecerint, lege Sallustium in coniuratione Catilinæ: & Ciceronem in Catil. tertia, vbi hanc Allobrogum de coniuratione detectionem, non eorum erga populum Roman. caritati, aut fidei, aut constantiæ, tribuendum esse censet; sed

decorum

deorum in pop. Rom. beneuolentię & benignitati. *Cærulea*. Cæruleus color dictus est, quasi Cæluleius, quod propriè sit color cæli sereni. hinc Ennius, Cæli, inquit, cærulea templa, vnde & mare cæruleum. *Abominatus*. vnus cod. Bland. hic habet, *abominandus*. sed alterum mihi magis conuenire videtur. *Deuoti sanguinis*, id est, addicti & destinati in mutuam cædem & necem. *Quæq; carent ventis*. de sepulcro Romuli vide Dionysium Halicarnass. antiquitatum Roman. libro secundo, & Marlianum libr. 3. cap. 6. topographiæ vrbis Romæ. *Nefas videri*, ad hunc locum facit illud Ciceron. Philippica nona. Statuæ intereunt tempestate, vi, vetustate; sepulcrorum autem sanctitas in ipso solo est, quod nulla vi moueri neque deleri potest, atque vt cetera extinguuntur, sic sepulcra fiunt sanctiora vetustate. *Videri*, ita habent quatuor codices Bland. cum annotationibus, & Bussidianus cum Carr. codic. vbi malim sententiam apertam, quàm vnus pedis Iambi, eo loco non omnino necessarij, positionem conseruare: quantumuis etiam reclamet Glareanus. *forte*, pro fortasse dubitandi non etiam euentus aduerbium quod rarum est, vt etiam annotauit Lambin. *Melior pars*. quandoquidem iam & animis & bello ciuili diuisa videbatur esse ciuitas, iccirco ait melior pars, id est, sanioris iudicij & animi: nō autem interpretabimur hic, melior, id est, maior, vt habet Porphyrio vulgatus, auctoritate Virgilij: Nunc aded quoniam melior pars acta dici. Nam calceus etsi aptus sit, tamen, iuxta commune prouerbium, non omni pedi adaptandus est; ita neque cuiusque dictionis quæuis significatio cuius loco seruire debet. *sententia Phocæorum*. hoc modo habent expresse tres codices Bland. cum Bussidia. nimirum vel per *διαίρεσιν δι' ὁρίων*, vel à

vel à nomine *φοκαεύς*. de Phocæa Ionîæ ciuitate, vide Herodotum lib. 1. vbi luce meridiana clarius videbis, Porphyrionem vulgatum, & cum eo Glareanum, tota errare via, in eo quod scribunt, execrata participiũ, vim suam explicare in accusatiuos sequenteis, scilicet agros atque lares patrios, re quasi execrata, id est, detestans agros &c. quum execrata hîc sit execrationibus astricta; habet enim Herodotus: Porro Corsicã traiecturi Phocæenses, prius diuerterunt Phocæam, præsidiaque illic Persarum quæ ab Harpago fortè custodiæ causâ relicta fuerant, trucidarunt, quibus patratis quotquot ex classica sodalitate supererant, cõmuni consilio sese mutuis execrationibus, dirisque deuotionibus astringunt &c. Porro deuotionis faciendæ ritum describit T. Liuius primæ Decadis lib. 8. de execratione, vide Sallustium in Catulina, & Tit. Liuium Decad. tertiæ lib. 6. de Acarnanibus. *ferent*. Hanc lectionem 4. codicum & Carr. seruani, quia illi respondet in tempore *vocabit*. *Simul imis saxa renarint*. Alludit Horat. ad iuramentum Phocæorum, quod Herodotus his verbis describit, Ad hæc grande saxum in mare demergunt, iuramentoque confirmant, non prius se de repetenda patria cogitatu-
 rous, quàm saxum vadis imis leuatũ renarit. Hæc verba sunt interpretis Laurentij Vallæ, qui τὸ μύδρϙ reddit saxum, alij vertunt massam ferream ardentem, alij laminam. *Matina lauerit cacumina*. Matinus mons est, seu promontorium Apuliæ, de quo Lucanus lib. 9. sic scribit, Sic vbi depastis submittere gramina campis, Et renouare parans hibernas Appulus auras, Igne fouet terras; simul & Garganus & arua Vulturis & calidi lucent buxeta Matini, &c. hic nescio quo iudicio adductus Hermannus Figulus, vir alioqui bene literatus, cõmentatus est Pa-

est Padum præterlabi Matinum in montem qui multis passuum milibus à Pado determinatus est. *Procurrerit Apenninus*. Tale est illud Plinij, Et excurrente velut in altum Attica terra, nam quæcunque terra in mari prominet, in mare excurrere seu procurrere, quasi mōtem mari factura videtur, vnde promontorij nomen sumptum est. *Miluo*. Quatuor cod. Blandin. cum Buslid. & Carr. habent Miliio per diæresin. *Credula nec rauos*. hæc dictio rauus, vel à colore Leonum qui medius est inter flauum & cæsum, vel ab oculis illorum, aptior mihi visa est quàm flauus, præsertim in eam consentientibus quatuor cod. Bland. iccirco illam suo loco putavi non esse mouendam. *Imputata*. imputatum, inquit Festus, mundum, purgatum; putum enim est purum, vnde putare vites dicimus, hoc est detrahare, quæ impedimento sunt ad fructum. *Termes oliuæ*. Termes, inquit Paulus, ramus direptus ex arbore, nec folijs repletus, nec nimis glaber, cui à terminandis agris, ante metam positam, nomen datum videtur. Gellius lib. 2. cap. 26. vbi de coloribus agit, Spadica, inquit, Dorici vocant auulsum è palma termitem cum fructu. *Circumgemit Vrsus ouile*. 4. cod. habent ouili.

*In Canidiam, cuius se fingit venescijs superatum,
& allegoricos illam deprecatur vt sibi parcat.*

Jambicus trimeter.

*Jam iam efficaci do manus scientia:
Supplex & oro regna per Proserpina,
Per & Diana non mouenda numina,
Per atque libros carminum valentium
Refixa calo deuocare sidera,
Canidia parce vocibus tandem sacris:*

Cicumq;

Citumq; retro solue, solue turbinem.
Mouit nepotem Telephus Nereium:
In quem superbus ordinarat agmina
Mysorum: & in quem tela acuta torserat.
Vnxere matres Ilia addictum feris
Alitibus, atque canibus homicidam Hectorem:
Postquam relictis mœnibus rex procidit,
Heu, peruicacis ad pedes Achillei:
Setosa duris exuere pellibus
Laboriosi remiges Vlysses
Volente Circe membra: tunc mens & sonus
Relatus, atque notus in voltus honor.
Dedi satis superq; pœnarum tibi,
Amata nautis multum & institoribus,
Fugit iuuentas & verecundus color
Reliquit ossa pelle amicta lurida:
Tuus capillus albus est odoribus:
Nullum à labore me reclinat otium:
Vrget diem nox & dies noctem: neque est
Leuare tenta spiritu præcordia.
Ergo negatum vincor: vt credam miser,
Sabella pectus increpare carmina,
Caputq; Marsa dissilire nania.
Quid amplius vis? O mare, & terra, ardeo:
Quantum neque atro delibutus Hercules
Nesci cruore: nec Sicana feruida
Virens in Actna flamma. tu donec cinis
Iniuriosis aridus ventis ferat,
Cales venenis officina Colchicis.
Qua finis? aut quod me manet stipendium?
Effare: iussas dum fide pœnas luam,
Paratus expiare. seu poposceris

Centum iuuenços : siue mendaci lyra
 Voles sonari: tu pudica, tu proba,
 Perambulabis astra sidus aureum.
 Infamis Helena Castor offensus vice:
 Fraterq; magni Castoris, victi prece
 Adempta Vati reddidere lumina.
 Et tu (potes nam) solue me dementia,
 O nec paternis obsoleta sordibus,
 Nec in sepulcris pauperum prudens anus
 Nouendialis dissipare pulueres.
 Tibi hospitale pectus, & pura manus:
 Tuusq; venter Pactumeius: & tuo
 Cruore rubros obstetrix pannos lauit,
 Vt cunque fortis exilis puerpera.

Verba Canidia respondentis & Horatio veniam
 denegantis quia eius veneficia vulgauerat.

Quid obsecratis auribus fundis preces?
 Non saxa nudis surdiora nauitis
 Neptunus alto tundit hibernus salo:
 Inultus vt tu riseris Cotytia
 Vulgata, sacrum liberi Cupidinis?
 Et Esquilini pontifex venefici
 Impune vt urbem nomine impleris meo?
 Quid proderit ditasse Pelignas anus,
 Velociusue miscuisse toxicum,
 Si tardiora fata te votis manent?
 Ingrata misero vita ducenda est in hoc:
 Nouis vt vsque suppetas doloribus:
 Optat quietem Pelopis infidi pater,
 Egens benigna Tantalus semper dapis,
 Optat Prometheus obligatus aliti:

Optat

Optat supremo collocare Sisyphus
 In monte saxum : sed vetant leges Iouis.
 Voles modò altis desilire turribus :
 Modò ense pectus Norico recludere :
 Frustrag³, vincla gutturi nectes tuo,
 Fastidiosa tristis agrimonia.
 Vectabor humeris tunc ego inimicus eques:
 Meaq³, terra cedit insolentia.
 An qua mouere cereas imagines,
 Vt & ipse nosti curiosius & polo
 Deripere Lunam vocibus possim meis:
 Possim crematos excitare mortuos,
 Desideriq³, temperare poculum:
 Plorem artis in te nil agentis-exitum?

COMMENTATOR.

Q. VONIAM superius ipsius Canidiæ famæ derogauerat Horat. & multis probris ei turpissimè detraxerat, fingit hic se illius magica amentem iam factum ob illius amorem, seque palinodiam canere velle, quasi doceat talia se scripsisse : interea eleganti urbanitate, illam in vna eademque clausula simul & laudat & vituperat. Efficaci, potenti. Scientia, arti magicæ. *Do manus.* dare manus dicimus quando nos per omnia alicui tradimus & credimus. *Do manus, cedo. Regna per Proserpinæ.* Proserpinam, quæ dea præses est inferorum, magici colunt & inuocant. *Dianæ non mouenda numina.* non violanda, nō offendenda, ad iram non prouocanda, non mentienda, non execranda. vel non monenda, quia numina infera non mouentur, neque flectuntur. Per aurē Dianæ numina significat Hecaten, & his verbis satis indicat Canidiam esse veneficam. *Carminum,* tuarum incantationum.

num. *Refixa*, detracta, euulsa: vt, Danaïs de poste refixū. *Deuocare*, deducere in terras: vt, Sistere aquam fluijs & vertere sidera retro. *vocibus tandem sacris*. carminibus detestabilibus, nefarijs, execrabilibus. *Citumq;*, citò velocem. *Solue turbinem*. libera me ijs amentiae nexibus, quibus mentem meam ante illigasti. Turbinem autem vocat carmē Rhithmicum, quod sicut velocissimè in se rotatur, ita mens amantium semper in gyrum videtur peragi, & huiusmodi species est maleficij, vt vertigine quadam per artem magicam cogat homines ad amorē, quam Græci Rhombum nominant. *Mouit nepotem*. Exemplis docet etiam inimicos precibus eorum, quibus offensi fuerant, ad commiserationem adductos. *Monit;* ad misericordiam flexit. *Neræium*, Achillem. Græcos ad bellum Troianis inferendum proficiscentes Telephus rex Myforum, neque hospitio suscepit, neque per suos fines transire passus est, quare orto bello ab Achille vulneratus est; qui cū curari non posset, consultus Apollo responsum dedit, illum ab alio curari non posse, quàm à quo fuerat vulneratus: Achilles itaque precibus Telephi adductus, illum eadem hasta curauit qua læserat. ita inquit Horatius: Tu me ô Canidia quem illigasti imprecationibus mutatis tuis iam sana carminibus. *Vnxere*, sepeliere. *Addictum feris*. traditum & destinatum, quasi deditum & antè damnatum. Sensus est, & Hectorem iam addictum feris reddidit Achilles suis sepeliendum; postquam à Priamo rogatus eique supplici inclinatus est: ita & tu Canidia, mitiga iram tuam ad meas preces. *Homicidam Hectorem*, virum fortem, quòd multos hosteis occidit, in quo imitari voluit Homerum, qui illum ἀνδρὸς φόνου nominat. *Rex*, Priamus. *Heu*, aut ad animum respiciens procidentis

Priami ad pedes Achillis ob indignitatem facti hoc dixit, aut quasi Romanus poeta, & amator patrum Romanorum ingemuit. *Petuiçacis*, pertinacis, insolentis. Peruicaces autem dicuntur, qui in aliquo certamine ad vincendum perseverant, sicuti Pernices à pernitendo. *Setosa duris*, ordo est, remiges Vlyssis exuere setosa membra duris pellibus volente Circe, id est, cum exorata Circe fuisset, conuersi dudum in feras Vlyssis socij, ab eadem ad humanitatem redierunt. Circe malefica fuit Solis filia. *Tunc mens*, integra scilicet. *Relatus*, reuersus. *Notus in voltus honor*, id est, pristina forma humana. *Dedi satis superque pœnarum tibi*, id est, abunde à te punitus sum, ô Canidia, iam ignosce. *Amata nautis*, ex nimia Canidiæ libidine vilem significat eam fuisse meretricem, siquidem adamatam à vilissimis, & cuiusque sortis hominibus. *Institoribus*, institores propriè sunt qui exercent ipsam mercaturam. videtur eam laudare, quasi tam pulchra sit, & mereatur habere tot amatores, sed retiera magis illam vituperat. *fugit iuuentas*, flos iuuentutis, pulchritudo, hilaritas. *Et verecundus color*, nitidus, rubicundus, rubens, pudibundus: vt, verecundumque Bacchum. Sed hic per verecundum colorem, ruborem intelligit, qui comitatur verecundiam, quem fugisse ait, & per hoc pallere se nunc dicit. Hæc autem omnia dicit sibi accidisse propter ipsius pulchritudinem, sed obliquè carminibus id vult factum intelligi. *Ossa, mea. Lurida*, subnigra, pallida. *Tuis albus*, sensus est, ego discretior mætoribus, & tu vacas delitijs, ironicos. nam odores & vnguenta vocat illius maleficia. *Albus*, canus. *Reclinat*, adimit, liberat. *Vrget diem nox*, id est, per noctem opto diem aduenire, & per diem cupio noctem adesse, quia impatiens

tiens sum omnium temporum. *neque est*, non possum. *Tenta*, distenta, laborantia, id est, neque contingit, neque conceditur, ut leuentur aliqua ratione suspiria, quasi velit quibusdam tormētis veneni animum suum cruciari. *Ergo negatum*, id est, ad hoc adducor, ut credam, ut confitear carmina Sabella plurimum posse, quod antè negabam. *Negatum*, antea. *Sabella*, magica. *Increpare*, alienare. *Marsa*, Marfica. *Disilire*, frangi, rumpi. *Nenia*, propriè est carmen funestum. Hic autem posuit pro malefico carmine. *Quid amplius vis?* quàm ut confitear quod amo. ut, habes totum quod mente petisti. *O mare & terra*. exclamatio. sic Terentius, *O cælum, ô terra, ô maria Neptuni!* *Quantum neque*, suppl. arsit Hercules. *Delibutus*, vnctus. *Nessi*, Centauri. *Nessus* autem Centaurus ab Hercule interfectus est, ob stuprum cum Deianira Herculis amasia tentatum. *feruida*, efferuente. *virens*, æstuans, id est, nec tantum flamma virens ardet in Sicana Ætna, quantum ego ardeo. *Tu donec cinis*. sensus est, Tu ô Canidia quæ es quædam officina maleficiorum, tamdiu cales venenis Colchicis contra me, donec aridus cinis factus fiam ventis ludibrium. *Cales*, ardes. *Colchicis*. propter Medeam Colchicam. *Quæ finis*. quàm finē huius mali mihi statuis? *Aut quid me manet stipēdiū*. quod ministerium, obsequiū, quod tributū, vel quàm pœnam tibi dare debeo superatus. *Stipēdiū* enim propriè dicitur quod datur militib. *Effare*, eloquere. *Iussas*, imperatas. *Cum fide*, fidelitèr, sine prætermissione. *Centum iuencos*. tibi immolari. *Mendaci*, plena mendacij. *Mendacium* enim est si te laudauerim; tua enim vita veras laudes non admittit. *voles sonari*, laudari, decantari. *Tu pudica, tu proba*, ut sic dicam, canam & mentiar. *Perambulabis astra*,

Consecraberis & tu, & recipieris in numerum siderum more Erigones, quæ virgo Icarî filia castitatis, pietatisque causâ, inter sidera est collocata. *Infamis Helena*. i. defamata versibus Stesichori poetæ. *Offensus vice*, propter Helenam læsus, siue propter iniuriam Helenæ factam. *Vari*, Stesichoro. nam Stesichorus poeta Græcus scripsit Helenæ vituperationem, quare irati Castor & Pollux illi lumina ademerunt. Sed postea monitus Stesichorus, illius laudem decantauit, quare oculos iterum illi reddiderunt, & pristinum lumen recepit. *Solue me dementia*, quam patior. *Obsoleta sordibus*, id est, non infimo genere nata, nō nata per adulterium. Obsoleti sordibus dicuntur qui de adulterio nascuntur. amarulenta irrifio hæc est in Canidiam. *Neque in sepulcris*, id est, nec manes euocas cantibus post nouem dies sepulturæ datos. *Pauperum*, nam diuitum sepulcra suis custodibus erant curæ. *Prudens anus*, gnara, docta. *Nouendiales dissipare pulueres*. quæ nescias erueret, ceu manes vocando vexare sepulcra pauperum, & post nouem dies quibus sunt sepulta corpora, excitare: humilium enim maximè à magicis vmbræ suscitari solent. Apud antiquos moris fuit, vt triduo corpus defuncti iaceret domi: vnde apud poetam, Sedibus hunc refer ante suis. & post triduum in rogam ponebatur: vnde idem, Tertia lux cælo dimouerat vmbram. item post triduum cinis in vram condebatur, & tumulo mandabatur. ideo dixit nouendiales pulueres, id est cineres recētes, numero multitudinis, quod est notādum. *Tibi hospitale*, mite. bonū, benignum pectus est. *Pura manus*, suppl. sunt à scelere innocentes. *Tuusq; venter Pactumeius*. sensus est, & Pactumeius est tuus venter, id est, tuus partus & filius. Nam hoc nomen Pactumeius est nomen supposititij, quem

quem sibi filium esse dicebat, supra enim supposititij partus ipsam ream fecit. venter autem hic pro partu ponitur. *Obstetrix*, quæ obstat dolori parientis. *Utcunque*, quotiescunq; exilis, id est, exultas fortis puerpera. quo dicto ostendit illam non peperisse; sed sibi filium alienum supposuisse nomine Pactumeium.

Negat Canidia sibi reconciliari posse Horatium.

CANIDIA.

*Q*UID *obseratis*, clausis. *surdiora*, quàm aures meæ sunt ad preces tuas. *Nudus nauis*, è naufragio ereptis. *Neptunus hibernus*, id est, cùm mare procellosum verberat ea saxa commotis fluctibus. *Inultus ut tu riseris Cotytia sacræ liberi Cupidinis*. per epexegetim est hæc data descriptio Cotytiorum: vult autem Canidia significare aliquando se commisisse Horatio quædam secreta sacrificiorum ad amorem conciliandum quæ ipse irridendo vulgauerat: ea autem Cotytia nominauit, ut honesto vocabulo turpitudinem suam cælaret. sic Iuuenalis, Cecropiam soliti Baptæ lassare Cotyto. *liberi Cupidinis*. liberum autem Cupidinem ait, quia nulli sit obnoxius, sed omnes ipse deludat. vnde Maro, Nate patris summi qui tela Typhoëa temnis. *Et Esquilini*. Esquilinus mons fuit vbi sepeliebantur cadauera mortuorum, quod pergebant qui volebant animas excitare. illic Canidia magicam noctu exercere consueuerat. *Pontifex*. Pontificem vocat Horatium quasi censorem veneficiorum, quia pontifices de sacris iudicabant: aut pontifex, id est conscius. *Venefici*, pro veneficij per ἀποκοπήν. *Impune ut urbem*, id est, sine vlla vindicta magicam artem, & patefacta tibi à me secreta tu ne deriseris, & me urbis fabulam feceris? *Quid proderis*, id est, quid prodesse poterit si adhibeas tibi ma-

gno pretio Pelignas mágicas, vt tu solutus à dementia,
 velocius moriaris si fata non permittant? *Pelignas*, Sabinas à Peligno monte: *Miscuisse*. vt moriaris. *Si tardiora*, si dii nolint sed te reseruent, vt maiora luas supplicia.
Ingrata. plena tædij & laboris. *Misero*, tibi. *In hoc*, propter hoc. *vsque*, semper, diu. *suppetas*, sufficias ad novos dolores, & labores perferendos, & pœnas. *Insidi*. Quia Myrtilum præcipitauit in mare per quem vicit. *Benigna*, largæ, opulētæ, aut potius quæ semper se ostendit paratam. *Optat*, suppl. quietem. *Aliis*, vultorio. *supremo*, altò, summo. *Iouis*, Plutonis. *voles*, optabis. *Desilire*, præcipitare te in fluctus, *Norico*, forti, pro qualicunq; gladio; est enim species pro genere posita, vt mos est poetarũ vel maximè lyricorum. *frustraq;*, sine causâ volles colligare vinculo guttur tuum, quia non morieris. *Tristis*, in qua nihil placet. *fastidiosa ægrimonia*. septimus casus, ægrimonia, angor, tristitia quæ vitam fastidit tot supplicijs addictam. *Vectabor humeris*. i. cum ego de te vindicata fuero, incedam gloriosa, equitans super humeros tuos mihi inimicos. seu victrix insultabo in te mihi inimicum. *Meaq; terra*. i. terra in hac vindicta non capiet meum gaudium. *Insolentia*, efficaciæ quasi nouæ potentia. *An qua mouero*, sensus est, an quæ tantum carminibus possim, vt difficultora faciam, scilicet vt cereas imagines mpueam, Lunam cælo deuocem, umbras sepulcris eliciam; & per hæc, potionẽ quadam amoris, menteis incendam, nihil vnquam in te potero, & artis meæ circa te impotentiam, velut miseranda, flebo? *Desideriq; temperare poculum*. philttrum, amoris venena miscere. *Plorem*, deplorare debebo. *Artis*, magicæ.

C R V Q V I V S.

Hoc carmen neque Epodon inscriptam in his cod.

Bland.

Bland.inuenio,neq; oden,sicuti nec præcedens: Cuius Lectorem monitum volui , eiꝛue in memoriã reuocatum,ne fortasse eorum me immemorem iudicet,quę suprà cùm de epodis pauca controuerterẽ differerem-que,dixi me peculiariter in his cod. notasse carmina in hoc opere quædam neque Epodi, neque Odes habere adscriptam epigraphen. *Regna per Proserpinã.* per regna Proserpinæ vniuersitatem superiorum & inferiorum accipimus quæ magicis rebus & carminibus sunt accommoda numina. *Per & Diana.* testantur veteres, inquit, Cornutus, Dianã operam suam præstare sagis, & è cælo ad domos deduci, additum est ipsam luctu & cæde gaudere plurimum, hinc quidam moti vt eius numen placarent sanguine humano. *Mouit nepotem Telephus Nereium.* Strab.lib.13. memorię proditum reliquit, Herculem Alæi filiã Augen corrupisse, atq; ex ea natum Telephum Mysorum regem qui ab Achille vulneratus in fœmore, ab eodem curatus est, verũ an eadem hasta vulnus acceperit & curationem Telephus, an ab Achillea herba, an ab ærugine hastæ seu gladij, vnde emplastrum confectum vulneri appositum fuit, incertum est. Atqui certè Achilles ita depingi solebat, vt cuspide gladij immitteret æruginem in vulnus Telephi. Ouidius vulneris remedium adscribit hastæ primò de remedio amoris: Vulnus Achilleo quæ quondam fecerat hosti Vulneris auxilium Pelias hasta tulit. quo etiam alludit hoc epigramma, Τήλεφος εἰμὶ κόρυ, σὺ δὲ γίνεο πῖσος Ἀχιλλεύς : κάλλει σὼ παῦσον τὸν πόθον ὡς ἔβαλες : Telephus en ego sum, tu sis mihi fidus Achilles, Ore puella necas, ore beare potes. Claudianus autem herbæ tribuit, inquiens, Sanus Achilleis remeauit Telephus herbis, Cuius pertulerat vireis, & sensit in imo.

Lethamen placidamque manum medicina per hostem
 Contigit, & pepulit quos fecerat ipse dolores. *Vnxere.*
 Lambinus non minus copiosè quàm probabiliter hic
 afferit legendum esse, *luxere*, quam quidem lectionem
 non reprobò; verum tamen malui seruare antiquam 4.
 codic. Blandiniorum & vnius Carr. hac ratione præci-
 pue ad id inductus, quòd in duobus cod. Bland. vidi
 adnotata hæc verba, *Vnxere* legendum est, & non *lu-*
xere, quibus verbis nulla causâ præterea ascripta erat,
 sed & hanc lectionem nec ipse Lambinus diffitetur in
 plurimis cod. se reperisse integram, etiamsi multis ar-
 gumentis docere conetur, *luxere*, esse aptius quàm *vn-*
xere, idque scriptoribus magis esse vsitatum, nempe, vt
 cadauera lacrymis potius & luctu prosequamur, quàm
 vel vnctione vel lotione: quod profectò facilè & liben-
 ter illi dederim, præsertim propter Homeri locû Iliad.
 ω, quem exprimere voluisse videtur: verùm quia hoc
 beneficij adscribit matribus Ilijs, quarum est & ablue-
 re & vngere cadauera ante sepulturam; *vnxere* æquè
 appositum arbitror: Nam vt illud Ennij omittam, Tar-
 quini corpus bona fœmina lauit & *vnxit*. etiã ex Euan-
 gelio apertè cognoscimus vngendi ritum antiquitus
 valde celebrem fuisse, & mulieribus præcipuè cōmen-
 datum. Sed lectorem remitto ad xix. caput lib. 3. An-
 tonij Mureti variarû lectionum. *Relictis manibus*. nam
 fabulatur Homerus ιλ. ω. Priamum à Mercurio noctu
 per castra Græcorum ad Achillem deductum, nemine
 Græcorum alio eius rei conscio, cuius ad pedes cùm
 procidisset, genuaque & manus osculatus esset, ab eo
 petijt, vt accepto pretio sibi Hectoris corpus sepeli-
 endum traderet. *Relatus*, duo cod. habent *relatus*, quos se-
 quutus sum, cum Lambino: alij duo habent *relapsus*.

Amata

Amata nautis multum & institoribus. per nautam intelligimus exercitatore, qui, definitore Vlpiano, l. 1. ff. de exercitoria actione, est ad quem obuentiones, & redditus omnes perueniunt, siue is dominus nauis sit, siue à domino nauem per auersionem conduxerit, vel ad tempus vel in perpetuum. Hunc vocat Horatius lib. 3. ode. 6. magistrum nauis. Institor autem apud eundem in l. 3. de institoria actione, negotiator appellatus est, ex eo quod negotio gerendo insistat, nec multum facit tabernæ sit propositus, an cuilibet alij negotiationi. *Vrget diem nox.* duo cod. habent *urguet.* Ergo *negatum vincor.* est qui *negatum* participium, ordinet cum hoc nomine pectus, ut hic sit ordo, Ergo vincor, ut ego nunc miser credam Sabella carmina increpare pectus meum, hætenus tibi denegatum: sed non aptè, meo iudicio. Glareanus exponit *negatum*, id est, ut negem: Ego verò arbitror hanc esse sententiam. ergo miser vincor ut nunc credam *negatum* subaud. prius à me, id est, quod hætenus negaui, & credere non potui, scilicet, carmina Sabella, seu cantiones Canidiæ increpare pectus, id est, perturbare & grauiter afficere mentes humanas. *Marfa.* Marfi, Sabinis finitimi, à Circes filio genus ducunt, & de auita potentia deberi sibi sentiunt seruitium venenorum eoque venena cōtemnunt, ut ait Solinus. *O mare, & terra, ardeo.* pathetica exclamatio vehemens, sed ironicos. *Nisi cruore.* Nessus Centaurus Ixionis & Nubis filius fuit: huius rei fabulam vide Epodo 3. ad Mæcenatem de allio. *Virens.* hoc participium in 4. cod. scriptum, tollere suo loco nolui, propterea quòd mihi videatur accommodè seruire præsentì cōparationi. Nam sicut ignis & flamma in ipsa Ætna nunquā extinguuntur, etiam si non semper emicet flamma, seseque in au-

ras attollat, iuxta illud Strab. lib. 6. E longa verò creditum est obseruatione, flammās ipsas flatibus concitari in Ætna, quibus cessantibus cessant & flammæ. ita sine intermissione se fingit Horatius perpetuo beneficio intrinsecus aduri & penitus consumi: nam dicit, Canidiam tanquam venenorum officinam, semper calere; nec à maleficijs conficiendis cessare, & se noctesque diesque non quiescere, nec mali remissionem sentire, cui rei significandæ valde conuenit virens: Maiores enim nostri verbo virere præcipuè vsi sunt, quando notare vellent vires in aliquo magis magisque incrementum. Hinc metaphoricis quæ viridia fiebant, maioremque vigorem acquirebant, virere dicebant, quod multis hic liceret auctoritatibus palam facere, nisi id notius existimarem, quàm vt operam nostram illi impendamus. Quod autem Lambinus vir doctissimus hic legendum docet, vibrans in Ætna flamma, mihi certè omnino probari non potuit, tamen si disertè & eruditè suam opinionem multis rationib. cõmuniat, namq; in emaculandis auctoribus nunquã ea temeritate fui, vt sine adminiculo cod. antiquorum id in animũ inducerem, præsertim vbi lectio ipsa suo auctori satis est consona, quales certè hæc est, *Virens in Ætna flamma*: virere enim & igni, & omnibus ijs de quibus dicitur, internũ est, non etiã vibrare, sed ferè aduentitium & externum, adèò vt illo, non nisi in absoluta significatione aliter vtamur, quàm in illis quæ nobis extrinsecus adsunt; dicimus enim vibrare hastam, gladiũ, telum; verumtamen si cui lectio Lambini magis arrideat, ego certè illi non inuidebo. *Quæ finis.* Antiquis scriptoribus, finis nomẽ in fœminino genere vsitatus erat quàm masculino, vt alibi notat Seruius. *Expiare*, purgare, & læsam te placare. *Centum iuuenços.*
alludit

alludit ad Hecates sacrum ἐκατόμβην. *Adempta vati reddi-
dere lumina.* propterea quod Stesichorus palinodiam ca-
neret, vbi intelligeret hoc mali sibi ab iratis fratribus il-
latum: huius rei meminit Plato in Phædro, & Pausanias
in Laconicis, sed multò aliter quàm ab alijs scribitur.
vide Adagium παλινωδῶν, & Pausaniam. *Potes nam.*
Anastrophe, pro, nam potes me soluere ab huiusmodi
demencia *O nec paternis obsoleta.* vilescens obscuritate &
ignobilitate parentum. *Partumeius.* Sic repperi scri-
ptum in quatuor cod. Blandin. cum Buslid. & Carr. &
annotationibus; ideo mutare nolui, cum parum in-
teresse viderem in fictitio vocabulo, Partumeius ne, an
Partumeius diceretur, nisi malimus legere turpitudi-
nis obtegendæ gratia quam velatam cupit Horatius,
Pateomenus, id est, conculcatus aut contaminatus ex
partu filij tui ironicos, allusione ad Græcam dictionem
πατέμενος. Scribit enim Suidas, πατέμενος ὑβριζόμενος,
id est, contaminati seu iniuria affecti.

CANIDIA.

Cotyia. Strabo li. 10. Similia, inquit, sunt & quæ apud
Thracas celebrantur, quæ Cotytia & Mendidia, apud
quos & Orphica initium habuerunt. ipsam sanè Co-
tyn, quæ apud Edonos colitur & eius instrumenta
memorat Æschylus, &c. Erasmus in Adagio, ἀρπαγὰ κο-
πτοῖς, Cotytia, ait, festum quoddam erat, apud Si-
culos, in quo ex mbre placentulæ quæpiam & arbo-
rum fœtus ramis alligabantur, eaque diripienda pro-
ponebantur, vnde liquet hoc Adagium dici solitum,
de bonis temerè profusis direptisque. Hinc fortasse
κοπίαια, lusus conuiuialis, in honorem Veneris & Cu-
pidinis: & κοπίαια, præmia eo ludo vincenti data, quæ
ut Arche-

ut Athenæus scribit lib. 11. & 15. erant triticæ placentulæ & sisamina. Cotyto autem siue Cotys dea erat ipsius turpitudinis præses, cuius sacra valde exagitat Eupolis in Baptis comædia. & Iuuenal. satyra 2. *Velociusue mis-
cuisse toxicum.* hic, velocius, contra quosdam nominaliter exponendum est, pro eo quod citissimè penetrat: est enim toxicum venenum efficacissimum, non à taxo ut quidam scripsere, sed ἀπὸ τῆς τοξότης, quod est iaculor. vel ut habet Dioscorides lib. 7. cap. 20. τὸ ξικόν δοκεῖ μὲν ἀνομάσαι, ἐκ τῆς τὰ τόξα τῶν βαρβάρων ὡς αὐτῷ χρίεσθαι. quod eo barbari suas sagittas inficerent. *optat quietem.* artificiosa refutatio commiserationis, à fabulis illis opposita argumentis, quibus Horatius etiam fabulosè usus est supra ad persuadendum Canidiæ, ut ipsum à suis veneficijs liberaret. *Insidi.* sic inueni in 4. cod. cum interpretatione apposita. *Obligatus alicui.* sic etiam habent 4. cod. *Nectes,* duo cod. habent nectes, alij duo innectes. *Tristis.* δυσπεσών, miserè affectus & infelicitè viuens. seu δυσπεσέμενος, morosus & tua valetudine querulus. *An qua mouere,* à maiori ut vult Quintil. vel ut docent Philosophi à minori. *Deripere.* ita scriptum est in tribus codicib. sed quartus habet, diripere. *Plorem artis in te nil agentis exitum.* duo cod. habent, nil agentis exitum; alij duo, nil agentis exitus. in vnis annotationibus scriptum est, nunquid plorem artem meam non habentem in te exitum, quum maiora possim? Atqui si quis hic velit nosse elegantem coniecturam, legendum ne sit, *Plorem artis in te nullum habentis exitum.* simul & variam lectionem, euoluat Commentaria Lambini in hunc locum ingeniosissima.

Carmen saculare ad Apollinem & Dianam ὁδοτευχ-
 πῶς, quod trinoctio Patrimi & matrimi
 cantauerunt pueri puellaq₃.

Phœbe, siluarúmque potens Diana,
 Lucidum cali decus, ò colendi
 Semper, & culti, date, quæ precamur
 Tempore sacro:

Quo Sibyllini monuere versus
 Virgines lectas, puerósque castos
 Dÿs quibus septem placuere colles

Dicere carmen:

Alme Sol, curru nitido diem qui
 Promis & calas: aliúsque & idem
 Nasceris: possis nihil vrbe Roma
 Visere maius.

Rite maturos aperire partus
 Lenis flithyia, tuere matres:
 Siue tu Lucina probas vocari,
 Seu genitalis:

Diua producas sobolem patrúmque
 Prosperes decreta super iugandis
 Fæminis, prolisq_{ue} noua feraci
 Lege marita:

Certus vndenos decies per annos
 Orbis, vt cantus referat ludósque
 Ter die claro, totiesq_{ue} grata
 Nocte frequenteis.

Vósque veraces cecinisse Parca
 Quod semel dictum est, stabilisq_{ue} rerum
 Terminus seruet, bona iam peractis
 Iungite fata.

Fertilis frugum, pecorisq_{ue} tellus

Spicea donet Cererem corona:

Nutrient foetus & aqua salubres,

Et Iouis aura.

Condito mitis placidusque telo

Supplices audi pueros Apollo:

Siderum regina bicornis audi

Luna puellas.

Roma si vestrum est opus: Iliaq;

Littus Etruscum tenuere turmae,

Iussa pars mutare Lareis, & urbem

Sospite cursu.

Cui per ardentem sine fraude Troiam

Castus Aeneas patria superstes

Liberum muniuit iter daturus

Plura relictis:

Dij probos mores docili iuuenta,

Dij senectuti placida quietem:

Romula genti date remq;, prolemq;

Et decus omne.

Quaę vos bobus veneratur albis

Clarus Anchisa, Venerisque sanguis,

Impetret bellante prior, iacentem

Lenis in hostem.

Iam mari, terraq; manus potentes

Medus, Albanaeque timet secureis

Iam Scythia responsa petunt, superbi

Nuper, & Indi:

Iam fides, & pax, & honor, pudorque

Priscus, & neglecta redire virtus

Audet: apparetque beata pleno

Copia cornu.

Augur, & fulgent decorus arcu

Phœbus,

*Phœbus, acceptusque nouem Camœnis
Qui saluari leuat arte fessos*

Corporis artus:

*Si Palatinas videt æquus aras
Rémque Romanam, Latiumque felix;
Alterum in lustrum, meliusque semper*

Protoget aunum.

*Quæq; Auentinum tenet Algidumque
Quindecim Diana preces virorum
Curat: & votis puerorum amicas*

Applicat aureis.

*Hæc Iouem sentire, deosque cunctos
Spem bonam, certamque domum reporto
Doctus, & Phœbi chorus; & Diana
Dicere laudes.*

COMMENTATOR.

METRUM hoc tribus constat Sapphicis, & quarto dipodia. Carmen sæculare vocatur, quod in sæcularibus ludis secundum ritum priscæ religionis in cæpo decantatum est, à virginibus puerisq; prætextatis. ludi autem sæculares qui & scænici & Theatrales; ideo dicti sunt, quod per centum & decem annos celebrabantur trinoctio, id est, tribus diebus & tribus noctibus. Sæculares autem, quod à primo sæculo. i. ab origine Romanæ gentis reperi & instituti sunt, scilicet à Numa Pompilio, à quo Romanis, post ceterum & decem annos, semper in vñ fuisse. Verrius autem Flaccius refert cæmen sæculare & sacrificium institutum, intra annos ceterum & decem, Diti & Proserpinæ primo bello Punico, decem virorum responso, cum iussi essent libros Sibyllinos inspicere ob prodigium quod eo bello accidit. Nam pars murorum
icta

rerum facta est pulcherrima Roma, Septem quæ vna si-
 bi muro circumdedit arceis. hi autem colles sunt Auen-
 tinus, Palatinus, Esquilinus, Capitolinus, Viminalis,
 Cælius, Quirinalis. *Dicere carmen*, scilicet date. *Promus*,
 aperis oriens. *Calas*, claudis recedēs & occidens. *Aliusq;*
& idem nasceris, quia oriens lucem exhibes, & occidens
 noctem adducis: hac ergo vicissitudine nouus semper
 videris alius in ortu, alius in occasu, cū tamen semper
 idem sis, quia non mutaris re ipsa. *Possis nihil vrbe Roma*.
 subaudiendo, date precamur, vt possis nihil visere ma-
 ius, id est, carius vrbe Roma, id est, nulla res sit apud te
 potior quàm Roma. *Ritè maturos*, tempestiuos, vt suo &
 statuto tempore pariant. *lenis*, facilis, propitia. *Iluhyia*.
 Diana, à nobis quidem Lucina dea, à Græcis autem Ili-
 thyia dicitur: sic & Homerus eam nominauit, quia pa-
 rientibus fauere putabatur. *Tuere*, defende. *Lucina*, quia
 nascentibus præesse & lucem dare creditur. *Probas*, eli-
 gis, vis. *Genitalis*, quæ præfecta sis gignentibus vel par-
 tubus. Nam vt calore Solis animantur semina, ita Lunæ
 humore nutriuntur; penes ipsam enim & corporum o-
 mnium ratio esse dicitur & potestas. *Diua producas sobo-*
lem. Ordo est, ô diua precamur, vt producas sobolem
 Romanam, & prosperes decreta patrum, super iugādis
 fæminis, & super lege marita feraci nouæ prolis. atque
 ita impleta est elocutio, scilicet repetendo, precamur.
Prosperes, prospera facias senatusconsulta. *super iugandis*
fæminis. de matrimonijs contrahendis, quoniam sena-
 tusconsultum de matrimonijs propositum fuerat. *lege*
marita, id est maritali: vt Plautus, apud quem senex, Pul-
 chra ædepol, inquit, dos pecunia est, cui respōdet alius,
 quæ quidem non marita est, pro eo quod est, quæ non
 est maritalis: lex autem marita dicitur, quæ de maritan-

dis ordinibus lata erat, quæ & Iulia dicta est: Cæsar enim post bellum legem tulit, ne quis aut cælebs esset, aut vidua núbilis, quo posset iactura iuuenum reparari, quæ bellis ciuilibus contigerat. Nam propè octoginta milia armatorum interierant. *feraci*, fertili, fœcunda, quæ lex ferax sit prolis, quasi lex fertilitatem fœminis dare possit vobis annuentibus. *Certus vndenos*, id est, precamur, vt orbis, id est, circulus annorum centum & decem in se redeuntium, certus, id est, plenus, & perfectus referat cantus & ludos sæculares, frequentis, celebres; ad quos multi conueniant: & notandus Tropus est; nam per metonymiam ait, orbis certus, id est, homines certi illius & statuti temporis, referant ludos & cantus orbe completo. *Ter die claro*, id est, tribus diebus. *Totiæque grata*, id est, iucunda. *Nocte*, id est, tribus noctibus: hoc est, vt referat tibi populus Romanus trina die clara, & nocte grata dignas laudes, fac adolescere pubem Romanam. *Vósque veraces cecinisse Parca*. Ordo & sententia hæc est: Veraces Parca, iungite bona fata iam peractis, id est, præteritis factis: & terminus, id est ordo rerum, stabilis, id est, firmus, & perpetuus, seruet quod dictum est, vos ἀπαράσως semel cecinisse. optatenim vt decreta sua stabilia faciant quæ promiserant Æneæ, dum Italiã peteret, permanfurum scilicet Roman. imperium in perpetuum, vt canit Virgilius: His ego nec metas rerum nec tempora pono, Imperium sine fine dedi. Parca autem veraces sunt, quia non mutant aut variant quod semel promittunt, vnde κατὰ ἀντίφρασιν, Parca vocatur, quòd minimè parcant: Inuocat autē Parcas post Apollinē, quia Apollo fatis præest, vnde & sortilegus vocatur. *Terminus stabilis*, id est, ordo rerum firmus & constans, seruet à vobis

statuta

statuta, & precamur, ut sit ordo perpetuus. *fertilis frugum.* Optat frugum ubertatem, & prosperam pecorum fœturam. *Nutrient fœtus.* fœtus generaliter omnium rerum accipere debemus, etiam animalium quæ ad usum nostrum pertinent. *Et aqua salubreis.* nam pluvia & grata aura nutriuntur omnia, & præcipuè segetes. ut, Tum tenues dare rursus aquas, & pascere rursus. *Jouis aura,* serenus & temperatus aër: ut, Solis ad occasum quum frigidus aëra vesper Temperat: quâdoquidem salubres satis, plantisq; non tantum aquæ sed & auræ intelligendæ sunt. *Condito mitis.* deprecatur iram Apollinis; pingitur enim cum telo, arcu, & pharetra, qui si telum manuteneat, dicitur esse noxius, sed hoc cum recondit, mitis & placidus: hinc iratus dicitur nocere, & pestem iaculari, quod & de illo sensisse videtur Homer. *Il. ω.* cum ait, *ὥς ἔρατ' εὐχόμεν.* τὸ δ' ἔκλυε φοῖβος Ἀπόλλων. βῆ δ' κατ' ἑλόμεν. ποιο καρήνων χωόμενος κῆρ. quibus verbis significat Apollinem Græcis pestem immisisse & planctum. Sic & Plautus in Mercatore, matrem familias inducit precari Apollinem, ut filio suo parcat. *Placidus,* exorabilis, benevolus. *fiderum regina.* ποικιλιῶς, quod lucidissima inter stellas apparet. *Bicornis.* Corniculata enim Luna est, & cum est menstrua, & in defectu. *Roma si vestrum est opus,* id est, siquidem per vos facta Roma est: quia oraculo Apollinis Troiani ad Italiam perrexerunt, ut ait Virgil. Si tot responsa sequuti Quæ superi manesque dabant. *Littus Etruscum.* littus Tiberinum, quia ab Etruscis oritur. *Ile turma.* Nam Æneas auctor est Romani generis. *Iussa pars mutare.* Non sine causa ait *pars:* quia non omnes cum Ænea in Latium peruenierunt; non nulli enim cum Antenore etiam effugerunt, & in Italiam appulerunt. ut, Antenor potuit medijs

elapsus Achiuis, Illyricos penetrare sinus. *Iussa*, vestro responso. vt, Italiam Lyciæ iussere capeffere fortes. &, Augurijs agimur diuûm: & alibi, mutandæ sedes. *sospite cursu*, prospero nauigio, integra nauigatione. Cui per ardentem. non sine fraude ardentem: nam fraude Græcorum incēsa fuit, sed sine fraude Æneas muniuit iter suæ turmæ, id est, sine noxa, sine damno flammæ eripuit, & incendio Troiano: vt alibi, Nodo coërces viperino Bistonidum sine fraude crineis. Vel, vt ordo sit, Castus Æneas sine fraude superstes patriæ, &c. vt Troia non prodicione Æneæ videretur euerfa sed fato. *liberum muniuit*. securum & tutum reddidit: vt, flammam inter & hosteis Exporior, dant tela locum, flammęq; recedunt. Mirè liberum iter appellauit, quo libertatem sint adepti, & seruitutem Græcorum effugerint. *Daturus*, Iliæ turmæ. *Plura relictis*, id est, quàm reliquerant in Troia. vt, Bellum ingens geret Italia, populosq; feroceis Conrundet, moresque viris & mœnia ponet. *Docili iuuenta*, Iuuentuti peritæ, aut facili ad discendum. *Quietem*. *παρασικῶς*, pro pace & vacatione à laboribus bellicis: est enim senectus impatiens laborum. *Romulæ genti*, id est, Romulæ, hoc est Romanę: vt Maro, Dardana tela, pro Dardania. *Remq;, prolemq;*, diuitias, opes, genus. *Decus omne*, omnem maiestatem, imperium & honorem. *Quaq;*. quæcunque seu quancunque rem vos precatur clarus sanguis Anchisæ & Veneris, vos dii facite vt impetret. *Bobus*, immolatis. *Veneratur*, venerando precatur & postulat. *Albis*, triumphalibus, quia victimis albis sacrificia dijs faciebant triumphantes. *Clarus Anchisæ Venerisq; sanguis*, id est, posteritas Æneæ. hoc ad Augustum pertinet, qui ab Iulio Cæsare, Iulius autem ab Iulo, originem suam ducere dicebatur; Iulus ab Anchisæ & Venerere.

nere: ideoque Veneri genitrici templum Romæ constitutum & consecratum fuit. *Bellante prior*, fortior & superior. *Iacentem lenis in hostem*, deuictum. vt, *Parcere subiectis & debellare superbos*. *Manus potentis*, Romanam potentiam. *Albanasq; timet secures*. Romanos magistratus, ab Albanis descendēteis. vt, Albaniq; patres, &c. de Albaciuitate traditus est hic mos, vt primo rei virgis cæderentur, deinde securi ferirentur. *Responsa*. præcepta Romanorum expectant, tanquam à potentibus, & imperata. *Superbi nuper*, insolescētes, & insultantes aliquando Romanis. *Et Indi*. vt, Imbellem auertis Romanis arcibus Indum. *Iam fides & pax*. Armis pacem & honorem, pudoremque, Romanos dicit acquisiuisse, & reparata virtute, superiori tempore neglecta, rediisse fortunam; ipsa enim est quæ copiam beato, id est, diuite cornu diffundit. *Neglecta*, superiori tempore. *Audet iam ridere*. Augusti temporibus properant, nil addubitant ridere quæ fuerunt Saturni tempore. vt Virgilius, Magnus ab integro sæclorum nascitur ordo. *Beata*, diues. *Copia*, rerum omnium abundantia, plena fœcunditas. *Augur*, diuinus, propter oracula & auguradi scientiam. *fulgente decorus arcu*, propter sagittandi peritiam. *Acceptusque*, gratus, amabilis propter musicam. Virgil. Augurium citharamque dedit celeresque sagittas. *Qui saluari leuat arte*. *ἰατρικὴν*, id est, medicina, cuius ipse Apollo inuentor inducitur, ita loquens de seipso apud Ouidium: Inuentum medicina meum est. *seffos corporis artus*, id est, hominū infirmitates: vel *συνεπδοχικῶς*, corpora morbo defatigata. *Si Palatinas videt æquus aras*. apparet iam eo tempore ab Augusto in Palatio dedicatū Apollini fuisse templum; vt Maro testatur, Ipse sedens niueo candentis limine Phœbi Dona recognoscit populorum

pulorum. *Aequus*, propitius, placidus. vt, Nec Saturnius hæc oculis pater aspicit æquis. *Latiúmque*, quod inter montes latitet. *felix*, secundus: vt poeta, Si felix nostrumque leues quæcunq; laborem. *Alterum in lustrum*. Lustrum pro tempore accipitur & ætate. *Prorogæt*, dilatat, prolonget. sensus est, si acceptas aras habet Apollo, quæ in Palatio ei sunt dedicatæ, hoc est, si propitius Romanos aspicit, melius sæculum tribuet in futurum. *Queque Auentinum tenet*, gubernat. *Algidúmque*, Algidus mons ab assiduo frigore appellatus est, non longè ab vrbe Roma, in quo monte Romani etiam Dianæ sacra celebrabant. *Quindecim Diana preces virorum*. Quindecim viri sacerdotes erant, penes quos erat ex libris Sibyllinis responsa dare, & ludorum sæcularium curam gerere. *Amicas applicet aures*, id est, si Diana curret preces quindecim virorum, & exaudiat vota puerorum; est enim particula, si, huc arcessenda. *Hæc Iouem sentire*. Ordo est, Ego chorus, nos pueri puellæque, doctus dicere laudes Phœbi & Dianæ, reporto domum spem bonam certamque, Iouem & deos cunctos hæc scire, hæc velle, hæc sentire. Hæc enim erat finis sacri carminis, & in hæc verba deuotio soluebatur, quando diceret chorus omnium præsentium nomine, Iouem preces & vota exaudiuisse & ceteros deos, seque spe certa domum reuerti.

CRVQVIVS.

COMMENTATOR in auctore ludorum sæcularium, & ipso tempore quo primum Romæ instituti fuerent, deinde in sæculi descriptione, multum ab alijs dissentit.

sentit. In primis cum Valerio Maximo illi controuersa est; is enim, quem ceteri sequuntur, qui hac de re aliquid memoriæ tradiderunt: P. Valerium Publicolam primum ludos sæculareis Romæ instituisse scribit, ad exemplum Valesij cuiusdam Sabini, vt refert, quum ipse Commentator Numæ Pompilio Romanorum regi altero, hoc inuentum adscribat: quod certè vero propius videtur, tum quòd is religionis & diuini cultus studiosissimus, ferocem bello populum, huiusmodi multis ceremonijs, religione & iustitia gubernare conatus sit, adedò vt quæcunque sacra doceret, ea se monitu deæ Ægeriæ populo significare diceret: tum quòd aram Diti & Proserpinæ sacram, legamus statim ludis finitis terra fuisse obrutam in aliud sæculum; quo fortasse factum est, ad vsque tempora illius Valesij Sabini, aram illam latuisse, donec Dis & Proserpina illam detegerent ad preces & vota Sabini; ex quo tempore, indies magis ac magis inualescentibus Romanis, curiosius ludi à Publicola instaurati, ac singulis fortasse exinde sæculis repetiti, illorum auctor & inuentor ipse à posteris sit habitus. Porro Commentator sæculum, pro primis illis temporibus Romæ conditæ accipit, quibus ludos istos Diti & Proserpinæ decretos ait: Rursum sæculum ex Valerio Flacco describit, & terminat spatio centum & decem annorum, à Varrone diuersus, qui à sene sæculum deducens, definit annis centum, quasi illa sit humanæ vitæ longissima ætas. Verùm Flacci sententia & antiquior apparet & doctis omnibus probatior, quòd & illi respondeant Quindecim virum Commentarij, & carmen Zosimi sine apicibus & notis, quod ipse Sibyllinum esse dicit, *εἰς ἑπτέων ἑκατονδέεσσιν κύκλον*

ὁδῶν. Ceterum ludos sæculareis ab Augusto publicè post Actiacam victoriam exhibitos, Dion historicus libro quinquagesimo quarto, hos Quinctius, inquit, perfecit, T. Furnio, C. Iunio Syllano cons. *Phæbe siluarumque potens Diana.* exordium ab inuocatione. *Lucidum cali decus.* per epexegesim, siue vt vulgò fertur, per appositionem. *Quo Sibyllini monuere versus.* quatuor codices Bland. habent vnà cum Car. exemplari, *Quod Sibyllini monuere.* quam lectionem sequutus fuissim, nisi alia clarior esset. Nam libri Sibyllini pro ratione sacrificij monuerunt, vt precibus alijs, ita & alio carmine deorum laudes decantari: quare sic hunc locum & legi posse & exponi debere putarem: Date dicere hoc carmen dijs Romanis quod Sibyllini versus monuere, id est, docuerunt pueros seu iusserunt à pueris cantandum esse. verum Lectoris iudicio id relinquo. *Sibyllini.* Sibylla, inquit, Lactantius libri primi cap. 6. dicta est à deorum consilijs denunciandis; *σοὺς* enim deos, & *βουλὴν* consilium, pro *θεὸς καὶ βουλὴν*, dicunt Æoles: de numero autem Sibyllarum, nominibus, prudentia, auctoritate & veritate, vidè Lactantium eodem loco. *Septem colles.* periphrasis vrbis Romæ quæ septicollis appellatur. *Alme Sol.* quod suo calore cuncta fouendo alere videtur. *Curru nitido diem.* Quem currum circum terram, intra horas viginti quatuor & paulò amplius celerrimè rapiunt equi quatuor, vt fabulatur poetæ, Pyrois, Eous, Æthō, & Phlegon. *Aliusque & idem nasceris.* Quasi diuersorum effectuum diuersa causa: nam sua præsentia lumen adducit; sua verò absentia noctem, & tenebras. hinc apud Græcos *φάνης* vocatus est ἀπὸ τοῦ φαίνεσθαι αἰεὶ νέθ, qui Sol quotidie se renouans veluti nouus apparet. *Ilithyia* Lucina, parturientibus propitia, filia Iunonis & Iouis, vt

scribit

scribit Hesiodus. Φουρνᾶτος ἐν θεωρίᾳ περὶ τῆς τῷ θεῶν φύ-
σεως, ἔφη περὶ τῆς Ἀρτέμιδος, δοκεῖ ὅς κ' αὖ πλείοις ἢ αὐτὴ εἶναι
καὶ εἰλείδῃ αἰσάσως εἰλημένη, καὶ θεοῦσα περὶ τὴν γῆν, ἥν' εὐχον-
ται ἐλθεῖν αὐταῖς ἡπιάν καὶ λυσίζωνον αἰὶ ἀδίνουσαι. hoc est, vi-
detur plerisque hæc eadem εἰλείδῃ, quod continuò
circum terram vertatur & eandem ambiat. hanc optant
adesse sibi placidam parturientes. Homerus ἰλ. τ. μορ-
φόκον εἰλείδῃαν, id est, Lucinam obstetricem. ἡ μορῶσα καὶ
πνευμένη τοὺς τόκους λοχεύτρια, ut inquit interpretes, sed He-
siodi interpretes alibi pro partu videtur accipere, μετ'
εἰλείδῃαν, quasi post partum. *lege marita*. Hæc lex de ma-
ritandis ordinibus lata est à M. Pappio Mutilo, ut legit
Dion. alij, Papio, & Q. Poppæo secundo Augusto
rogante seorsum cælibes & nuptos, aut quibus esset
proles, quoniam equites magno studio, eam legē, quæ
de coniugij liberorumque expertibus lata fuerat, anti-
quari cupiebant: hæc autem lex dicta est Papia Poppæa,
vbi Aymarus Riuallius malè legit; Papia Pompeia. hu-
ius legis meminit Suetonius in Octavio, quam scribit
non fuisse perlatam. lectorem remitto ad Dionem in
initio libri quinquagesimi sexti, ut examinet orationem
Augusti ad cælibes. *Certus vndenos*. ita scriptum inveni
in quatuor codic. Blandin. & Carr. Ludouicus Viues,
alibi non video, inquit, cur legi non possit, Certus ut
denos decies per annos: quod equidem illum hoc in-
terrogare arbitror, propter sententiam Varronis, qui
anno, ut diximus, cētesimo finit sæculum: verum Flacci
opinionem magis approbo. *Ter die claro*. triduum &
trinocitium. *Vósque veraces cecinisse Parca*. vide Lector
candide, quanta iniuria hic affectus sit vir doctissimus
Porphyrio à nugiuendulo illo, qui à se & non intelle-
cta, & malè facta pro integris in vulgus edi curavit,

cuius rei causa hic à Lambino vapulat immeritò: non hoc dico quòd Lambinum virum eruditissimum hic agam reū criminationis alicuius; is enim pro officio interpretis, docet Lectores quid rectum sit, & contrà quid minus aptum & insulsum. Nam quod nomine Porphyrio. in vulgatis libris habetur, scilicet syllepsis est, ex verbo enim singularis numeri, seruet, pluralis nascitur seruent: hoc ego inueni in vno codice Blandinio, adnotatum hoc modo, Sensus est à singulari, seruet, ad plurale, seruate, vt sit Ordo: O vos veraces Parcae, seruate quod dictum est vos semel cecinisse, & terminus rerum stabilis seruet id ipsum, & vos Parcae iungite bona fata iam peractis fati bonis, & similiter seruet ordo rerum perpetuus hæc fata bona. Hinc iudicate quàm malè apud viros doctos audiat Porphyrio, nulla sua culpa. *Seruet*. habent quatuor cod. Blandinij & Carr. non, *seruat*. *Spicea donet Cererem corona*, hoc est, terra ipsa fertilitate & abundantia frugum pulchrè ornata donet Cererem ex aristis concinnata corona, iuxta illud Phornuti *περὶ τῆς Δήμητρός*. ἡ μὲν τοι Δημήτηρ κατὰ τὸ ἀναδοτικὸν τῶν σπυρίων εἰδοποιούμενη, πάνυ οἰκείως εἰσάχεται ἰσάχυσιν ἐξεφανομένη, hoc est, Ceres autem quia semen & speciem & formam producit, admodum propriè coronam aristis grauem gerit. Hinc etià ab Hesiodo *εὐσέφανος Δημήτηρ*, nominatur. *Condito mitis*. Apollo namque *ἀπὸ τῆς Ἀπόλλειν*, id est, perdendo dictus est; nam Sol ipse omnia animantia perimit, cùm pestem caloris intemperie immittit. vnde & *παίων ἀπὸ τῆς παίειν*, à feriendo, & *λοιμὸς*, pestilens. *Ilia turma pars iussa mutare lateis*. per epexegetim. *Ilia*, ab Illo regia Priami, id est, Trojanæ. *Quaque vos bobus veneratur albis, &c.* deinde. *Impetret bellante prior, &c.* hanc lectionem non mutauì, quia in quatuor

quatuor codicibus eadem erat cum suis annotationibus, & Carr. codic. Si cui tamen alia magis apta videbitur, scilicet, *Quique vos & imperet bellante.* p. per me illi hoc erit liberum. *Albis.* P. Valerius Publicola in ludis sæcularibus ad aras Iouis & Apollinis mactari iussit candidum taurum; ad Iunonis verò iuuenecam candidam, & hæc quidem interdiu, noctu autem Dianæ: Proserpinæ, Terræ & Parcis furvæ hostiæ immolabantur. *Medus,* de Medis, qui & Parthi, quo pacto supplices facti sint Romanis, traditis regijs obsidibus, vide Orosium libri sexti capite vigesimoprimo. *Iam Scythæ.* Lucius Florus, libri quarti capite ultimo, Nam Scythæ, inquit, misere legatos & Sarmatæ amicitiam petentes. Suetonius in Octavio: Qua virtutis moderationisque fama, Indos etiam ac Scythas, auditu modo cognitos pellexit ad amicitiam suam, Populi que Romani ultro per legatos petendam. vide Orosium in fine sexti libri. *fulgente decorus arcu.* est enim dictus, ἀργυρότοξος, ab arcu argenteo, ab Homero sæpius nominatus ἐκκρόλος, sagittarius. *Acceptis que novem.* est enim ἤμισον μουσῶν μεσσηγέτης καὶ ἐπίσκοπος, καὶ παίζειν μετὰ μουσῶν ἐνομίδη, ἐκ γὰρ μουσάων καὶ ἐκκρόλου Ἀπόλλωνος ἄνδρες αἰετοὶ ἔασιν ἐπὶ χθόνιοι βασιλεῖς φησὶν ὁ ἡσιόδους. *Qui salutarileuat arte.* hinc ἀκέσις ἢ ἀλεξίεργος, quod medeatur & mala depellat. *Videt æquus,* placatus, propitius, placidus, ἡλεως. *Arceis,* aras habent codices Blandini. *Proroget.* quatuor cod. Bland. hæc verba, *Proroget, curet, applicet,* habent in præsentī indicandī modo, scilicet, *Prorogat, curat, applicat:* quæ lectio mihi certè cōmodior videtur, ad eò ut eam iudicem alteri præferendam: non mutavi tamen vulgatam, quia satis apta videatur, & eruditiorum

torum hic opinionem iudiciūque expectare malui. *Quindecim Diana preces virorum.* de quindecim viris scribit Alexander Alexandrinus libri tertij cap. 16. vnde hæc pauca huc facientia adscripsi. Triumvirū numerus à Sextio & Licinio Tribunis plebis creatus, manfit ad Cornelium Syllam, quo tempore Quindecim viri, qui sacris faciundis, supplicationibus & lectisternijs præessent, quique placamenta deūm & expiationes ediscerent, officiaque cæremoniarum exequerentur, librorumq; & carminum Sibyllæ curam agerent, creati sunt, &c.

F I N I S.

E R R A T A.

Pagina 9. versu 1. *pro dæmon.* 12. 18. pro ille pone hic, & pro hic, ille. 22. 22. Brundisium. 22. 3. i. iudicat. 34. 24. lanatio. 40. 25. dele sic. 41. 2. Itidorus. 50. 6. esquilinæ. 57. 18. molle. 60. 23. etiam, vel, vt, ne vel latū. 63. 20. Blandinij. 64. 5. altero sub necē vel vtroque brachio. 65. 19. & apud Tibullum. ead. pag. versu penult. possunt. 66. 12. ignē. 67. 21. propter elisionē diphthong. 69. 10. forte is respondere. 73. 14. secundum. 73. 27. nisi in animal. 75. 23. quod. 76. 3. bacis. 81. 21. ablatos. ead. 30. quasi dotaleis. 85. 32. ita cōspurcauit. 86. 8. Ionico. ead. 12. antiquitus. 14. fingeret in altero (quæ generis sunt nō eiusdem.) ead. 23. cōtrā. ead. 23. modos vtriusq; gentis. 87. 21. politicōn. 88. vlt. prælio. 89. 7. ad hunc aliās. ead. 20. forminiam. 95. 23. sacerdotē Priami. 98. 73. freti. ead. 19. Vitruuius. 104. 5. in nodum. 105. 2. Zodiacū, & hiber. 107. 5. vêtos. 111. 9. esse ad oscula. ead. 10. panllō 112. 4. Epo. ead. 6. miserē. 114. penult. nines quæ de, ducant Ionenem. 115. 17. contexta. 116. 9. dei, Isfonis. 116. vlt. Ramini. 117. 5. metonymicōs. 120. 25. vmbilicū. 124. 8. sequatur. 125. 17. secat. ead. 27. fragmenta. 126. 7. mœrebis. ead. 28. antipophoram. 139. penult. Phocæorum. 140. 6. & cetera, quasi ex. 141. 16. Paulus. 146. 16. cuiuscunque. ead. 18. vt mœreatur. 152. 1. lethale. ead. 29. exosculatus. 153. 26. Nelli. 154. 12. metaphoricōs. 156. 9. lib. 6. ead. 19. de tua vale. 160. 2. Carthaginensēis. ead. 12. Epyri.

PRIVILEGIUM CÆSAREVM.

MAXIMILIANVS II Diuina fauente clementia
electus Romanorū Imperator semper Augustus; Germa-
niæ, Hungariæ, Bohemiæ, Dalmatiæ, Croatiæ & Sclauo-
niæ, &c. Rex; Archidux Austriæ; Dux Burgundiæ, Styriæ,
Carnithiæ, Carniolæ, & Wirtēbergæ; Comes Tyrolis &c.
Recognoscimus & notum facimus tenore præsentium vni-
uersis: inter alia maiorum nostrorū cōsilia, illud haud po-
stremū fuisse comperimus, vt ad Imperij Romani decus
& dignitatem plurimū facere arbitrantur, non minus
rem litterariam, quā militarem disciplinam propagare:
quod litterarum monumētis, quidquid fortiter & præcla-
rè gestum esset, illustrari cognoscerent, & æternæ memo-
riæ consecratum ad posteros ita transmitti, vt tam exteris
quā domesticis populis, exēplo ad virtutē esse posset:
quodq; optimarum artium studia, & quidquid ad huma-
næ vitæ cultum atq; vtilitatem in quaque arte fuisset ex-
cogitatum, litteris & contineri & cōseruari optimè didi-
cissent. Illorū nos laudatis vestigiis insistere summo stu-
dio cupientes, dignum imprimis duximus prudenter &
accuratè cauere; vt si quis ad eam rem quidquam vel indu-
stria vel laboribus & impensis suis contulerit, ne huic frau-
di beneficiū publicum sit. CVM itaque sincerè nobis
dilectus Christophorus Plantinus ciuis & typographus
Antuerpiensis nobis humiliter exponi curarit; se veteres
nō nullos auctores, vel nunquam antea visos, & raros, vel
emendatiōres, aliaq; opera magni momenti; in primis
verò Biblia Hebraica, Nouum Testamentum, Eunapium
de vitis Philosophorum, Illustrium de poëtis, Nonium
Marcellum, Petronium Arbitrum, omnes veteres Poëtas
correctos vel cōmentariis illustratos, Emblemata Sambu-
ci, Dictionarium Hebraicum, Dictionarium Græcum, L.
Iulium Florum de Gestis Romanorum cum Commen-
tario Ioannis Stadl, & siquæ huius generis alia, vel antea
non edita vel emendatiora, locupletiora, auctiora, & illu-
striora facta sunt, quacunque in lingua, imprimere cōsti-
tuisse: vereri autem, ne, quod sæpenumero vsu venire con-
sueuerit, alij non nulli, qui alieno labore & industria par-

tis, fucorum more inhiare, & frui soleant, ea quæ ille ma-
 gnis sumptibus & impensis collegerit, & typis procuderit,
 mox ad suum cōpendium, minore sumptu & labore imi-
 tentur, atque effingant, illique labor omnis, sumptus &
 impensæ, omne quoq; lucrum & laboris præmium, atq;
 adeo (quod dici solet) oleū & opera pereat: ideoq; suppli-
 citer à nobis petierit, vt cōtra huiusmodi improbos quo-
 rundā lucri cupidorum conatus, fraudē & iniurias, Priui-
 legij nostri prærogatiua munire illum dignaremur. Nos
 huiusmodi illius precibus æquis & iustis benignè annuen-
 tes, & prædicti Christophori Plantini honestos conatus
 promouere, atque indemnitati illius quàm maximè con-
 sultū cupientes, hoc publicè edicto cautū volumus, & san-
 cimus, ne quis cuiuscunq; status, gradus, ordinis, aut con-
 ditionis fuerit, quacunq; facti Romani Imperij & ditionis
 nostræ fines patent, deinceps prædicta, aut alia quæcunq;
 probatorum auctorum opera, quotquot vel hæctenus nō-
 dum impressa, vel ab aliis quidem impressa, nouis autem
 deinceps scholiis, annotationibus, aut cōmentariis aucta
 & illustrata, præfatus Plantinus primus typis procuderit,
 intra proximū sexennium à prima cuiusq; operis aut vo-
 luminis editione vlllo pacto eiusdem vel diuersi caracte-
 ris forma excudat, aut excusa ab aliis intra nostros & Im-
 perij fines vendenda importet, seu quouis modo distrahat
 manifestè vel occultè, sub pœna decem Marcharū auri pu-
 ri, quarum dimidia fisco nostro imperiali fraudis vindici,
 residua vetò pars prænominato Plantino cedat, præter li-
 brorū, sicut præmittitur, ad imitationem impressorum a-
 missionem; quos idē Plantinus vbicumque locorum na-
 ctus fuerit per se, vel suos, ad iumēto magistratus loci, vel
 citra, propria auctoritate sibi vendicare inque suam pote-
 statem redigere potest. In cuius rei fidem præsentī edicto
 manu nostra subscripsimus & sigillū nostrū apponi iussi-
 mus. Datū in ciuitate nostra Viēna Austriæ, die XXI. mēsis
 Februarij, Anno Domini M. D. LXV. Regnorū nostrorū,
 Romani, III. Hungarici, II. Bohemici verò XVII.

Maximilianus.

Ad mandatum sacræ C. M. proprium

Haller



EXCVDEBAT CHRISTOPHORVS
PLANTINVS ANTVERPIÆ AN.
M. D. LXVII. IPSIS NON. IULII.









18